

心小腸部

醫學綱目

自十七
至十八

十

醫學綱目卷之十七

心小腸部

諸見血門

衄血

久衄

產後衄

吐血

咳唾血

妊孕咳唾血

瘦血

娠娠尿血

下血

中壘下血

大法

垣衄血出於肺以犀角升麻梔子黃芩芍藥生地紫參丹
 參阿膠之類主之咯唾血者出於腎以天門麥門貝母知
 母桔梗百部黃柏遠志熟地黃之類主之如有寒者乾薑
 肉桂之類主之痰涎血者出於脾葛根黃芪黃連芍藥耳
 草當歸沉香之類主之嘔血出於胃實者犀角地黃湯主
 之虛者小建中湯加黃連主之

榮之生病也寒熱少氣血上下行方見寒熱

素帝曰有病胸脇支滿者妨於食病至則先聞腥臊臭出
 清液先唾血四肢清目眩時時前後衄病名為何何以得

熱

之岐伯曰病名血枯此得之年少時有所大脫血若醉入房中氣竭肝傷故月事衰少不來也帝曰治之奈何復以何術岐伯曰以四烏鯁骨一蔥茹二物并合之丸以雀卵大如小菴以五丸為後飯飲以鮑魚汁利腸中及傷肝也

論腹中

諸見血無寒衄血吐血溺血皆屬於熱但血家症宜服生地黃散主之

生地

熟地

枸杞子

地骨皮

甘草

天門冬

黃芪

芍藥

黃芩

右劉每一兩水盞半煎一盞去查溫服脈微身涼惡風每一兩加桂半錢吐血者多有此證

海龍腦雞蘇丸治上焦熱除煩解勞去肺熱咳衄血

憐脾胃熱口其吐血肝膽熱泣出口苦腎熱神志不定上而酒毒膈熱消渴下而血滯五淋血崩等疾

薄荷

麥冬

甘草

生地

黃芪

新蒲黃

阿膠

黃連

人參

木通

銀柴胡

黃連

右為細末好蜜二斤先煎一二沸然後下生地黃末不住手攪時加木通柴胡汁浸熬成膏勿令火緊焦了然後加前藥末和丸如豌豆大每服二十九丸白湯下 虛勞虛煩梔子湯下 肺熱黃芩湯下 心熱悸動恍惚人參湯下 唾咳吐血衄四血去心麥門冬湯下 肝熱防風湯下 腎熱黃栢湯下 已上並食後臨臥服治五淋及婦人漏下車前子湯下 痰嗽者生薑湯下莖中痛者蒲黃滑石水一鍾調下 氣逆者橘皮湯下

室女虛勞寒熱潮作柴胡人參湯下

梅治吐血下血并婦人漏下雞蘇莖葉煎取汁飲之

海胸中聚集之殘火腹裏積久之太陰上下隔絕脈絡部
分陰陽不通用苦熱以定于中使辛熱以行於分升以其
溫降以辛潤化嚴肅為春溫變凜冽為和氣汗而愈也然
餘毒土苴猶有存者周身陽和尚未泰然胸中微躁而思
涼飲因食冷物服涼劑陽氣復消餘陰再作脈退而小弦
細而遲激而為衄血唾血者有之心肺受邪也下而為便
血溺血者有之腎肝受邪也三焦出血色紫不鮮此重
寒濕化毒凝泣水穀道路浸漬而成若見血證不詳本源
便用涼折變乃生矣陽証溢出血
陰証下如豚肝

上而血者黃芪桂枝湯 白芍當歸湯

中而血者當歸建中湯 增損胃風湯

下而血者芩歸木附湯 桂附六合湯 若三血証在行

陽二十五度見黃芪四君子湯主之 若三血証在行陰

二十五度見當歸四逆加吳茱萸主之

玄血證吐血衄血便血其人陰虛陽走其脈沉而散其外

証虛寒無熱候宜烏金丸散止之法宜上用散下用丸次

以木香理中湯加大七氣湯入川芎煎調蘇合香丸溫之

運氣上下出血有四

一曰熱助心火甚而血湧沸也經云歲火太過炎暑流行

肺金受邪民病血溢血泄又云少陽之復火氣內發血溢

血泄王註謂血上七竅為血溢泄利便血為血泄者是也

二曰寒攻心火虛而血逃亡也經云太陽司天寒淫所勝

血變于中民病嘔血血泄衄血善悲又云太陽在泉寒淫

所勝民病血見是也

寒

運氣

三曰濕勝血亡經云太陰在泉濕淫所勝民病血見是也
四曰寒熱凌犯血亡經云少陰司天之政水火寒熱持於
氣交熱病生於上冷病生於下寒熱凌犯而爭於中民病
血溢血泄是也

雜方治
諸瘕血

血餘散治血淋兼治內崩吐血舌上出血小便出血用
亂髮皂角水淨洗洒乾燒灰為末每二錢以茅草根車前
草煎湯調下本草謂髮灰消瘀血通關格利水道破癥瘕
血衄有人生血瘤大如栗常被衣擦破則血出不止用此
血餘灰付之愈一人刀傷血流不止用胎髮灰付之亦愈
孫真人九竅出血方荆葉搗取汁酒和服之
九竅出血以刺薊一握絞汁以酒半盞和服之如無生
者搗乾者為末冷水調三錢 舌上無故出血如線用槐
花炒研末用手摻之

百血

肘舌上忽出血如簪孔者香薷汁服一升日三服

無用髮灰二錢米醋二合調服或付舌上血出孔處

文蛤散治熱壅舌上出血如泉

五倍子洗

白膠香

牡礪粉各等分

右為末每用少許摻患處或燒熱鉄烙孔上

牙齦血

丹治陰虛牙出鮮血氣鬱以四物加牛膝香附生甘草側
柏

羅牙疼腫痒動搖牙齦潰潤宜露出血口氣等疾

當歸

藁本

地骨皮

防風

白芷

槐花

川芎

甘草炙

升麻

細辛各等分

右為細末每用少許擦牙痛甚者取三錢水一盞半黑
荳半合生薑三片煎至一盞去粗熱嗽冷吐之

醫學雜錄卷十七
四
治滿口齒有血枸杞根為末煎湯嗽後喫又治膈上吐血妙

齒縫中多出血當以鹽湯嗽又能益齒走血之驗也

丹齒痛斷出血夜以鹽厚付斷上有涎瀝盡乃臥涎出時

叩齒勿住十夜瘥忌魚肉熱物

肘齒間出血不止苦竹茹以醋浸一宿含之

千濃煎竹葉湯入鹽少許含之止濃煎茶含嗽亦妙

治牙血用附米白芷大黃三物燒灰以青鹽和擦之

本治一切牙疼風熱齦常出鮮血以至崩落口臭不可近人者宜服之

大黃米泔浸生地黄大者薄切

右一味旋切各用一片二片合定貼所患牙上一夜即

愈未全可則再如前法用忌說話恐引風毒津液漬痛

處

世無故牙動牙宣血出香附米用薑汁浸一宿曬乾為末嗽口揩齒令白且堅而不動無血矣 又方以楊梅樹皮

濃煎湯嗽口勿嚙神妙

千治齒斷間津液出血不止以礬石一兩燒水三升煮取

一升先拭齒乃含之

衍有人病齒縫中血出以紙撚蘸蟾酥少許於血出處按之立止

靈苑治虛氣攻牙齒痛血出牙斷痒痛骨碎補二兩細剉

炒令黑色杵末依常盥漱後揩齒斷下良久吐之臨臥後

嚙之無妨

無治耳中出血以龍骨末吹入即止

病者汗出污衣名曰汗血皆由大喜傷心喜則氣散血隨

耳中血

汗血

氣行婦人產蓐有此證治以葶草汁

葶草

不拘多少俗名葛勒蔓也蔓生葉似葶麻而小薄有細刺花黃白子如麻子

右搗汁二升醋二合和空腹飲一盞或煮濃飲亦治沸

瀝尿血

右九竅血舌血牙血汗血不愈又當於衄血吐血條相
參用之

針灸

潔 衄血吐血下血婦人下血不止

隱白五分

東 又法 隱白 太陵

神門各五分

太溪七分

心 婦人經脈妄行鑽心脇疼妄行於上則衄血中則吐血

下則下血

癰門乙分治

巨缺一分治

氣海五分治

中極三分

三陰交五分

診

海 血證與黃證俱頭汗出

垣 血溢上行或唾或嘔或吐皆凶也若變而下行為惡利

者順也血上行為逆其治難下行為順其治易故仲景

畜血症下血者當自愈意同若無病之人忽然下利者其

病進也今病血症上行而復下行惡利者其邪欲去是知

吉也

脈沉為在裏榮衛內結胸滿必吐血

仲 尺脈浮目睛暈黃衄未止暈黃去目睛慧了知衄今止

病人面無血色無寒熱脈沉弦者衄也浮弱手按之絕

者下血煩欬者必吐血 心脈微瀆為血溢全文見 肺

脈滑其為唾血 肺脈微滑為上下出血

仲 脈弦而大弦則為減大則為芤減則為寒芤則為虛虛

寒相搏此名曰革婦人則半產漏下男子則亡血失精

素 脫血而脈實者難治

玉機真藏論

衄而不止脈大而逆也全文見 診生死

難病若吐血復熱衄脈當沉細反浮大而牢者死 吐血
衄血脈滑弱者生實大者死 汗出若衄其脈滑小者
生大躁者死

嘔血胸滿引背脈小而疾者逆也全文見診生死

脈至而搏血衄身熱者死大奇論

衄吐血欬逆上氣其脈數而有熱不得臥者死

衄諸見血身熱脈大者難治難治者邪勝也身涼脈靜者
易治易治者正氣復也 衄血者若但頭汗出身無汗及

汗出不至足者死

素鹹走血血病無多食咸宜明五酉氣篇

衄血

無止衄散

黃芪六錢

赤茯苓

白芍藥各三錢 當歸

禁忌

虛

生地

阿膠炒各三錢

右為細末煎黃芪湯調下三錢未止再服

垣治血衄不愈以三稜針於氣衝上出血立愈更服此藥
尤妙

五味子十粒

麥門冬去心五分

當歸五分

黃芪一錢

生地三分

人參五分

右咬咀作一服水二盞煎一盞空心熱服

丹鼻血不止諸方不效糯米炒微黃為末新水下二錢此
方甚妙

梅治鼻衄出血眩冒欲死燒亂髮細研水服方寸七須臾
吹鼻中瘥

保衄血先服朱砂蛤粉次服木香黃連大便結者下之用
大黃芒硝甘草生地澹軟者梔子黃芩黃連可選用之

實

熱

犀角以涼血行血為主 犀角地黃湯入鬱金同用丹

云犀角性走散血虛者用之禍至

虞世治咯血衄血白芍藥一兩犀角一分為末新水服一

錢七衄止為限

徐畫粉散治鼻衄血不止一二服除根白土即畫匠所用

畫粉研極細每服五錢新井水調服立止

世人中白為末白湯調服治衄累效

羅生地黃湯治鼻衄昏迷不省

生地三五斤不暇取汁使患人生吃呷汁三斤許又以其查塞鼻頰與血止取汁尤佳

保衄血不止麥門冬飲子

麥門冬心去 生地黃

右切水煎服

孫凡治鼻衄及膈上熱盛乾地黃龍腦薄荷等分為末冷

水下

丹鼻衄脈數有熱

人參三分 黃栢炒二分 黃連五分 地黃一錢

歸尾五分 甘草二分 黃芩五分 芍藥一錢

玄鼻衄血者初出多不能止用黃丹吹入鼻中乃肺金受

相火所制然也宜生料雞蘇散治之

雞蘇葉 黃芪去蘆 生地 阿膠

白茅根各一兩 麥門冬心去 桔梗 蒲黃炒

貝母心去 甘草各五錢

右咬咀每服四錢薑三片水煎服

衍治大熱衄血用萱草根洗淨研汁一大盞生薑汁半盞

相和時時呷丹溪云萱草屬水性下行陰分

丹鼻血貫仲根細末水調一錢七立止

羅寸金散治鼻衄不止

黃藥子五錢 土馬琮半兩有足者

生甘草各一錢

右為細末每服二錢新水調下未止再服立瘥本草云土馬琮

即苦與垣衣之類垣衣生墻垣之側土馬琮生垣墻之上背陰古墻上多有之

治鼻衄不止黃藥子為末每服二錢七煎薄荷湯下良

久以新汲水調麩末二匙頓服之

世衄飛麩二錢鹽一錢新汲水調下

膽移熱於腦則辛頰鼻淵傳為衄全文見診病傳變

定命散治膽受熱熱血妄行鼻中衄衄并血汗不止

朱砂 寒水石 麝香

右為末每服半錢新汲水調下不計時候看老幼虛實加減

膽熱

寸脈微為寒

脈寸口脈微苦寒為衄宜服五味子湯磨茱萸膏令汗出

方未考

予男衄寸口脈微小用寒涼藥不止後用小建中湯加梔

仁黃芩黃柏一服立愈

鼻塞為表

七叔婆鼻塞時有血些少出

羌活 獨活 防風 升麻

乾葛 蒼朮 陳皮一錢 甘草炙

白芷 麻黃 黃芪

分二貼入開口紅椒七粒塞二枚去核蔥白三根水二

盞煎取淺盞稍熱飲之

藏府

春善病衄全文見五臟

從春至夏衄者太陽從秋至冬衄者陽明

結者散之

衄血不止以養胃湯一貼煎服效 一方治衄血妄行

用百藥煎半燒半生和水酒調服

散者收之
茜梅丸治衄血無時

茜草根

艾葉各一兩

烏梅肉焙乾半兩

右為細末煉蜜丸如桐子大烏梅湯下三十九

運氣
運氣衄有三

一曰熱助心火而血溢為衄經云少陰所至為衄衄又云少陰司天熱氣下臨肺氣上從衄衄鼻窒又云少陰司天熱淫所勝民病衄衄又云少陽司天三之氣炎暑至其病血溢衄衄又云少陽司天火氣下臨肺氣上從衄衄鼻窒又云少陽司天火淫所勝病甚則衄衄又云少陽之復太熱將至欬衄必也
二曰寒攻心火而血逃為衄經云太陰司天寒淫所勝嘔血血泄衄衄善悲時眩仆也

三曰寒熱相逼而衄經云陽明司天之政初之氣陰始凝氣始肅民病中熱衄衄此外寒鬱內熱而衄也又云少陰司天之政四之氣寒熱互至民病衄此下寒迫上熱而衄也

雜方
衄血白芨末新汲水調下神妙

御院麝香散治鼻衄不止

白礬枯過

白龍骨枯者另研各半兩

麝香另研半字

右三味杵和勻每用一字先將冷水洗淨鼻內血涕然後吹藥於鼻中或以濕紙蘸藥塞鼻尤妙

治鼻中衄血及咯吐血不止五色龍骨作末吹一豈許

於鼻中立止

榴花百葉者主心熱吐血及衄血等乾之作末吹鼻中

立瘥

已上皆
亂髮微溫主欬嗽五淋大小便不通小兒

驚癩止血鼻衄燒之吹鼻內立已髮灰破活血補陰

山梔不拘多少燒存性為末搐入鼻中立愈蔡子涯傳

云同官趙無疵其兄衄血甚已死入殮血尚未止偶一道

人過聞其家哭詢問其由道人云曾服丹或燒煉藥予有

藥用之即出此藥半錢七吹入鼻中良久得活併傳此方

世治鼻衄人中白係尿缸結者燒灰少許吹入鼻中已上寒劑

世鼻衄過多昏冒欲死用香墨濃研點入鼻中

鼻血龍腦葉研塞立止入豉尤妙

勝金治衄血以蔥白一握搗汁投酒少許抄三四滴入鼻

中瘥

無白芨散治鼻衄立效白芨不以多少為末冷水調用紙

花貼鼻竅中 一方用黃膠湯浸令軟貼鼻竅中鼻竅山根也

治鼻衄久不止或素有熱而暴作者諸藥不效神法以

大白紙一張作十數撲於冷水內浸濕置頂中以熱熨斗

熨之至一重或二重紙乾立止

治鼻血不止服藥不應宜用蒜一枚去皮細研如泥攤

一餅子如錢大厚一莖許左鼻血出貼左脚心右鼻血出

貼右脚心如兩邊俱出貼兩脚心即瘥血止即以溫水洗

去之 一法用紙圓兒右衄塞左耳左衄塞右耳 又冷

水調白麩飲之

治衄不止百藥不效因心憂慮得者急縛兩手中指上立

止

針灸衄取四經

其一取足手太陽經云衄而不止血流取足太陽大衄衄

血取手太陽不已取宛骨下不已刺臑中出血又云膀胱

足太陽之脈所生病者鼽衄項背腰尻臑端痛視盛虛熱

針灸

寒陷下取之又云足太陽之别名曰飛陽去踝七寸別走少陰虛則孰衄取之所別也

其二取足手陽明經云胃足陽明之脈所生病者孰衄又云大腸手陽明之脈所生病者目黃口乾孰衄皆視盛虛熱寒陷下取之又云邪客於足陽明之絡令人孰衄上齒寒刺足中指次指爪甲上與肉交者各一痛左刺右右刺左

擗衄血 瘖門分三 合谷 內庭

密又法 瘖門 三里瀕 照海分五

世又法 三里 外關瀉 重者風府

集又法 風府 上星 百勞 合谷不已取後穴 迎

香 人中 印堂

口鼻出血不止 上星灸三指灸

甲頭腦中寒鼻衄目泣出神庭主之 衄血不止承漿

委中主之 孰衄腰脊脚膈痠重戰慄不久立膈如裂脚

急跟痛足攣引少腹痛咽喉痛大便難臍脹承山主之

頭重鼻孰反痰痰汗不出煩心足下熱不欲近衣項痛目

腎及小便皆不利至陰主之

診衄法見諸見血門

久衄

世久衄炒糯米為末水調服神妙詳見

世黃芪芍藥湯治鼻衄血面多黃眼澁多眩手麻木張彥

明男衄血多歲不效用此方

黃芪兩一 甘草兩二 升麻兩一 葛根

羌活兩各半 白芍藥錢二

右為麤末每服半兩水二盞煎至一盞去查溫服二十

診 虛

五貼而愈六脈細弦而瀉按之空虛其色必白而天不
澤者脫血也此大寒証以辛溫補之以養血以甘溫潤
之劑佐之即愈此脫血傷精氣之証也六脈俱大按之
空虛心動面赤善驚上熱乃手少陰心之脈也此因氣
盛多而亡血以甘寒鎮墜之劑瀉火與氣以墜浮氣以
辛溫微苦峻補其血再用三黃補血湯

三黃補血湯

熟地二錢

生地三錢

當歸

柴胡各錢

白芍藥五錢

川芎二錢

牡丹皮

升麻

黃芪

各一錢補之治
血溢者上竭

右為籠末每服半兩水二盞煎五沸去渣溫服食前兩
手脈芤兩頭則有中間全無而虛曰芤血至胸中或衄
血吐血以犀角地黃湯主之

羅地黃散治衄血往來久不愈

生地

熟地

枸杞子

地骨皮各半

右為細末每服二錢蜜湯調下日三服

雜方

世治鼻血常發者於發時用生薑杵碎合額上一日如痒
就搔之永不復發

用治人少小鼻衄小勞輒出桑耳無多少炒令焦搗末每
衄發以杏仁大塞鼻中數度可 大病瘥後小勞便鼻衄
牡礪一分石膏五分搗末酒服方寸七日三四服亦可蜜
丸如桐子大服之

產後衄

診治

大產後口鼻黑氣起及鼻衄者名曰胃絕肺敗此証不可
治遇有此疾急取緋線一條并產婦頂心髮兩條繫係中
指節即止 治產後鼻衄中風以荊芥為末童便調下神

驗此方氣虛
人勿用

吐血

氣虛不
能攝血

服之千金

人參救肺湯治吐血亦用

人參

升麻

柴胡

歸稍

蒼朮錢各一

熟地

白芍藥

黃芪錢各二

陳皮

蘇木

甘草各五分

右為麤末作一服水二盞煎一盞去渣稍熱食前服

局必勝散治血妄流溢或吐或衄

小薊并根

人參去蘆

蒲黃炒

當歸

熟地

川芎

烏梅去核各等分

右咬咀每服四錢水一盞煎七分溫服不拘時

有熱者
補中降
火

保雞蘇散治虛損氣逆吐血不止

雞蘇葉

黃芩

刺薊

生地

黃芪各一兩

當歸

赤芍藥各半兩

阿膠

伏龍肝兩

右為麤末每服四錢薑三片竹茹彈子大水同煎

丹朱富六因辛苦吐血或衄夜間發熱口乾身疼食少當

作虛勞治

白朮六錢半

人參

青皮炒

生地

芍藥

陳皮

歸尾

甘草各半兩

川芎三錢

紅花五分

分十貼水二盞煎至三之一食前稍熱飲下保和九十

四粒與點九十粒

一婦人年五十餘嘗吐血今又作面黃身蠕動食少

青皮兩半

人參三錢半

白朮

陳皮各三錢

白芍藥

木通各二錢

黃連炒

乾薑

黃芩炒

川芎各錢半

黃栢炒一錢

生甘草

生地各錢半

歸頭二錢

分七貼水二盞煎至三分之一去渣入藕汁半盞再煎

沸通口飲之

血虛隨入上行

夫口鼻出血皆係陽盛陰虛有升無降血隨氣上越出上竅法當補陰抑陽氣降則血歸經也

大補血丸治陰虛吐血

當歸一錢

生地一錢半

右以杜牛膝汁浸三日取起酒洗淨入臼內杵千杵為丸桐子大白湯下

梅治吐血神效方

生地黃汁一升二合白膠香二兩以磁

器盛入甑蒸令膠消服妙一方獨用生地黄汁半升飲

之立止神妙

雲五神湯治婦人熱毒上攻吐血不止

生藕汁

刺薊汁

生地汁各二錢

生薑汁半盞

白蜜一盞

右和煎三兩沸無時以一小盞調炒麪一錢食前服聖

治心熱吐血口乾獨用刺薊搗絞取汁一小盞服

大四生丸治吐血衄血陽乘於陰血熱妄行

生荷葉

生艾葉

生栢葉

生地黄各等分

右研爛丸如雞子大每服一丸水三盞煎一盞濾過溫

服經驗治吐血咯血一味荷葉倍乾為末米湯下二錢匕亦佳又山居治吐血一味側栢葉研細酒調服妙

丹經血逆行或血腥或吐血用菲菜汁服立效

簡治吐血咯血蒲黃一兩搗為散每服三錢溫酒或冷水

調服妙 治吐血茜草一兩生搗羅為散每服三錢水一盞煎七分放冷食後服

世治內損吐血飛羅麩不以多少微炒濃磨細墨一匙茶調下二錢立效 又方治吐血用松烟墨磨汁服立效

治大吐血好墨細末二錢以白湯化阿膠清稠稀得所頓服熱多者尤相宜

挾痰者
清痰降
火

先見紅後見痰多是陰虛火逆痰不下降四物湯加痰

治火血上錯經妄行四物湯加炒山梔童便薑汁此後諸方用童便薑汁雖無痰亦吐血要藥也 治吐血衄血用鬱金為末以童便薑汁

好酒調服一方不用酒 治吐血紅山茶花陰乾為末每服一錢用童便半鍾生薑汁少許調服

本治吐血鼻紅生薑二分絞汁并壯健丈夫小便一升乘

熱頓飲瘥

痰積者
下之

又方以童便一分酒半分搗栢葉溫飲之 吐血挾痰積方可下若一碗兩碗吐者只補陰降火用四物大劑之類挾痰若用血藥則泥而不行只治火其血自止山梔最清胃脘血

吐血者由憂思諸氣鬱極方散而生熱則心血妄行宜玄明粉加黃丹服之次用四物解毒加藕節治之如前症之熱並宜清之

心氣不足吐血衄血瀉心湯主之亦治霍亂

大黃二兩 黃連 黃芩各一兩
右三味以水三升煮取一升頓服之

雲岐子犀角地黃湯治寸芤血在上焦
生地二兩 黃芩半兩 黃連一兩 大黃兩

右咬咀秤一两水二盞煎去查食後服之

治吐血川大黃一兩搗為散每一錢生地黃汁一合水半盞煎三五沸無時服

血紫氣寒胸中者下之

吐血覺胸中氣塞上吐紫血桃仁承氣湯下之

枳殼

青皮

生地

木通

牡丹皮

桃仁

川芎

黃芩

黃連

甘草

生乾薑

桔梗

分四貼煎服

或暴吐紫血一碗者無事吐出好此熱傷血死肝中宜服四物解毒之類

傷損吐血

治墜馬積血心胃唾血無數乾荷花根為末酒服方寸七日三服

無加味芎歸湯治打撲傷損敗血流入胃腕嘔吐黑血或如荳羹汁

川芎

當歸

白芍藥

百合水浸半日

荆芥穗各等分

內傷飲食吐血

天酒客欬者必致吐血此因極飲過度所致也此即肺疽之屬

吐血有三種有內衄有肺疽有傷胃內衄者出血如鼻衄但不從鼻孔出是近從心肺間津液出還流入胃中或如荳羹汁或如切鱖血凝停胃中因即蒲悶便吐或去數斗至一石者是也得之於勞倦飲食過常也肺疽者或飲酒之後毒滿悶吐之時血從吐後出或一合半升一升是也傷胃者因飲食太飽之後胃中冷不能消化便煩

悶強嘔吐使所食之物與氣共上衝臍因傷裂胃口吐血
色鮮正赤腹亦絞痛自汗出其脈緊而數者為難治也韻

書音哉 無理中湯能止傷胃吐血以其方最理中脘分利陰陽安

定血脈海藏亦云飲冷傷脾吐血以理中湯理治中脘

二合灰散治因啖辛熱嘔吐出血一合或半升許名曰肺

疽

紅棗和核燒存性 百藥煎煨各等分

右為細末每服二錢米飲調下

外感雨濕吐血

除濕湯治冒雨着湯鬱于經絡血溢作衄及血溢流入胃

胃滿吐血 茯苓 乾薑各四錢 甘草炙 白朮各二錢

右剉每服四錢水一大盞煎八分去查服頭疼加川芎

二錢最止浴室中發衄此方治冒雨吐血理中湯治傷

大吐血不止亦用乾薑一味炮為末童便調服從治之者可見乾薑亦為吐血要藥也

丹男子年十七家貧而多勞十一月得寒病時吐三兩口

血六脈緊澹一日食減中痞醫投溫膽湯枳椇湯三日後

發微熱口乾不渴口中有痰此感寒也詢知云因十日前

霜中曾渡三四次溪水心下有悲泣事腹亦飢遂以小建

中湯去芍藥加桔梗陳皮半夏四貼而安 又方治吐血

以交趾桂五錢為末冷水調服亦小建湯治感寒吐血之

義經云太陽司天寒淫所勝血變于中嘔血泄血孰衄平

以辛熱者即理中建中用乾薑桂枝治吐血之類皆同也

吐血挾熱者治法並見血虛

經治嘔血黃栢好者以蜜塗炙乾杵末用麥門冬熱水調

下二錢七立瘥

挾熱者內症

外入 換寒者

吐血挾寒者多是口食寒物身受寒氣之病治法並見內傷飲食外感雨寒條

吐血不止栢葉湯主之

栢葉

乾薑各二

艾三

右三味以水五升取為通汁一升合煮取一升分溫再服

治吐血鼻衄不止茯苓肝半升以新汲水一大升淘取汁和蜜頓服

運氣

運氣血溢有五

一曰熱助心血沸而溢經云少陽司天之政初之氣候乃大溫其病氣沸於上血溢又云少陰司天客勝甚則血溢又云少陽司天客勝則血溢又云火鬱之發民病血溢治

以鹹寒是也

二曰寒攻心血逃而溢經云太陽司天之政寒濕之氣持於氣交民病血溢治宜苦以燥之溫之也

三曰內火格拒外寒壅遏而血溢經云少陰司天之政終之氣燥令行餘火內格甚則血溢是也

四曰風濕相薄血溢及下寒相薄蒸熱於上而血溢經云太陰司天之政初之氣風濕相薄民病血溢此風濕相薄

血溢也四之氣畏火臨溽蒸化地氣騰天氣否膈寒風時暮蒸熱相薄民病腠理熱血暴溢此地氣之寒相薄天氣

蒸熱於上而血溢也

五曰燥邪攻肝血溢經云歲金太過燥氣流行病反側欬逆甚而血溢是也

傷肺

夫傷肺者脾氣不守胃氣不清經氣不為使直藏壞決

經脈傍絕五臟漏泄不衄則嘔示從容論曰傷肺即傷氣當於氣虛不能攝血條參

羅門冬飲子治脾胃虛弱氣促氣弱精神短少衄血吐血

五味子五箇 甘草 芍藥 黃芪各一錢

紫苑半錢 人參 歸身 麥門冬

右為籠末作二服水煎食後服

天門冬丸治吐血咯血能潤肺止咳

天門冬 甘草 杏仁炒 貝母

白茯苓 阿膠各半兩

右為細末煉蜜丸如彈子大每服一九嚥津含化日夜

十丸

丹酒色過度飢飽吐血痰血神妙

枇杷葉 欵花 北紫苑 杏仁去雙仁皮尖

鹿茸灸如法 桑白皮 木通各一兩 大黃兩半

右煉蜜丸臨臥含化

傷肝

經云怒則氣逆其則嘔血故氣上矣又云陽氣者大怒則形氣絕而血菀於上使人薄厥此皆怒則傷肝氣而嘔血以黃運香附青黛葉胡甘草平其肝自愈矣宜服赤茯苓瀉心湯

世治嘔血咯血衄血肝損白芨為末米飲調服神妙

簡治吐血檲葉搗末每服二錢水一盞煎七分和查服

中蠱毒吐血見下血門

刺灸吐血有二

針灸

其一取肺經云暴痺內逆肝相搏血溢鼻口取天府是也其二取筋經云手太陰筋病當所過者支轉筋痛甚成息奔脇急吐血治在燔針劫刺以知為數以痛為膈是也

密吐血 風府 大椎 鬲俞 肝俞各五分瀉

東又法 胃脘 臑中 肝俞各沿皮

集又法 臑中 中脘 氣海 三里 乳根 支溝不

已取 下穴 肺俞 腎俞 心俞 膏肓 關元

東嘔血 脇痛 口乾 不可欬 引腎痛

不容傍刺 上脘三寸 太陵 郄門 神門

甲嘔血 太陵 及郄門主之 嘔血 上氣 神門主之 心下

有膈 嘔血 上腕主之 嘔血 肩急 脇下 痛口乾 心痛 與背

相引 不可欬 欬則 肩痛 不容主之

肝脈 太甚 為內癘 善嘔 嘔血全文見治

診吐血法見前諸 咳唾血見血門

大法

診

血鬱血 汚血熱

丹七傷散治勞嗽吐血痰

黃藥子 白藥子各一兩半 赤芍藥七錢 知母

玄胡索各半兩 鬱金二錢 當歸半兩 山藥

乳香 沒藥 血竭各二錢

右為末 每服二錢 茶湯下 本草云黃藥子白藥子治肺熱有功○一法紅花當歸煎

下湯

羅恩袍散治咯血吐血及治煩躁

真生蒲黃 薄苧各一兩

右研勻 細每服三錢 濃煎桑白皮湯調下

地黃散治一切吐血咯血能解一切毒及諸熱煩躁

茜草根四錢 大豆子 黃藥子 甘草各二兩

右為細末 每服二錢 新汲水調下 加入參二兩 治痰嗽

有血

痰帶血絲出童便竹瀝主之 又方用韭汁童便二物合和加鬱金細研入內服之其血自消 經血逆行或血腥吐血唾血韭汁服立效咯血用薑汁童便青黛入血藥中加四物湯牛膝膏地黃膏之類

治一切肺病咳嗽膿血及唾膿血不止方好酥三十斤
氣逆氣帶
煉取凝當中醍醐服一合日三升即止一切藥皆不及此方

海 甘桔加阿膠紫苑湯治肺痿唾膿血方見傷寒咽痛門

梅 肺疾膿血取薏苡仁十兩杵碎以水三升煎取一升入酒少許服之本草云薏苡仁下氣利腸胃消水腫

血虛

羅 大阿膠丸治嗽血唾血

- 阿膠微炒
- 卷栢
- 生地
- 熟地
- 大蘄獨根者晒乾
- 雞蘇葉
- 五味子各一兩
- 栢子仁另研

茯苓

百部

遠志

人參

麥門冬

防風各半兩

乾山藥一兩

右為細末煉蜜丸如彈子大煎小麥麥門冬湯嚼下一丸食後

右方保養精血純補劑也血虛者宜之

氣虛

治上氣喘息咳嗽吐血咯血入參細末雞子清調三錢
五更初服便去枕睡仰臥只一服愈年深再服忌酸醃酢醬麪等物及過醉飽須好將息 男子三十歲因連夜勞倦不得睡成一痰嗽出白黃膿嗽聲不出時初春大寒醫與青龍湯四貼遂覺咽喉有血絲腥氣逆上兩日後血腥氣多遂有血線一條自口中右邊出直上如此每晝夜十餘次診其脈弦大而散弱左大為甚人倦而苦於嗽予作勞倦感寒強以甘辛燥熱之劑以動其血不宜急治恐

或肺痿遂與人參黃芪當歸身白朮芍藥陳皮炙甘草生
甘草不去節麻黃煎熟入藕汁與之兩日而病減嗽止却
於前藥去麻黃又與四日而血症除脈之散大者未收斂
人亦倦甚遂於前藥中除藕汁加黃芩硝砂半夏至半月
而安

六劫勞散治肺痿痰嗽痰中有紅線盜汗發熱熱過即冷
飲食減少

白芍藥六兩

黃芪

甘草

人參

當歸

半夏

白茯苓

熟地

五味子

阿膠炒各二兩

右咬咀每服三錢水盞半生薑二片棗三枚煎九分無
時溫服日三陳日華云有女及笄病甚危一歲之間百
藥無效偶得此方只一料除根

羅五味子黃芪散治嗽咯血成勞眼睛疼四肢困倦脚膝
無力

麥門冬

熟地

黃芪

桔梗各半兩

甘草一分

白芍藥

五味子二分

人參二錢

右為籠末每服四錢水煎日三服

雲岐子苓散涼心肺解勞熱

黃芪兩一

白芍藥

黃芩

人參

白茯苓

麥門冬

桔梗

生地各半兩

右為籠末先用竹葉一握小麥七十粒水三盞薑三片
煎一盞半入藥末三錢煎七分去渣溫服

席延賞治虛中有熱咳嗽膿血口苦咽乾又不可服涼藥
好黃芪四兩甘草一兩為末每服三錢如茶點羹粥中亦
可服

右參芪例純補劑也丹溪云脈大發熱為氣虛此氣血俱虛者宜之若血虛而氣不虛者不宜當用前阿膠丸之類及汚血條求之

婦人五十六歲盛夏吐紅痰有一二聲嗽

人參 錢一

防風 分五

白朮 錢半

陳皮

茯苓 各一錢

乾薑 分三

生甘草 分一

桔梗 錢半

右煎二之一

入藕汁二大哈再煎帶熱下三黃丸

王北四丈發熱 脇痛咳嗽紅痰口渴大便便秘倦怠脈稍數而虛詢之發熱 曾飲水一碗病因飲食不節成積痰發又飲冷水傷胃成 虛傷肺成痰

白朮 錢半

人參

陳皮

川芎 各一錢

芍藥

茯苓

桔梗

甘草 各五分

右作一貼煎

取八分入竹瀝二分再煎沸熱飲下龍薈

九北丸如嗽二十九

右丹溪參朮藕汁竹瀝法也

補者通

脈大發熱喉中痛者是氣虛用參芪蜜炙黃柏荆芥地黃

當歸非汁童便薑汁磨鬱金飲之其血自消

右參芪加鬱金韭汁童便補中解鬱也

羅黃芪鱉甲散治虛勞客熱肌肉消瘦四肢倦怠五心煩熱口燥咽乾頰赤心忪日晚潮熱夜有益汗胸脇不利食減多渴咳嗽稠粘時有膿血

黃芪 兩一

素白皮

半夏

黃芩

甘草 炙

知母

赤芍藥

紫苑 各五錢

秦艽

白茯苓 焙

生地

柴胡

地骨皮 各六錢

白茯苓 焙

肉桂

人參

桔梗 各三錢

鱉甲 去裙炙

天門冬 去心焙

各一兩

右為籠末每服二大錢水一大盞食後煎服

人參黃芪散治虛勞客熱肌肉消瘦四肢倦怠五心煩熱

咽乾頰赤心忡潮熱盜汗減食咳嗽膿血

人參兩一 秦艽兩一 茯苓各二兩 知母二錢半

桑白皮一兩半 桔梗一兩 紫苑各二兩 柴胡二兩半

黃芪三兩半 半夏湯洗一兩半 鱉甲去裙酥炙二兩

右為籠末每服三錢去查服

右參芪鱉甲例補中有通也

羅人參蛤蚧散治三二年間肺氣上喘咳嗽咯唾膿血滿

面生瘡遍身黃腫

蛤蚧一對全者河水浸五宿逐日換水洗去腥氣酥炙黃色 杏仁去皮尖炒五兩

甘草炙三兩 人參兩一 茯苓兩一 貝母兩一

知母兩一 桑白皮各二兩

右為細末磁器內盛每日如茶點服神效

海蛤蚧補肺勞虛嗽有功治久嗽不愈肺間積虛熱久則

成瘡故嗽出膿血曉夕不止喉中氣塞胸膈噎痛用蛤蚧

阿膠生犀角鹿角膠羚羊角各一兩除膠外皆為屑次入

膠分四服每服用河水三升於銀石器內慢火煮至半升

濾去查臨臥微溫細細呷之其查候服盡再搥都作一服

以水三升煎至半升如前服病人久虛不喜水當減水

右蛤蚧例亦補中有通久嗽不愈者宜之

麥門冬湯治傷寒後傷肺欬唾膿血胸脇脹滿上氣羸瘦

麥門冬心去 桑白皮兩一 生地各一兩 半夏湯洗七次

紫苑兩一 桔梗炒 淡竹茹兩一 麻黃去根節各七錢

五味子分五 甘草炙各半兩

右為籠末每服五錢水二盞生薑二錢半棗三枚劈破

同煎去查食後溫服

羅續斷散治骨蒸勞熱傳尸瘦病潮熱煩躁喘嗽氣急身疼盜汗兼治咳嗽唾膿血

續斷

紫苑

桔梗

青竹茹

五味子

各三錢

生地

桑白皮

各五兩

甘草

赤小豆

升半

右為麤末每服三錢入小麥五十粒水煎去查日三服

海紫苑散治欬嗽唾血虛勞症肺痿變癆

紫苑

人參

知母

貝母

桔梗

甘草

五味子

茯苓

阿膠

右為麤末生薑水煎服

右門冬五味例亦補中有通也

外療傷唾血方用茅根一味服方寸七日三服亦可絞汁飲之主熱渴

丹治勞瘵傳尸寒熱交攻久嗽咯血日漸羸瘦先服三物湯與蓮心散萬不失一

三物湯

麻黃

不去節

甘草

生

杏仁

不去皮尖

右剉碎薑棗煎服

蓮心散

當歸

黃芩

甘草

炙

枳殼

炒

鱉甲

醋炙

前胡

柴胡

防己

阿膠

蓮肉

去心

南星

各一錢

川芎

兩

芫花

醋炒十分乾黑

右十三味咬咀合和獨芫花另包每服二錢半水一小

盞半生薑三片棗一枚入芫花一撮煎八分服無時須

補
有

吐有異物後荒花漸減蓋荒花反甘草多之所以殺虫
少之所以去寒熱妙處在此方與纂要不同前考之

本治勞瘵吐血損肺及血妄行神傳膏用剪草一斤萎台
州皆有惟婺州者可用狀如茜草又如細辛每用一斤淨
洗為末加入生蜜一斤和為膏以器盛之不得犯鐵九蒸
九曝日一蒸曝病人五更起面東坐不得語用匙挑藥如
粥服每服四兩良久用稀粟米飯壓之藥冷服粥飲亦不
可太熱或吐或下皆不妨如久病肺損咯血只一服愈尋
常咳嗽血妄行每服一兩可也有一貴人其國封病祭其
尊人常以此方畀之九日而藥成前一夕病者夢人戒令
翌日勿亂服藥次日將服之為屋上土墜器中不可服再
合既成又將服之為貓覆器又不得服又再合未就而是
人卒矣此藥之異如是若小小血妄行一啜而愈或云是

陸農師夫人鄉人艾孚先嘗親說此事渠後作大觀本草
亦收入集中但人未識不肯信爾

外療咳逆唾膿血雞子湯

雞子一箇

甘草一分

甘遂一分

大黃一分

黃芩一分

右用水六升煮取二升去查內雞子攪令調盡飲之良

忌海藻松菜

子和隱湯劉氏一男子年二十餘歲病勞嗽咯血吐唾粘
臭近不可聞秋冬少緩春夏則甚寒熱往來日晡發作狀
如痰瘧寢汗如水累服麻黃根敗蒲扇止汗汗自若也又
服寧神散寧肺散止咳嗽自若也戴人先以獨聖散湧其
痰痰狀如雞黃汗隨湧出昏憤三日不省時時飲以涼水
精神稍開飲食加進又與人參半夏丸桂苓甘露散服之

不數日愈

丹台州林德方年二十餘歲得嗽而咯血發熱肌體漸瘦眾醫以補藥調治數年其症愈甚予診其六脈皆虛予曰此好色而多怒精血耗少又因補塞藥太多榮衛不行汚血內積肺氣壅遏不能下降治肺壅非吐不可精血耗少非補不可惟倒倉二者俱備但使之吐多於瀉耳兼灸肺俞五次而愈

肺浮大作虛治

雞蘇丸治虛熱昏憤倦怠下虛上壅嗽血衄血

- 雞蘇葉 斤半
- 黃芪 兩一
- 甘草
- 川芎 各半兩
- 防風 兩一
- 桔梗 兩半
- 荆芥 兩二
- 甘菊 兩三
- 生地 兩半
- 腦子 錢半

右為細末煉蜜丸如彈子大每服一九麥門冬去心煎湯嚼下若肺損吐血日漸乏力瘦弱行步不得喘嗽痰

涎或發寒熱小便赤澁加車前子二錢用桑枝剉炒禾煎湯嚼下

脈沉滑作實治

脈浮大者作虛治宜虛條下參芪諸方主之若浮大而上壅甚者宜此雞蘇丸方 脈沉滑有力者作實治宜實條諸方主之

丹先痰嗽後見紅多是痰積熱降痰火為急 痰涎帶血出此胃口熟血蒸而出重則山梔輕則藍實 荆芥能散喉管痰血 欬血方

- 青黛
- 瓜蒌實
- 訶子
- 海石
- 山梔

右為末薑汁蜜調噲服嗽甚加杏仁後以八物湯加減調理

垣鄭仲本年二十三歲因心痛服丹附等藥得上氣病腦兩脇急迫脹觸不快便時嗽咯出血病形漸瘦大便燥而難脈弦數夜同累熱食稍減因與燈籠草和節麻黃細末以白朮枳梗木通甘草湯調下十餘服病減半又與通聖散去石膏為丸以桃仁湯下之

經治咯血黃藥子漢防已各一兩為末每服一錢七水一盞小麥二十粒同煎食後溫服

羅朱砂膏鎮心安神解熱及肺損嗽血等疾

- 蒼木二錢 朱砂另研 生犀 人參
- 玳瑁 甘草炙 珍珠末各 牛黃
- 麝香 龍腦 南鵬砂 琥珀另研
- 羚羊角 安息香醋煮 赤茯苓去皮 遠志去心各
- 鐵粉 蘇合香油和藥亦得

右為末煉蜜破蘇合香油劑諸藥為小錠子更以金箔裹之磁器收貯每服一皂子大食後嚼化衛尉葉丞得效并阿膠丸相雜服此藥治血安神更勝至寶丹每兩作五錠子

肺熱咳唾血惟七傷散用黃藥子白藥子最有效方見血鬱血污條又脈浮數忌灸若誤灸之必唾血仲景云脈浮熱甚反灸之必咽燥唾血是也 孫兆因博士王珣患咽喉噎塞胸膈不利時發寒熱夜多盜汗忽心胸塞悶咳血三數日即止晚後脈數口乾涎唾稠粘咳嗽一二聲不透肩背微痛嘗於關元氣海中脘三里等穴着艾不詳病得之肺虛其狀中客熱症皆因誤灸服暖藥所致遂與外臺第一廣濟紫花湯為丸合服之立效方未考

寒 百部丸主諸咳不得氣息唾血方

百部根二兩 升麻半兩 桂心 五味子

甘草炙 紫苑 乾薑各一兩

右七味蜜丸桐子大每服三十九日三次知為度忌生蔥海藻菘菜

外療肺偏損胸中虛肺偏痛唾血氣欬欬冬散

款冬花 當歸各六分 桂心 芎藭

五味子 附子炮各七分 細辛 貝母各四分

乾薑 生地各八分 白朮 甘草炙

杏仁去皮尖各五分 紫苑二分

右共為末清酒服方寸七日二服忌生蔥生菜桃李雀肉海藻菘菜猪肉蕪荑

按唾血咳血屬寒者少今此二方用薑附熱劑蓋為腎足少陰脈是動病咳唾血者設也用者審之

肺傷咳血

脈肺傷者其人勞倦則咳唾血其脈細緊浮數皆吐血此為躁擾噴怒得之脈傷氣壅所致

經云肺脈不及則令人喘呼吸少氣而咳上氣見血下者

此病皆肺虛咳唾血之症治法並見氣虛條

肺虛宜酸收之

治虛勞久嗽咯血用五倍子煨為細末每服一錢用溫茶一大口許調勻食後米飲半盞調服

肺盛宜辛散之

經肺經嘔咳諸血及痰中有血初用生蘿蔔汁半盞入搗少許服之立效如無生蘿蔔用蘿蔔子一錢蘇葉一錢同煎服次用雞蘇散加阿膠治之

本草云蘿蔔大下氣氣下則血亦下也

經治咳嗽甚者或有吐血鮮素白皮一斤米泔浸三宿淨刮上黃皮剉細入糯米四兩焙乾一處搗為末每服一二錢米飲調下此方神效

本治久嗽咯血成肺痿及吐白涎胸膈滿悶不食匾豆散

扁豆

生薑各半

枇杷葉去毛

半夏

人參

白朮各一分

白茅根三分

右剉水三升煎一升去渣下檳榔末一錢和勻分四服

不拘時候

治上氣咳嗽喘息喉中有物唾血方

生薑汁

杏仁各二分

糖

蜜各一分

猪膏二合

右五味先以猪膏煎杏仁色黃出之以紙拭令淨搗如膏和薑汁蜜糖等合煎令可丸每服如杏仁一枚日夜六七服漸次增加

右後二方生薑多肺虛及汗多亡陽與血下便者忌用

素少陰所謂咳唾則有血者陽脈傷也脈解篇

腎傷唾血 運氣咳唾血有二

一曰熱傷肺經云少陰司天熱淫所勝民病唾血又云少陽司天火淫所勝病欬唾血治以鹹寒是也
二曰濕傷腎經云太陰司天濕淫所勝咳唾則有血治以苦熱是也

雜方

治咯血用白芨一兩藕節半兩為細末每一錢湯調服神效或云芩下咽至血數則數為芩末填而血止也

咯血新綿灰半錢酒調下

針灸

針灸唾嗽血毒取足少陰一經經云腎足少陰之脈是動則病咳唾有血視盛虛熱寒陷下取之也

吐血內損

地五會三分灸

魚際五分

尺澤一寸

甲唾血時寒熱鴈魚際補尺澤 唾血振寒盪乾大淵主之 內傷唾血不足外無膏澤地五會灸胸脇脹滿咳逆

上氣呼吸及唾濁沫膿血庫房主之

治上氣唾膿血灸兩乳下黑肉際各一十壯

寸口脈數其人咳口中及有濁唾涎沫者何師曰此為肺痿之病若口中辟辟燥咳即胸中隱隱痛脈反滑數此為肺癰咳唾膿血脈數虛為肺痿數實為肺癰

右肺痿唾膿血治法散見本門諸方若肺痿但唾涎沫無膿血者見咳嗽門

肺脈微急為肺寒熱急情咳唾血引腰背胸若鼻息肉不通

經云急者多寒○全文見治虛實法

素肺脈搏堅而長當病吐血王註云肺虛極則咯逆故唾血○脈要精微篇

脈唾血脈緊強者死滑者生

手少陰筋病內急心承伏梁下為肘網其成伏梁唾膿血者死不治全文見筋○伏梁之積在膈上

心脈微緩為伏梁在心唾血全文見虛實法

羅肺痿辨 華嚴寺何上座年未四十四月間因澡浴大

汗出還寺剃頭傷風寒頭疼四肢困倦就市中贖取通聖

散服之又發汗頭疼少減再日復作又以前藥發之汗數

次四肢添勞重喘促自汗惡風咳而有血瀨於言語飲食

減少求醫治之與藥又多以生薑為引至六月間精神愈

困飲食減少形體羸瘦或咳或唾紅血極多請予治之具

說前由診其脈浮數七八至按之無力予曰不救矣或曰

何為不救予曰血之與汗異名同類奪汗者無血奪血者

無汗金匱要畧云肺痿之病從何得之師曰或從汗出或

被快藥下利重亡津液故得之今肺氣已虛又以辛藥瀉

之重虛其肺不死何待藏氣法時論云肺欲收急食酸以

收之以酸補之以辛瀉之蓋不知內經之旨仲景云醫術

禁忌

淺狹情然不知病源為治乃誤發汗吐下之相反其禍至速世人但務彼翕習之榮而莫見此傾危之習惟明者居然能護其本近取諸身夫何遠之有焉其僧不數日果亡

妊孕咳唾血

心妊孕寒熱往來咳嗽血痰或嘔吐不食無力或喘滿乳脊相應痛或口中唾如霜雪出語無聲或耳鳴或痰涎日夜數碗誤用熱藥之故也 風門 蒐戶各五 支溝

間使各相透

如寒熱未解百節痠疼昏憤再取絕骨分五 太溪分三

如脈氣未平瀉太淵 太白各二 熱府

已上穴實瀉虛補治產前病立效此病安後半年必有一變四肢消瘦單腹腫脹即取陰交一穴去其惡物也

洩血

氣虛

無王屑膏治尿血并五淋砂石疼痛不可忍受者

黃芪

人參各等分

右為末用蘿蔔大者切一指厚三指大四五片蜜淹少時蘸蜜炙乾復蘸復炙盡蜜二兩為度勿令焦至熟蘸黃芪人參末吃不以時仍以塩湯送下

外療虛尿血方乾膠三兩炙搗末酒二升和温服

無髮灰散治小便尿血

髮灰本草云髮灰能消瘀血通關格利水道破滯血解丹溪云髮補陰甚捷

右一味每用二錢以米醋二合湯少許服并花水調亦得一法茅草根車前子煎湯調下尤妙兼治肺疽心內崩吐血一兩口或舌上出血如針孔若鼻衄吹內立

已

葛治小便出血當歸四兩細剉酒三升煮取一升頓服

血虛

丹有血虛四物湯加牛膝膏

鹿筋絕則瘦血

悲哀太甚則胞絡絕胞絡絕則陽氣內動發則心下崩數

澀可去

妙氏治小便出血龍骨末方寸匕水調溫服日三服

澀血

治淋下血麻根十枚水五升煮取二升一服取血神效

經治尿血不止以鬱金一兩搗為末葱白一握相和水一

盞煎三合去查溫服日三服

濟鹿角膠丸治房室勞傷小便尿血

鹿角膠半

沒藥研油頭髮灰各三錢

右為末用茅根汁打麩糊丸如桐子大每服五十九塩

湯下

胞移熱於膀胱則癰溺血全文見診病傳變

仲熱在下焦者則尿血亦令淋闕不通

丹溺血屬熱山梔炒水煎或用小蘗琥珀

玄小便出血是心伏熱在於小腸宜鏡面草自然汁加生

蜜一匙服之以八正散加麥門冬煎服如小便澀痛以

海金沙細末調治之八正散見淋條

外治尿血車前草搗取汁五合空心服之

濟小蘗飲子治下焦結熱尿血成淋

生地兩四小蘗根

蒲黃炒藕節

山梔仁各甘草各

右咬咀每服四錢水一盞煎八分空心溫服

無葎草汁法方見

丹尿血實者可用當歸承氣湯下之後以四物加山梔

當歸承氣湯即調胃承氣加當歸

實熱

脈尺脈滑氣血實婦人經脈不利男子尿血宜服朴硝煎

雜方

大黃湯下去經血針關元瀉之
丹冬榮散治小便出血及腸風下血用夏枯草燒灰存性
為末米飲下 一方用凉水調下

診

少陰瀆則病積澁血又見積塊

咳而且澁血脫形其脈小勁是逆也全文見診生死

咳澁血形肉脫脈搏是逆也同上○凡脈曰勞曰強曰勁曰搏者皆謂有力而實也

妊娠尿血

聖治妊娠尿血用阿膠炒黃為散每食前以粥飲調下二

錢七

大治妊娠尿血

阿膠

熟地各等分

右為末空心粥飲調二錢

下血

大法

丹下血不可用純寒涼藥必於寒涼藥中加辛味為佐久

不愈者後用溫劑必兼升舉藥中加酒浸炒涼藥如酒煮

黃連丸之類 凡用血藥不可單行單止 腸風獨在胃

與大腸出治用黃芩秦芫槐角升麻青黛 定腸風痛用

蒼朮滑石當歸生地黃黃芩甘草 下血屬虛者當溫散

之四物加乾薑升麻 便血過多者四物加蟬皮 有熱

者四物加山梔升麻秦芫阿膠 有兼風者蒼朮秦芫芍

藥香附 胃清血非藍實不除

辨腸風
藏毒至
痔

木如下清血色鮮者腸風也血濁而色黯者藏毒也肛門

射如血線者重痔也亦是一種下部虛陽氣不升血隨氣

而降者

仲景云脈弦而大者弦為緊大為孔緊則為寒孔則為虛

革脈為虛宜補

重痔宜

虛者宜升陽補

胃

寒虛相搏此名為革婦人則半產漏下男子則亡血失精

此下部虛而下者也若得革脈須宜服溫補藥重痔宜熏

千金用蠟皮艾者佳予嘗用有效方見

升麻補胃湯治宿有腸血症因五日大熱吃杏腸澀下

血遠三四尺散漫如篩腰沉沉然腹中不痛血色紫黑病

名濕毒腸澀是陽明少陽經血症升陽湯主之

升麻半錢羌活錢一獨活分五柴胡

防風各錢半葛根分三肉桂少許白芍藥分五

牡丹皮錢半黃芪錢一熟地各五生地各五

歸身分三甘草分五右劉如麻子大作二服水二盞煎一盞去查稍熟食前

服和中益胃湯治太陰陽明腹痛大便常澹泄若不泄即秘

按濕熱

而難見在後傳作濕熱毒下鮮紅血腹中微痛脇下急縮

脈緩而洪弦中指下得之按之空虛

熟地錢三歸身酒洗分三升麻分五柴胡分五

蘇木分一黃芪分二甘草分三益智分三

右作一服水三大盞煎至一盞去查午食前溫服一貼

愈

升陽除濕和血湯治腸澀下血另作一派其血溼出有力

而遠射四散如篩下春二月中旬日下二行腹中大作痛

乃陽明氣衝熱毒所作也當升陽去濕熱和血脈不兩服

而愈

生地 牡丹皮 甘草各分五白芍藥半錢

熟地 黃芪錢一升麻分七歸身

蒼朮 秦艽 肉桂各分三陳皮分二

換寒

右咬咀作一服水四大盞煎一盞稍熱空心服立效
益智和中湯治腸澼下血紅或深紫黑色腹中痛腹皮惡
寒右三部脈中指下得之俱弦按之無力關脈甚緊肌表
陽明分涼腹皮熱而喜熱物慰之內寒明矣

- 升麻錢一 葛根分五 白芍藥錢一 甘草錢一
- 桂枝分四 益智分五 半夏分五 肉桂分一
- 歸身錢一 黃芪錢一 乾薑許少 牡丹皮
- 柴胡各五分

右為籠末作一服水三盞煎一盞食後溫服

挾不如
意事

婦人年六十性多沉怒大便下血十餘年不止食減形
困心搖動或如烟熏情性極惡早起面微浮急此時便血
尤未盡絕中間若得一二日不來則意思稍清但遇稍不

如意事則血復作百法不治左三部脈浮大稍重手則
久取之又似滯澁而至數不勻右三部沉澁細弱寸脈沉
絕予謂氣鬱生涎涎鬱胸中清氣不升經脈壅遏不降心
血絕少不能自養所以有如熏之狀非開通不足以行氣
非氣行則血不能歸隧道以壯脾為君諸藥佐之遂以二
陳湯加酒紅花升麻當歸身酒黃連青皮貝母澤瀉黃芪
人參白朮酒芍藥每貼生附子一小片煎服四貼後血止
遂去附子加乾葛牡丹皮山梔子而如熏之狀亦除去又
於前方加礞砂炒神麴熟地木香倍參朮服半月而全愈
治下血蒼朮地黃同搗細末為丸不用鐵器

實者清
去攻裏

大便下血曰腸風切勿止澁究其本末症狀先清其表
後攻其裏其血自止如脈洪大宜後方四物合解毒湯調
治見發熱

解毒湯方

本治腸風瀉血

牽牛五兩

牙皂三兩不蛀者地碎

右二味水浸三日後除皂角不用將酒一升煮令乾焙為末煉蜜丸如桐子大每服七丸溫酒送下空心日午夜臥各一服或轉下黃物不妨病可後每日常服五丸飯飲送下

腹中不痛者為濕毒

黃連湯治大便後下血腹中不痛者謂之濕毒下血

黃連

當歸各五錢

甘草各二錢半

右咬咀每服五錢水煎

腹中痛者為熱

芍藥黃連湯治大便下血腹中痛者謂之熱毒下血

芍藥

黃連

當歸各半兩

大黃一錢

淡桂五分

甘草各二錢

右咬咀每服五錢水煎如痛甚者調木香檳榔末一錢

服之

長夏病甚者為濕熱

恒夫腸澼者為水穀與血另作一派如溷桶湧出也夏濕熱太甚正當客氣盛而主氣弱故腸澼之病甚也以涼血

地黃湯主之

黃栢去皮

知母炒各一錢

青皮炒

槐子炒

當歸

熟地各五分

右咬咀俱作一服水一盞煎七分溫服如小便澀臍

下悶或大便前後重調木香檳榔細末各半錢稍熱於食前空心服如裏急後重又不去者當下之如腹中

動搖有水聲而小便不調者停飲也診是何臟以去水飲藥瀉之假令脈洪大用瀉火利小便之類是也如

胃虛不能食而大渴不止不可用淡滲之藥止之乃胃中元氣少故也與七味白朮散補之方見瀉如發熱惡

熱煩躁大渴不止肌熱不欲近衣其脈洪大按之無力
或無目痛鼻乾者非白虎湯症也此血虛發躁當以黃
芪一兩當歸二錢咬咀水煎服 如大便秘塞或裏急
後重數至圍而不能便或少有白膿或少有血慎勿利
之利之則必致病重及鬱結不通以升陽除濕防風湯
升其陽則陰氣自降矣

升陽除濕防風湯

蒼木 酒浸炒去皮淨四錢

白朮 錢一

白茯苓

白芍藥 錢一 防風 錢二

右咬咀除蒼木另作片水一碗半煮至二大盞內諸藥
同煎至一大盞去渣稍熱空心食前服如飧泄不禁以
此藥導其濕如煩泄及泄不止以風藥升陽蒼木益胃
去濕脈實腹脹閉塞不通宜從權以苦多甘少藥泄之

如得通復以升陽湯助其陽或不便以升陽湯中加泄

藥通之

當歸和血散治腸癖下血或濕毒下血

槐花

青皮

荆芥

熟地

白朮 各六分

當歸

升麻 各一錢

川芎 四分

右為末每服二三錢清水飲湯調食前下

本治腸風臟毒槐花散

槐花 炒

栝葉 搗爛

荆芥

枳殼

右等分為末每服二錢米飲調空心食前服 經驗治下血

芥等分為末酒調下一錢

玄 大便下血者肺與大腸受熱宜四物同解毒藥入艾煎
下三黃丸調治之

丹 治便血久久傷血并麻風症癩瘡見面者用

龜板二兩

升麻

香附各半兩

白芍藥半兩

側柏葉兩

椿皮七錢

右為末粥丸先用四物加白朮黃連甘草陳皮等藥作湯送下

積熱便血

蒼朮

陳皮各半兩

黃柏

黃芩各半兩

連翹半兩

生地膏兩

右為末以地黃膏搜為丸

脈緩大口渴便血月經紫色勞挾濕熱

白朮五錢

地黃

黃柏炒

白芍藥各三錢

地榆二錢

黃芩一錢

香附二錢

右為末炊餅為丸

孫用和治腸風瀉血黃芪黃連等分為末酒糊丸如葶苈

大每服三十九米飲下

天濕下血者為結陰

羅結陰丹治腸風下血臟毒下血諸大便血疾

枳殼炒

歲靈仙

黃芪

陳皮去白

椿根白皮

何首烏

荆芥穗各半兩

右為末酒糊丸如桐子大每服五七十九陳米飲入醋

少許煎過放溫送下

本椿皮丸

臭椿皮

刮去麤皮焙十四兩

蒼朮

枳殼各二兩

右為末醋糊丸如桐子大空心食前米飲下三四十九

治腸風瀉血久不止玉屑丸

槐根白皮

去麤皮

苦練根去皮各二兩

椿根白皮

四兩三味於九晒乾

天南星

半夏

各半兩並生用葳靈仙兩

寒食麩三兩

右為末滴水丸如桐子大每服三十九以水一盞煎沸下丸子煮令浮以匙抄起温温送下不嚼空心食前服頃年有人下血幾盈盆頓爾疲萎諸藥不效予曰此正腸風令服玉屑丸三服而愈

經治臟毒下血以苦練子炒黃為末蜜丸米飲下十九至二十九甚妙

斗治腸風痔瀉血羊蹄根葉蒸爛一碗食之立瘥

外治卒下血不止龍膽草一虎口以水五升煮取二升半分為五服瘥

本蕨菜花不以多少文武火焙乾為末每服三錢飯飲調下

子和一男子臟毒下血當六月熱不可堪自其於死忽思蜜水猛捨性命飲一大盞痛止血住

素結陰者便血一升再結二升三結三升駱龍吉云結陰之病陰氣內結不得外行血無所稟滲入腸間故便血也其脈虛澁者是也因血結不行故下口陰陽別論血泄者

脈急血無所行也從容

羅真定總管史侯男年四十二歲形體本瘦因勉強飲酸酒得腹痛次傳泄瀉十餘日便後見血或紅或紫腸鳴腹痛醫以諸見血皆熱治以芍藥栢皮湯之類前證如故仍不欲食食則嘔酸形體愈瘦面色青黃不澤心下痞惡冷物口乾時有煩躁不得安臥請予治之脰得脈弦細而微遲手足稍冷內經曰結陰者便血一升再結二升三結三升又曰邪至五臟則陰脈不和陰脈不和則血留之結陰之病陰氣內結不得外行血無所稟滲入腸間故便血也以平胃地榆湯主之

蒼朮 錢 白朮 陳皮 茯苓

厚朴各五分 甘草炙 乾薑 當歸

炒麩 白芍藥 益智仁 人參各三錢

地榆七 升麻錢一 葛根分五 黑附子錢一

右作一服水一盞生薑二片棗二枚煎至一盞去查食

前溫服此藥溫中散寒除濕和胃數服病減大半又灸

中脘二七壯引胃氣上升次灸氣海百壯生發元氣灸

則強食生肉以還少丹服之至春再灸三里二七壯溫

脾壯胃生發元氣次服芳香之劑慎言語節飲食而愈

口食藥

海楊師大醉醒發大渴飲水三大盞又飲水茶三碗後病

便鮮血四次約一盆先與吳茱萸丸翌日又與平胃五苓

各半散三大服血止後自利又與神應丸四服自利乃止

或問曰何不用黃連之類以解毒予曰若用寒藥其疾大

變難治寒飲內傷復用寒藥非其治也况血為寒所疑入

大腸間而便下血溫之乃行所以得熱則自止 楊氏飲

冷酒瀉血服對金散止亦理中脘分利陰陽安定血脈之

意也 唐生病因飲酪水及食生物下利紫黑血十餘行

脾胃受寒濕毒與六神平胃散半兩加白朮三錢以利腰

臍間血一服愈

身風寒

易胃風湯治大人小兒風冷乘虛入客腸胃水穀不化泄

瀉注下及腸胃濕毒下如荳汁或下瘀血日夜無度

人參 茯苓 川芎 官桂

當歸 芍藥 白朮各等分

右咬咀每服二錢水一大盞粟米百餘粒同煎七分去

查稍熱空心服小兒量力增減 若加熟地黃芪甘草

等分爲十味名十補湯 若虛勞嗽加五味子 若有

痰加半夏 若發熱加柴胡 若有汗加牡蠣 若虛

寒加附子 若寒甚加乾薑皆依本方等分 若骨蒸發熱飲食自若者用十補湯加柴胡一兩 若氣弱加人參 若小便不利加茯苓 若脈弦澁加川芎 若惡風加官桂 若脈澁加當歸 若腹痛加白芍藥 若胃熱濕盛加白朮

治血 下防風為上使黃連為中使地榆為下使 若血瘀色紫者陳血也加熟地黃 若血鮮色紅者新血也加生地黃 若寒熱者加柴胡 若肌熱者加地骨皮 若脈洪實痛甚者加酒浸大黃 治腸風烏荊丸

川烏頭一兩泡去皮尖

荊芥穗二兩

右為末醋九桐子大每服二十九溫酒送下熟水亦得 有病發時食前日三服無病時日一服

遠血

下血 先便後血者此遠血也黃土湯主之

甘草

熟地

白朮

附子炮

阿膠

黃芩各三兩

灶中黃土半斤

右七味以水八升煮取三升分溫二服

近血

下血先血後便者此近血也赤小豆當歸散主之

赤小豆五兩浸令芽出曝乾

當歸一兩

右杵為末漿水服方寸匕日三服梅師云治熱毒下血或因食熱物發動以赤小豆炒黑為末每服二錢米飲調下

內傷飲食

則腹滿閉塞下為殮泄久為腸澼全文見五臟

素 因而飽食筋脈橫解腸澼為痔生氣通天論

右飲食不節腸癖如羅謙甫治真定總管史侯男飲酸酒下血法及海藏治楊師飲冰茶下血法治唐生飲酪

水下血法是也並見寒濕條

世治酒積下血不止養後見諸藥不效

神麴半一兩 白酒藥二九

右同為末用清水調捏作餅子慢火上炙黃為細末每服二錢白湯調下亦治泄瀉神效

外感風寒

靈春傷於風夏生飧泄腸癖論疾診尺篇

易胃風湯治風冷乘虛入客腸胃下血方見寒濕條

世治腸風下血及血崩用五靈脂炒去火毒每服二錢

世腸風下血馬鞭草葉研碎扭汁服

世臟毒下血車前草連根一握生薑一小塊新水研碎去

查候血欲下時腰間必覺重便服此藥一盞少坐漸覺冷

辛以散結 **本**治腸風臟毒酒痢下血

黃連 生薑

右二味煎湯下二氣九次服五槐丸方列于後

又方

金星草二兩草味苦寒大解丹石毒 陳乾薑

右為末每服一錢新汲水調空心服

孫真人治糞後有血濃煎艾葉湯和生薑汁三合服之

本治臟毒蒜連丸鷹爪黃連末用獨頭蒜一顆煨香熟研

和丸如桐子大每服三四十九陳米飲下

本患暴下血以葫五七枚去梗皮量多少入豆豉搗為膏

可即丸如桐子大以米飲下五六十九無不愈者葫即蒜也本草

稱其能清血

垣烏梅丸治腸風下血服之立效

真僵蚕一兩 烏梅肉一兩

酸以收脫

右為末薄糊丸如雞頭肉大每服百丸食前白湯送下
日三服

本五槐丸治臟毒

五倍子 槐花陳者 百藥煎好者各等分

右焙乾為末酒糊丸如桐子大每服二十九空心米湯
下一日三服

丹治下血用白芷五倍子為末丸服

本治腸風 五倍子 白礬各五錢

右為末順流水丸如桐子大每服七丸米飲下忌酒
右酸寒之劑

干糞前有血令人面黃石榴皮取末茄子枝湯下

丹治腸風下血百藥不效有一良醫獨用山裏裏俗名鼻
涕團又名酸東最治下血之疾試取乾者為末服之應手

而安藥苟對症其效若此烏可以賤而忽之哉行義云酸東微熱

右酸熱之劑

本丈夫傷血婦人血崩瀆入大腸出血

草苳蔻 檳榔各炒紫色 鴛粟殼燒灰

右等分為末每服二錢空心米飲調下

世冬榮散治腸風下血方見瘦血

博治遠年日久腸風下血不止枳殼燒灰存性羊脛炭為
末和勻用濃米飲一中盞調下空心五更初一服如人行

五里再服立效每服枳殼灰五錢炭末二錢

本治腸風炒赤小苳散方見上下血條赤豆當歸散下註

又方瓜菱三箇燒灰存性每服三錢空心米飲調下
靈苑治腸風下血久不止茄蒂燒存性為末每服三錢七

食前米飲調下丹溪云茄蒂燒灰存性山梔炒等分為末丸之米飲下百丸

血見黑
止

本治腸風絲瓜燒灰存性空心溫酒調服二錢
食療治下鮮血梔子燒灰水和一錢七服之量其大小多
少服之

廣治瀉血不止素耳一兩熬令黑水一大升三合煎取六
大合去查空心分溫三服

本治腸風下血

核桃殼 繭退 皮鞋底 赤雞冠花分等

右燒灰為末每服一錢空心溫酒下

又方治臟毒

當歸 枳殼 側柏葉 陳槐花子

百草霜 芍藥各一

右剉碎一處炒令烟微起為末每服二錢空心溫酒調
下日午米湯下各食前服甚妙

丹 一方治腸澼用陳年棕櫚燒灰百藥煎為丸服

本 又方皂角樹上葦新瓦上焙乾為末每服一錢溫酒下

山 臟毒便血生藕節切片清早蘸平胃散嚼下

河 治腸痔大便常血取蔥白三五斤煮作湯盆中坐立瘡

灸刺腸澼下血有二法

其一取肝經云病注下血取曲泉是也

其二取腎經云腎足少陰之脈所生病者黃疸腸澼視盛

虛熱寒陷下而施補瀉疾留灸也

脈 關脈扎大便出血數斗者以鬲俞傷故也宜灸鬲俞若

下重去血者宜針關元

垣 治腸風下血灸二十椎下隨年壯三報穴立愈

甲 腸中有寒熱注下腸澼便血會陽主之 腸鳴澼泄下

宛主之 腸澼泄切痛四滿主之 腸澼中郟主之一名中郟

雜方

針灸

恠穴治腸風下血肘內曲澤下一寸

集又法 三間 商陽 太陵 內關 命門 扶承

海血症與黃証俱頭汗出惡風口飲酒便褐色或黑色者

亦同血症治之

素腎脈小搏沉為腸澼下血血溫身熱者死大奇論

淫而奪精身熱色天然及酒後下血血篤重是逆也全診

死生

素心肝澼亦下血二臟同病者可治其脈小沉澁為腸澼

其身熱者死熱見七日死大奇論 帝曰腸澼便血何如岐

伯曰身熱則死身寒則生 帝曰腸澼下膿血何如岐伯

曰脈懸絕則死滑大則生 帝曰腸澼之屬身不熱脈不

懸絕何如岐伯曰滑大者生懸澁者死以臟期之俱通評虛實論

脾脈外鼓沉為腸澼久自已 肝脈小緩為腸澼易治

俱大奇論

腹脹便血脈大時絕是逆也如此者不及一時而死矣文

見診生死絕謂斷絕而不相續也

脈腸澼下膿血脈沉小留連者生數疾且大有熱者死

腸澼筋攣其脈小細安靜者生浮大緊者死

素陰陽虛腸澼死陰陽別論

胃移熱於脾傳為虛腸澼死不可治命文見診病傳變

中蠱下血唾水沉者心腹絞痛下血如爛肉者俱為蠱

一治中蠱下血如雞肝出其餘四臟俱壞惟心未毀或鼻

破待死取馬蘭根末水服方寸七隨吐則出極神此苗似

葛蔓綠紫生子似橘子

梅治卒中蠱毒下血如雞肝晝夜不絕臟腑敗壞待死用

白蘘荷葉密安病人席下勿令病人知覺自呼蠱主姓名

雜方

百一 治中蠱毒或吐下血者若爛肝取蚯蚓十四枚以苦酒三升漬之蚓死但服其汁已死者皆可治

千金翼 治蠱毒下血蝟毛燒末水服方寸匕當吐蠱毒

療中蠱毒吐血下血皆如爛肝者苦瓠一枚水二升煮取一升服之吐即愈 又方用苦酒一升煮瓠令消服之神效

諸痿 注夏

痿者手足痿軟而無力百節緩縱而不收也

四 痿屬濕熱 有濕痰者 有氣虛者 有血虛者 有食積妨碍不降者 有死血者

素 黃帝問曰五臟使人痿何也岐伯曰肺主身之皮毛心

主身之血脈肝主身之筋膜脾主身之肌肉腎主身之骨

髓故肺熱葉焦則皮毛虛弱急薄着則生痿躄也心氣熱

則下脈厥而上上則下脈虛虛則生脈痿樞折挈脛縱而不任地也肝氣熱則膽洩口苦筋膜乾筋膜乾則筋急而

攣發為筋痿脾氣熱則胃乾而渴肌肉不仁發為肉痿腎

氣熱則腰脊不舉骨枯而髓減發為骨痿帝曰何以得之

岐伯曰肺者臟之長也為心之蓋也有所失亡所求不得

則發肺鳴鳴則肺熱葉焦故曰五臟因肺熱葉焦為痿躄

此之謂也悲哀太甚則胞絡絕胞絡絕則陽氣內動發則

心下崩數洩血也故本病曰大經空虛發為肌痺傳為脈

痿思想無窮所願不得意滯於外入房太甚宗筋弛縱發

為筋痿及為白淫故下經曰筋痿者生於肝使內也有漸

於濕以水為事若有所留居處相濕肌肉濡潰痺而不仁

發為肉痿故下經曰肉痿者得之濕地也有所遠行勞倦

逢大熱而渴渴則陽氣內伐內伐則熱舍於腎腎者水臟

逢天熱

於勞倦

骨痿得

濕地

於居處

肉痿得

於居處

筋痿得

於入房

脈痿得於悲哀太甚
筋痿得於入房太甚
肉痿得於居處濕地
骨痿得於勞倦逢天熱

諸痿皆生於肺熱

大法

治痿獨
取陽明
解

也今水不勝火則骨枯而髓虛故足不任身發為骨痿故
下經曰骨痿者生於大熱也帝曰何以別之岐伯曰肺熱
者色白而毛敗心熱者色赤而絡脈溢肝熱者色蒼而爪
枯脾熱者色黃而肉蠕動腎熱者色黑而齒槁也帝曰論
言治痿者獨取陽明何也岐伯曰陽明者五臟六腑之海
主潤宗筋宗筋主束骨而利機關也衝脈者經脈之海也
主滲灌谿谷與陽明合於宗筋陰陽總宗筋之會會於氣
街而陽明為之長皆屬於帶脈而絡於督脈故陽明虛則
宗筋縱帶脈不引故足痿不用也帝曰治之奈何岐伯曰
各補其榮而通其俞調其虛實和其逆順筋脈骨肉各以
其時受月則病已矣帝曰善論痿病
或問曰治痿之法取陽明之一經此引而未發之言願明
以告我予曰諸痿生於肺熱只此一句便見治法大意經

東垣以
黃相佐
參朮芪
草等補
氣

曰東方實則西方虛瀉南方補北方此固就生剋言補瀉
而大經大法不外於此東方木肝也西方金肺也南方火
心也北方水腎也五方之中惟火有二腎雖有兩水居其
一陽常有餘陰常不足故經曰一水不勝二火理之必然
金體燥而居上主氣畏火者也土性溫而居中主四肢畏
火者也火性炎上若嗜慾無節則水失所養火寡於畏而
侮所勝肺得火邪則熱矣木性剛急肺受熱則失所養木
寡於畏而侮所勝脾得木邪而傷矣肺熱則不能管攝一
身脾傷則四肢不能為用而諸痿之病作瀉南方則肺金
清而東方不實何脾傷之有補北方則心火降而西方不
虛何肺熱之有故陽明實則宗筋潤能束骨而利機關矣
治痿之法無出於此駱龍吉亦曰風火既熾當滋腎水東
垣先生取藥皮為君黃芪等補藥輔佐以治諸痿而無一

定之方有兼痰積者有濕多者有熱多者有濕熱相半者
有挾氣者臨病制方其善於治痿者乎雖然藥中肯啓矣
若將理失宜醫不治也天產作陽氣厚發熱先哲格言但
是患痿之人若不淡薄食味吾知其必不能安也

清暑益氣湯 黃芪人參湯 清燥湯二方並見注夏

補益丸治痿

龜板酒炙 瑣陽酒浸 生地酒浸 歸身酒浸

陳皮兩 杜牛膝酒浸 白朮兩 乾薑七錢

黃栢炒半 虎脛骨酒炙 五味子二錢 茯苓半

白芍藥酒浸 甘草炙 兔絲子酒蒸熟研如糊

諸藥為末紫何車為丸如無紫何車猪腦骨髓亦得

龍虎丹治痿

敗龜板酒炙 虎骨酒炙 黃栢酒炙 乾薑二錢

瑣陽七錢 金箔十片 神麩 如懶言語加

山藥末七錢

右為末糯粉糊為丸空心白湯服

虎潜丸

龜板兩 知母兩 黃栢兩 熟地兩

牛膝兩 瑣陽兩 虎骨兩 當歸兩

芍藥兩 陳皮兩 乾薑兩

右為末酒糊丸加附子治痿厥如神

濕熱痿東垣健步丸加芩栢蒼朮 東垣補益腎肝丸治

脚膝無力二方並見痿厥 蕭炳 神龜滋陰丸方見延下 丹溪氣虛

病痿四君子加蒼朮芩栢 血虛病痿四物湯加蒼朮黃

栢下補陰丸 保命集治脾虛四肢不用以十全散者蓋

治氣血俱虛者也

無搖治
痿獨補
虛

無加減四斤丸治腎肝虛熱滯於內致筋骨痿弱不自勝持起居須人足不任地驚恐戰掉潮熱時作飲食無味不生氣力諸虛不足

肉蓯蓉酒浸 牛膝酒浸

木瓜

兔絲子酒浸

鹿茸煉去毛熟地

天麻

五味子酒浸

右為末蜜丸如桐子大每服五十九丸溫酒米湯食前下

王啓玄傳玄珠耘苗丹三方序曰張長沙戒人妄服燥烈之藥謂藥勢偏有所助勝尅流變則真病生焉猶憫苗不長而握之者也若稟氣血不強合服此而不服是不耘苗者也故名耘苗丹此丹養五臟補不足秘固真元均調二氣和暢榮衛保神守中

五味子半斤 巴戟心去

遠志心去

枸杞子

山藥

白茯苓

肉蓯蓉酒浸

百部酒浸

杜仲炒斷 蛇床子

防風去

栝子仁研

兔絲子酒浸另研

右為末蜜丸桐子大食前溫酒鹽湯任下三十九丸春乾寒湯下夏加五味子四兩四季月加蓯蓉六兩秋加枸杞子六兩

衛生湯補虛勞強五臟除煩執養真元退邪熱順血脈

當歸

白芍藥各四兩 甘草炙一兩

黃芪八兩

年老加酒半盞同水煎

經治骨軟風腰膝疼行履不得遍身搔痒何首烏大而有花紋者同牛膝剉各一斤以好酒一升浸七宿焙乾於木臼搗末蜜丸每日空心食前酒下三五十九丸

保四肢不舉俗曰癱緩故經所謂脾太過則令人四肢不

脾濕痿

難方

舉又曰土太過則敦阜阜高也敦厚也既厚而又高則令
除去此真所謂膏梁之疾其治則瀉令氣弱陽衰土平而
愈或三化湯調胃承氣湯選而用之若脾虛則不用也經
所謂土不及則卑陷卑下也陷坑也故脾病四肢不舉四
肢皆稟氣於胃而不能至經必因於脾乃得稟受今脾病
不能與胃行其津液四肢不得稟水穀氣氣日以衰脈道
不利筋骨肌肉皆無氣以生故不用焉其治可十全散加
減四物去邪留正

脾實則四肢不舉微者舉之甚者下之

脾實病痿者經云脾病者肉痿足不收又云脾脈太過則
令人四肢不舉又云其犯雨濕之地則為痿者是也
丹濕痰病痿二陳湯加蒼朮白朮黃芩黃柏之類入竹瀝
斗商陸飯治脚軟方見痿厥
子和陳下一武卒宋子玉因駐軍息城六月間暴得痿病

腰膝兩足皆不任用臂而不行求治於予予察其兩手脈
俱滑大而有力予思內經火淫於內治以鹹寒以鹽水越
其膈間寒熱宿痰新者為熱舊者為寒或宿食宿飲在上脘者可以
涌之宿痰既盡因而下之節次間行覺神志日清飲食日
美兩足漸舉脚膝漸伸心降腎升又繼以黃連解毒湯加
當歸等藥及瀉心湯涼膈散柴胡飲子大作劑煎時時呷
之
保心熱盛則火獨光火炎上腎之脈常下行今火盛而上
炎用事故腎脈亦隨火炎爍而逆上行陰氣厥逆火復內
煽陰上隔陽下不守位心氣通脈故生脈痿膝腕樞如折
去而不相提挈經筋縱緩而不任地故也可下數百行而
愈
丹痿病食積妨碍不得降者亦有死血者俱宜下之

脾虛則四肢不用

帝曰脾病而四肢不用何也岐伯曰四肢皆稟氣於胃而不得至經必因於脾乃得稟也今脾病不能為胃行其津液四肢不得稟水穀氣氣日以衰脈道不利筋骨肌肉皆無氣以生故不用焉帝曰脾與胃以膜相連耳而能為之行其津液何也岐伯曰足太陰者三陰也其脈貫胃屬脾絡嗑故太陰為之行氣於三陰手足三陰之經也陽明者表也五臟六腑之海也亦為之行氣於三陽手足三陽之經也臟腑各因其經而受氣於陽明故為胃行其津液四肢不得稟水穀氣日以益衰陰道不利筋骨肌肉無氣以生故不用焉大陰陽篇云調經篇云脾載肉不足則四肢不用從容論云四肢懈惰此脾精之不行也脾虛四肢不用治法並見前肺熱條諸痿喘嘔皆屬於上全文見診

此即諸痿皆生於肺熱之義王註云上謂上焦心肺氣

也

運氣運氣痿有三

一曰熱痿經云少陰之復少氣骨痿又云少陽之復少氣脈痿是也

二曰濕痿經云歲土太過甚則病肌肉痿足痿不收又云土太過曰敦阜敦阜之紀其病四肢不舉又云太陽司天之政寒濕之氣持於氣交民病寒濕發肌肉痿足痿不收四之氣風濕交爭風化為雨民病大熱少氣肌肉痿足痿又曰陽明司天之政四之氣寒雨降民病骨痿是也

三曰風制脾痿經云厥陰司天風氣下臨脾氣上從而土且隆體重肌肉痿是也

針灸

陽明根於厲兌結於頰大頰大者鉗耳是也頰大謂頰頭維二穴也以其鉗束於耳上故名鉗耳也 陽明為闔闔折則氣無所止息

而痿疾起矣故痿疾者取之陽明視有餘不足無所止息者真氣稽留邪氣居之也 足陽明根于厲兌溜于衝陽注于下陵入于人迎豐隆也 下陵三里穴也 手陽明根于商陽溜于合谷注于陽溪入于扶突偏歷也 盛絡皆當取之 根結篇

刺痿經文見前熱條今舉其畧肺熱葉焦則肺喘喘生痿躄色白而毛敗者 補其榮魚際 通其俞太淵 至秋病已

心熱生脈痿數澀血摳折不相提挈經縱不能任用於地色赤而絡脈溢者 補其榮勞宮 通其俞太陵 至夏病已

肝熱生筋痿下白淫口苦筋急攣色蒼而爪枯者 補其榮行間 通其俞太衝 至春病已

脾熱生肉痿乾渴肌肉不仁色黃而蠕動者 補其榮大都 通其俞太白 至長夏病已

腎熱生骨痿足不任身腰脊不舉骨枯髓減色黑而齒槁者 補其榮然谷 通其俞太溪 至冬病已

又痿肇足不收取之少陽陽明之別經云足少陽之別名曰光明去踝五寸別走厥陰虛則痿躄坐不能起取之所別也又云滂灤腫痿不能久立治少陽之維在外踝上五寸又云足陽明之別名曰豐隆去踝八寸別走太陰其病虛則足不收脛枯取之所別者是也

骨痿懈惰取足少陰髓海經云少氣身漯漯也言吸吸也骨痿懈惰不能動補足少陰又云腦為髓之海其俞上在于其蓋下在風府髓海不足則腦轉耳鳴脛痠懈怠安臥審守其俞而調其虛實者是也百節弛縱取脾手太陽之

絡經云脾之大絡名曰大包出淵液下液三寸布胸脇虛則百節盡皆縱此脈若羅絡之血者取之脾之大絡也又云手太陽之別名曰支正上腕五寸實則節弛肘廢取之所別者是也

痿不相知太自主之一云耳重骨痿不相知足下緩失履衝腸

主之足緩不收痿不能行不能言語手足痿躄不能行地倉主之

腎脈微滑為骨痿坐不能起起則目無所見全文見治虛實法

丹斷不可作風治而用風藥

注夏

痺痿之作也皆五月六月七月之時午者少陰君火之位未者濕土庚金伏火之地申者少陽相火之分故痿發此三月之內為熱也故病痿之人其脈浮大

虛

丹注夏屬陰虛元氣不足補中益氣中去柴升加黃柏炒挾痰者用南星

垣刺志論云氣虛身熱得之傷暑熱傷氣故也痿論曰有所遠行勞倦逢大熱而渴渴則陽氣內伐內伐則熱舍於腎腎者水藏也今水不能勝火則骨枯而髓虛足不任身發為骨痿故下經曰骨痿者生於大熱也此濕熱成痿令人骨乏無力故治痿獨取於陽明時當長夏濕熱大勝蒸蒸而熾人感之多四肢困倦精神短少懶於動作胸滿氣促肢節沉疼或氣高而喘身熱而煩心下膨痞小便黃而數大便溏而頻或痢出黃如糜或如泔色或渴或不渴不思飲食自汗體重或汗少者血先病而氣不病也其脈中得洪緩若濕氣相搏必加以遲遲病雖互換少差其天暑濕令則一也宜以清燥之劑治之內經曰陽氣者衛外

而為固也熱則氣泄今暑邪干衛故身熱自汗以黃芪甘
 溫補之為君人參陳皮當歸甘草微溫補中益氣為臣
 蒼朮白朮澤瀉滲利而除濕升麻葛根苦甘平善解肌熱
 又以風勝濕也濕勝則食不消而作痞滿故炒麩甘辛青
 皮辛溫消食快氣腎惡燥急食辛以潤之故以黃栢苦寒
 借其味瀉熱補水虛者滋其化源以人參五味子麥門冬
 酸甘微寒救天暑之傷於庚金為佐名曰清暑益氣湯

黃芪一錢汗少

人參去蘆分 升麻一錢

澤瀉五分 甘草炙三分

蒼朮去蘆一錢 葛根二分

五味子九粒 白朮五分

神麩炒黃五分 黃栢酒浸去皮三分

麥門冬去心歸身三分

陳皮五分 青皮去皮三分

右件同咬咀作一服水二大盞煎至一盞去渣大溫服
 食遠劑之多少臨時斟酌此病皆由飲食勞倦傷其脾

胃乘天暑而病作也但藥中犯澤瀉猪苓茯苓燈心通
 草木通淡味滲利小便之類皆從時令之旺氣以泄脾
 胃之客邪而補金水之不及也此正方已是從權而立
 之若於其時病濕熱脾旺之症或小便已數腎肝不受
 邪者誤用之必大瀉真陰竭絕腎水先損其兩目也復
 立變證加減法于後 如心火乘脾乃血受火邪而不
 能升發陽氣伏于地中地者人之脾也必用當歸和血
 少用黃栢以益真陰 如脾胃不足之證須少用升麻
 乃足陽明太陰引經之藥也使行陽道自脾胃中右遷
 少陽行春令生萬物之根蒂也更少加柴胡使諸經右
 遷生發陰陽之氣以滋春之和氣也 如脾虛緣心火
 亢盛而乘其土也其次肺氣受邪為熱所傷必須用黃
 芪最多甘草次之人參又次之三者皆溫甘之陽藥也

脾始虛肺氣先絕故用黃芪之甘溫以益皮毛之氣而
閉腠理不令自汗而損元氣也上喘氣短懶語須用人
參以補之心火乘脾須用灸甘草以瀉火熱而補脾胃
中元氣甘草最少恐資滿也若脾胃之急痛并脾胃大
虛腹中急縮腹皮急縮者却宜多用經曰急者緩之若
從權必加升麻以引之恐左遷之邪堅盛卒不肯退反
致項上及臂肉添而反行陰道故使引之以行陽道
使清氣出地右遷而上行以和陰陽之氣也若中滿者
去甘草咳甚者去人參如口乾噤乾者加乾葛 如脾
胃既虛不能升浮為陰火傷其生發之氣榮血大虧榮
氣伏於地中陰火熾盛日漸煎熬血氣虧少且心包與
心主血血減則心無所養致使心亂而煩病名曰恍惚
者心惑而煩悶不安也是由清氣不升濁氣不降清濁

相干亂於胸中使周身血氣逆行而亂經云從下上者
引而去之故當加辛溫甘溫之劑生陽陽生而陰長也
已有甘溫三味之論或曰甘溫何能生血又非血藥也
曰仲景之法血虛以人參補之陽旺則能生陰血也更
加當歸和血又宜少加黃栢以救腎水蓋甘寒瀉熱火
火減則心氣得平而安也如煩亂猶不能止少加黃連
以去之蓋將補腎水使腎水旺而心火自降扶持地中
陽氣也 如氣浮心亂則以硃砂安神丸鎮固之得煩
減勿再服以防瀉陽氣之反陷也如心下痞亦少加黃
連氣亂於胸為清濁相干故以陳皮理之能助陽氣之
升而散滯氣又助諸甘辛為用故長夏濕土客邪火旺
可從權加蒼朮白朮澤瀉上下分消其濕熱之氣濕氣
大勝主食不消化故食減不知穀味加炒麩以消之復

加五味子麥門冬人參瀉火益肺氣助秋損也此三伏
中長夏正旺之時藥也

脾胃虛弱隨時為病隨病制方 夫脾胃虛弱必上焦之
氣不足遇夏天氣熱甚損傷元氣怠惰嗜臥四肢不收精
神不足兩脚痿軟遇早晚寒厥日高之後陽氣將旺復熱
如火乃陰陽氣血俱不足故或熱厥而陰虛或寒厥而氣
虛口不知味目中溜火而視物眊眊無所見小便頻數大
便難而秘結胃脘當心而痛兩脇痛或急縮臍下周圍如
繩束之急甚則如刀刺腹難舒伸胸中閉塞時顯嘔噦或
有痰嗽口沃白沫舌強腰背腹皆痛頭痛時作食不下或
食入即飽全不思食自汗尤甚若陰氣覆在皮毛之上皆
天氣之熱助本病也乃庚大腸辛肺金為熱所乘而作當
先助元氣治庚辛之不足黃芪人參湯主之

黃芪

一錢如自汗
過多加一錢

人參

去蘆五分

甘草

炙二分

白朮

五分

蒼朮

半錢無

橘皮

二分不

黃栢

酒洗二分

神麩

炒三分

五味子

九粒

麥門冬

去心二分

歸身

酒洗二分

升麻

六分

右咬咀俱作一服水二盞煎至一盞去查稍熟食遠或

空心服之忌酒濕麩大料物之類及過食冷物 如心

下痞悶加黃連二分 如胃脘當心痛減大寒藥加草

荳蔻仁五分 如脇下痛或縮急加柴胡二分 如頭痛

目中溜火加黃連二分 川芎三分 如頭目不清利上壅

上熱加蔓荊子三分 藁本二分 細辛一分 川芎三分 生地黃二分

如氣短精神少如夢寐間困乏無力加五味子九粒 如

大便澁滯隔一二日不見者致食少食不下血少血中

伏火而不得潤也加當歸身生地黃各五分 桃仁三箇去

皮尖另

研麻子仁五分如大便通行所加之藥勿再服如

大便又不快勿用別藥少加大黃錢半如不利者

非血結血秘而不通也是熱則生風其病人必顯風症

單血藥不可復加止常服黃芪人參湯藥只用羌活兩半

防風兩半二味咬咀以水四盞煎至一盞去查空心服之

大便必大走也一服便止如胸中氣滯加青皮并去

白陳皮倍之去其邪氣此病本元氣不足惟當補元氣

不當瀉之如氣滯太甚或補藥太過或人心下有憂

滯鬱結之事更加木香二分或砂仁三分或白苳蔻仁

二分與正藥同煎服如腹痛不惡寒者加白芍藥錢半黃

芩二分却咸五味子

夫脾胃虛弱至六七月間河漲霖雨諸物皆潤人汗沾衣
身重短氣甚則四肢痿軟行步不正脚欹眼黑欲倒者此

腎水與膀胱俱竭之狀也當急救之滋肺氣以補水之上

源又使庚大腸不受邪熱不令汗大泄也汗泄甚則亡津

液亡津液則七神無所依經云津液相成神乃自生津者

庚大腸所主三伏之義為庚金受囚也若亡津液汗大泄

濕令亢甚則清肅之氣亡燥金受囚風木無可以制故風

濕相搏骨節煩疼一身盡痛亢則害承乃制是也孫思邈

曰五月常服五味子是瀉內火補庚金大腸益五臟之元

氣壬膀胱之寒已絕於巳癸腎水已絕於午今更逢濕旺

助熱為邪西方北方之寒清絕矣聖人立法夏月宜補者

補天元之真氣非補熱火也令人夏食寒是也為熱傷元

氣以人參麥門冬五味子生脈脈者元氣也人參之甘補

元氣瀉熱火也麥門冬之苦寒補水之源而清肅燥金也

五味子之酸以瀉火補庚大腸與肺金也當此之時無病

之人亦或有二症况虛損脾胃有宿疾之人遇此天暑將
 理失所違時伐化必困乏無力懶語氣短氣弱氣促似喘
 非喘骨乏無力其形如夢寐朦朧如烟霧中不知身所有
 也必大汗泄若風犯汗眼皮膚必搐項筋皮枯毛焦身體
 皆重肢節時有煩疼或一身盡疼或渴或不渴或小便黃
 澁此風濕相搏也頭痛或頭重上熱壅盛口鼻氣短氣促
 身心煩亂有不樂生之意情思慘悽此陰勝陽之極也病
 甚則傳腎肝為痿厥厥者四肢如在火中者為熱厥四肢
 寒冷者為寒厥寒厥則腹中有寒熱厥則腹中有熱為脾
 主四肢故也若肌肉濡潰痺而不仁傳為肉痿證證中皆
 有肺疾用藥之人當以此調之氣上衝胸皆厥證也痿者
 四肢痿軟而無力也其心煩寃不止心神痿亂厥者氣逆
 也甚則大逆故曰厥逆其厥痿多相須也於前已立黃芪

人參五味子麥門冬湯中每加白茯苓澤瀉分四猪苓白
 朮絡一如小便快利不黃澁者只加澤瀉分二與二朮上
 下分消其濕如行步不正脚膝痿弱兩足欹側已中痿
 邪者加酒洗黃柏知母三分或五分令二足湧出氣力
 如汗大泄者津脫也急止之加五味子六粒炒黃柏五分炒知
 母三分不令妨其食當以意斟酌若妨食則止候食進再服
 取三里氣街以三稜針出血若汗不減不止者於三里穴
 下三寸上廉穴出血禁酒濕麵夫痿者濕熱乘於腎肝
 也當急去之不然則下焦元氣竭盡而成軟癱必腰下不
 能動心煩寃而不止也若身重減氣不短小便如常及濕
 熱之令退時或所增之病氣退者不用五味子澤瀉猪苓
 茯苓黃柏知母蒼朮白朮之藥只依本病中證候加減常
 服藥亦須用酒黃柏三分或六七月之間濕令大行于

醫學綱目卷七

五

能令母實而熱旺濕熱相合而刑庚大腸故用寒涼以救之燥金受濕熱之邪絕寒水生化之源源絕則腎虧痿厥之病大作腰已下痿軟癱瘓不能動矣步行不正兩足欹側以清燥湯主之

黃芪

黃連

蒼朮

白朮

陳皮

五味子

人參

白茯苓

升麻

當歸

澤瀉

柴胡

麥門冬

生地

神麩

猪苓

黃栢

甘草

右劉如麻苳大每服半兩水二盞煎至一盞去渣稍熱空心服

宋其勞傷發熱當作注夏治之

黃栢

升麻

黃芪

人參

木通

白芍藥

白朮

陳皮

甘草

婦人患注夏手足痿軟而熱

白朮

黃栢

白芍藥

陳皮

當歸

蒼朮

甘草

薑片

解休即痿類

解休之證懈倦困弱似痿故附痿後

冬脈太過為病在外則令人解休脊脈痛而少氣不欲言

全文見治虛實法王註云寒不寒熱不熱弱不弱壯不壯懈不可名謂之解休也

尺脈緩濇謂之解休平人氣象論口王註云尺為陰部腹腎主之緩為熱中濇為無血故

解名謂之解休也

尺內弱者解休安臥脫肉者寒熱不治

刺骨無傷髓髓傷則消爍肝瘦體解休然不去矣

針灸

腎病

心脾

足少陽之瘡令人身體解休寒不甚熱不甚惡見人見人心惕惕然熱多汗出甚刺足少陽全文也
舌腫痛 舌強舌卷 舌縱涎下多
唾 自嚙舌 舌胎 舌黑二條見傷寒
舌屬心脾二臟經云心主熱又云在臟為心在竅為舌又云心氣通於舌心和則舌能知五味是舌屬心也又曰中央黃色入通於脾開竅於口藏精於脾故病在舌本屬脾也

表

舌腫痛

無金沸草湯治風寒傷於心脾令人增寒熱齒浮舌腫痛

荆芥穗兩四

旋覆花

前胡

麻黃去節各三兩

赤芍藥

半夏各一兩

右剉散毋五錢水一盞半薑七片棗二枚煎七分去渣

嗽口吐一半喫一半世醫用此發散傷寒傷風及加杏仁五味子治咳嗽皆效獨未知用之古腫牙疼辛未年有人患舌腫滿塞粥藥不入其勢危其大煎此一劑乘熱以紙籠氣薰之遂愈

濕痰

世烏犀膏治重舌木舌方見咽喉痛

本治心脾壅熱木舌腫脹

玄參

升麻

大黃

犀角各三分

甘草兩半

右為細末每服三錢水一盞煎至五分溫服不拘時

世舌腫脹出口鵬砂細末切生薑蘸藥搭舌腫處即退

又云苴麻取油蘸紙燃燒烟熏之愈又治牛舌出亦好

世重舌用好膽礬研細傳之

無黑散子治舌忽然腫破用釜底煤研細以醋調傳舌上

反治

熱

下脫去更傳能先决出血竟傳之尤佳一法用鹽等分調

山 舌腫亂髮燒灰水調下

飛 飛絲入口喉舌間生泡紫蘇嚼白湯下立效

針灸舌痛獨取脾脈經云脾足太陰之脈所生病者舌本

痛視盛虛熱寒陷下取之也

瀉 治舌下腫難言口瘡舌縱涎出及舌根急縮 廉泉三分

得氣即瀉
灸三壯

集 治舌腫 廉泉三分 金津 玉液各用三稜
針出血 天突

少商

東 又法 廉泉 然谷 風府 天突 關元

垣 廉泉一穴一名舌本在頷下結喉上治舌下腫難言舌

縱涎出口禁舌根急縮下食難刺瘡論云舌下兩脈者廉

泉也刺禁論云刺舌下脈太過血不止為瘖刺節真邪論

云取廉泉穴血變而止以明宜出血禁用針或問取廉泉

穴二說不同一說取頷下結喉上一說取舌下兩脈何者

為當答曰舌本者乃舌根蒂也若取舌下兩脈是取舌稍

也舌標也此法誤也當取頷下者為當此舌根也况足陽

明之脈根於厲兌結於廉泉頷下乃足陽明之所行也若

取舌下兩脈非足陽明經也戊與癸合廉泉足少陰也治

涎下解云胃中熱上溢廉泉開故涎下當出血瀉胃中熱

又知非舌下兩脈也頷下結喉上者為准矣張論曰廉泉

玉英者津液之道路也 按針經云少陽結於廉泉
泉今日陽明者誤也

和 南隣朱老翁年六十餘歲身熱數日不已舌根腫起

和舌尖亦腫腫至滿口比元舌大三倍一外科以燔針刺

其舌兩旁下廉泉穴病勢轉凶將至顛截戴人曰血實者

宜決之以銚針磨令鋒極尖輕砭之日砭八九次出血約一二盞如此者三次漸覺血少痛減腫消夫舌者心之外候也心主血故血出則愈又諸痛痒瘡瘍皆屬心火燔針艾火皆失此義也

無凡舌腫下必有噤虫狀如蜈蚣臥蚕有頭尾小白可燒鐵烙烙頭上即消

舌強舌卷

無礬石散治風濕寒舌強不能語

枯礬

桂心各等分

右為末每服一錢安舌下

針灸舌卷獨取手少陽絡與筋經云邪客手少陽之絡令人喉痺舌卷口乾心煩臂外廉痛手不及頭刺手中指次指爪甲上去端如韭葉各一疔又云手陽明之筋其病支

診

痛轉筋舌卷治在燔針劫刺以知為數以痛為輸是也
診舌卷若唇青卵縮者必死經云厥陰絡者甚則舌卷卵上縮經又云肝者筋之合也肝脈弗榮則筋急筋急則引舌與卵故唇青舌卷卵縮則筋先死庚篤辛死也

舌縱涎下多唾

寒熱

齋治口角流涎不止口目喎邪手足痿軟方如左流涎者自然流也

神龜滋陰丸治足痿

龜板炙四兩

知母酒炒二兩

瑣陽酒洗一兩

黃柏炒赤二兩

枸杞子

五味子各一兩

乾薑炮半兩

右為末清水丸如桐子大每服七十丸空心鹽湯下
通天愈風湯

人參錢一

葳靈仙去毒半錢 南星湯泡

貝母去心各錢一

連翹

防風去蘆各五分 瓜蒌仁十五粒 白朮一錢半

桔梗三錢

甘草 荆芥穗各五分 生薑片三錢

右水一鍾半煎七分去渣入荆瀝一呷薑汁些少半飢時服吞下清心導痰丸五十粒日一服

清心導痰丸

白附兩一

南星姜製二兩 半夏姜製二兩 黃連炒上七錢半

天花粉兩一

白僵蚕炒去絲半兩 川烏鹽製二錢

鬱金七錢半

天麻 羌活各半兩

右為末薑汁糊為丸如桐子大每服五十九丸用通天愈

風湯吞下

清心牛黃丸

膽星兩一

牛黃二錢 黃連兩一 歸身

甘草

辰砂各半兩

右為末湯浸蒸餅為丸菴荳大每服五十九丸臨臥時唾津嚥下

嘗治宣文炳口流涎不止喜笑舌瘡脈洪大用連苓栢梔白朮蒼朮半夏竹瀝薑汁服之五日涎止笑息

涎多自然流出者為熱唾多用者為寒力吐出者為寒

仲云大病差出喜唾久不了了者胃上有寒當以丸藥溫之宜理中丸東垣云多唾或唾白沫者胃口上停寒也藥中加益智仁此多唾者用此方出也

針灸

舌縱涎下煩惋取足少陰寒熱 黃帝曰人之涎下者

何氣使然岐伯曰飲食者皆入於胃胃中有熱則虫動虫動則胃緩胃緩則廉泉開廉泉開故涎下補足少陰口問篇

甲舌縱涎下煩悶陰谷主之

自嚙舌

針灸

黃帝曰人之自嚙舌者何氣使然岐伯曰此厥逆走上

脈氣皆至也少陰氣至則齧舌少陽氣至則齧頰陽明氣至則齧唇矣視主病者則補之

汗 自汗 頭汗 手足汗 無汗

盜汗

陰陽府

素陽氣有餘為身熱無汗陰氣有餘為多汗身寒陰陽有餘則無汗而寒微論飲食飽甚汗出於胃驚而奪精汗出於心持重遠行汗出於腎疾走恐懼汗出於肝搖體勞苦汗出於脾別論

自汗

不任外寒為陽虛

素陽之汗以天地之雨名之全文見陽加于陰謂之汗

陰陽別論陽氣入內加于陰氣也凡傷寒始病脈浮至汗出則沉入內加于陰也

垣表虛自汗秋冬用桂枝春夏用黃芪能治虛勞自汗脈

有寒者亦用桂枝無寒者用黃芪

無牡礪散治諸虛不足及新病暴虛津液不固體常自汗許學士方亦治盜汗不止

黃芪 麻黃根 牡礪煨研

右劉散每服三錢水一盞半小麥一百粒煎至八分不

拘時服

周衛湯治濕勝自汗補衛氣虛弱表虛不任外寒

黃芪 麻黃根 生甘草 豬苓
羌活各七分 麥門冬三分 婦稍五分 生地三分
生黃芩五分 五味子七粒 蘇木 紅花各一分
半夏湯洗七分

右咬咀如麻荳大作一服水一盞煎至一盞去查稍熱服中風症必自汗汗多不得重發汗故禁麻黃而用根節也

心胸燥熱者瀉陰火

張芸夫已酉四月天寒陰雨寒濕相雜因官事飲食失節勞役所傷病解之後汗出不止沾濡數日惡寒重添厚衣心胸悶躁時躁熱頭目昏憤壅塞食少減此乃胃外陰火熾甚與夫雨之濕氣挾熱兩氣相合令濕熱大作汗出不休兼見風邪以助東方甲乙以風藥去其濕以其藥瀉其熱羌活勝濕湯主之

甘草錢三 黃芪分七 生甘草分五 生黃芪分三

防風分三 酒黃芪分三 人參三錢以助氣益胃已上藥瀉胸中熱

藁本分三 獨活分二 升麻分五 川芎分三

柴胡五分已上風藥勝其濕 細辛分 蔓荊子各三分

薄荷一分已上清利頭目

右作一服水二盞煎一盞半後入細辛等四味再熬至一盞去查熱服一服而止諸症悉去

陽虛甚者用芪

丹 人參黃芪少佐桂枝湯甚者附子亦可用
嚴芪 附湯治氣虛陽弱虛汗不止肢體倦怠

黃芪去蘆蜜炙 附子炮去皮齧各等分

通治虛

右咬咀每服四錢水一盞薑十片煎八分食前溫服
本 補精氣止肝邪平補五臟虛羸六腑怯弱充肌膚進飲食人參丸

人參 山藥 白朮 白茯苓
石斛 黃芪取頭末 五味子各一兩

右為細末蜜丸如桐子大每服三十九丸空心食前飲下久服不熱尤宜少年

尺脈虛滑為陰虛

平人氣象論云尺瀋脈滑謂之多汗王註謂尺膚瀋而尺脈滑也膚瀋者榮血內涸又針經云腠理發泄汗出溱溱是謂津脫津脫者腠理開汗大泄按此二經論自汗多而

汗濕勝自

血涸津脫者其治法乃東垣正陽湯用炒黃柏知母及當歸六黃湯之類是也汗以臟腑言之皆屬心經云心為汗難云腎邪入心為汗出不可止者是也
或問濕之與汗陰乎陽乎予應之曰西南坤土也在人則為脾胃陽之汗以天地之雨名之濕主淋漓驟注者濕勝也陰滋其濕為露為雨此陰寒隔熱火也隔者解也陰濕寒下行地之氣也仲景云汗多則亡陽陽去則陰勝也重虛則表陽虛極矣其為寒中濕勝則音聲如從甕中出若中水也相家有言土音如居深甕裏言其壅也遠也不出也其為濕也審矣又知此二者亦為陰寒內經云氣虛則外寒雖見熱中蒸蒸為汗終傳大寒知始為熱中者表虛無陽不任外寒終傳為寒中者多成痺寒矣夫色以候天脈以候地形者乃候地之陰陽也故以脈氣候之皆有

形之可見者也

右濕勝自汗治法並見陰虛條

痰火自汗

丹痰症亦有汗 火氣上蒸胃中之濕亦能作汗可用涼膈散

汗出惡風為中風

帝曰有病身熱解情汗出如浴惡風少氣此為何病岐伯曰病名酒風帝曰治之奈何岐伯曰以澤瀉朮各十分麩街五分合以三指撮為後飯病能篇麩街一名薇街俗名吳風草河白朮散治飲酒中風汗多不可單衣食則汗出如洗久不治必為消渴症

牡礪煨三錢

白朮一兩二錢

防風二兩半

右為末每服一錢溫水調下不計時如惡風倍防風白朮如多汗面腫倍牡礪

酒風一名漏風經云飲酒中風則為漏風漏風之狀或多

雜方

汗常不可單衣食則汗出甚則身喘息惡風衣裳濡口乾善渴不能勞事此即酒風同治也凡五臟風皆自汗惡風

周師脈弦左大於右不數身易得汗小便赤口燥此為虛

白朮

陳皮

歸尾

青皮各半

白芍藥

人參各七錢

黃芩

川芎各三錢

木通二錢

甘草灸五錢

分九貼煎三之一稍熱飲之煎藥下保和丸二十粒

動而汗出有虛者有熱者

安胃湯治因飲食汗出日久心中虛風虛邪令人半身不遂見偏風痿痺之病先除其汗慄悍之氣按而收之

黃連去鬚

五味子

烏梅核

生甘草各五分

熟甘草三分

升麻稍二分

右咬咀分作二服每服水二盞煎一盞去渣溫服食遠

忌濕麪酒五辛大料物之類

針灸

刺灸汗出有二

其一取肺經云邪在肺則病皮膚痛寒熱上氣喘汗出欬動肩背取之膺中外輸背三節五椎之傍以手疾按之快然乃刺之取之缺盆中以越之者是也

其二取手足少陽經云三焦手少陽之脈所生病者汗出目銳眦痛頰痛耳後痛膽足少陰之脈所生病者汗出振寒瘧皆視盛虛熱寒陷下而施補瀉疾留灸也

肺脈奕而散者當病灌汗至令不復發散也

肺脈緩其多為汗謂汗多如灌洗之狀病能論云汗出而浴亦此義也

全文見治虛實法

診

血病

頭汗

頭汗出劑額而還血證也額上偏多何謂也曰首者六陽之所會也故熱薰蒸而汗出也額上偏多以部分左頰屬肝右頰屬肺鼻屬中州頤屬腎額屬心三焦之火涸其腎水溝渠之餘迫而上入於心之分故發為頭汗而額上偏多者屬心之部而為血證也飲酒飲食頭汗出者亦血證也至於雜證相火迫腎水上行入於心為盜汗或自汗傳而為頭汗出者或心下痞者俱同血證例治之無問傷寒雜病酒積下之而心下痞者血證也何以然曰下之亡陰亡陰者則損脾胃而亡血氣在胸中以亡其血陷之於心之分也故心下痞世人以為血病用氣藥導之則痞病愈甚而又下之故變而為中滿彭脹非其治也如此然當作何治獨益中州脾土以血藥治之其法無以加矣

手足汗

熱甚反佐

雜方

一男子手足汗醫用芩連栢并補劑皆不效又足汗常多後以八物半苓為君白附川烏佐使其汗即無

本治脚汗

白礬

乾葛各等分

右二味為末每半兩水三碗煎十數沸洗逐日一次纏三五日自然無汗

無汗

奪血者無汗奪汗者無血榮衛生篇

虛實

真氣已虧胃中火盛汗出不休胃中真氣已竭若陰火已衰無汗反燥乃陰中之陽陽中之陽俱衰四時無汗其形不久濕衰燥旺理之常也其形不久者秋氣主殺生氣乃竭生氣者胃之穀氣也乃春少陽生化之氣也

盛夏浴食無汗者為表實見心痛表裏條楊順二官子患脈瀯而短重取而弱此久受濕傷血多年無汗遇勞身熱倦怠如沙病狀

蒼朮 白朮 芍藥各半 陳皮六兩 歸身二兩 甘草 紅花各半

謝老形實夏月無汗成久嗽病

半夏 蘇葉 二味為末入莎末枕流末仁陷末以瓜蒌穰桃仁泥半兩為丸先服三拗湯三貼却服此九子詳枕流末蠅殼灰蛤粉之類仁曲也

針灸 盜汗 甲汗不出由差主之

發熱為熱 當歸六黃湯治盜汗之聖藥也

當歸 生地 熟地 黃柏

黃芩 黃芪 黃連各等分 右為麤末每服二三錢水一盞半煎七分去查溫服小兒用半錢

正氣湯治盜汗 黃柏炒一錢 知母炒一錢半 甘草炙五分 右麤末作一服水二大盞煎一盞去查臨臥服

當歸龍薈丸治盜汗見治法門 本治盜汗外腎濕

人參 苦參 龍膽草 麻黃根各三錢 右件為末煉蜜丸如桐子大每服三十九燒麩湯下 嚴氏黃芪湯治喜怒驚恐房室虛勞致陰陽偏虛發厥自

發厥為寒

汗或盜汗不止並宜服之

黃芪去蘆蜜炙兩半 白茯苓去皮 熟地酒蒸 桂枝不見

天門冬去心 麻黃根 龍骨各一兩 五味子

小麥炒 防風去蘆 當歸酒蒸 甘草炙各兩半

右咬咀每服四錢水一盞薑五片煎七分溫服不拘時

發厥自汗加熟附子發熱自汗加石斛

山盜汗臨夜喫淡煮麥圓子空心服妙香散

本戢陽氣止盜汗進飲食退經絡熱栢子仁丸

栢子仁 半夏麩各二兩 牡蠣其鍋子內火煨用醋焙七次焙乾

人參 麻黃根慢火炙拭去汗 白朮

五味子各一兩 淨麩炒半兩

右八味為末棗肉丸桐子大空心米飲下三五十九日

二服得效減一服將愈即住作散調服亦可

丹白朮湯治盜汗用白朮四兩分作四處

一兩用黃芪同炒 一兩石斛同炒 一兩牡蠣同炒 一兩麩皮同炒

各味炒黃色餘藥不用只用白朮研末每服三錢用粟

米煎湯送下盡四兩為效

世治盜汗出山藥一味為末臨臥酒調下三錢效

本牡礪散治盜汗方見前自汗門

世黃芪散治盜汗

黃芪 木通 葛根

右為麤末水煎服

衍治盜汗尤切將椒目微炒搗細末用半錢匕以生猪上

唇煎湯一合調臨睡服無不效蓋椒目能行水又治水蠱

世五仙丸治盜汗 天仙子 五靈脂

右為末水糊丸桐子大三十九丸白湯臨臥服本草云天仙子一名

通積滯

葛若子性甘寒有毒服者審之

歲靈仙天甘草各半水煎服

本治盜汗 臟腑盜汗皆屬腎經云腎病者盜汗出憎風是也

運氣盜汗皆屬寒水經云歲水太過寒氣流行甚則勞汗

出憎風又云太陽所至為寢汗瘥是也

世治盜汗 桑葉為末茶服之諸藥不應者累驗出醫說

豆豉能治久盜汗患者以一升微炒令香清酒二升漬

兩三日取汁任人服之不瘥更作三兩劑即止

牡礪煨過麻黃根等分同研極細粉治盜汗及陰汗

世盜汗 陰都 五里 間使

扁盜汗 中極 氣海 虛損盜汗勞熱 百勞三分瀉

肺俞四分補

成盜汗者謂睡而汗出者也不睡則不能汗出方其睡也

溱溱然出覺則止而不復出矣

卒中暴厥 五絕 暴死暴病

卒中者卒然不省人事全如死尸但氣不絕脈動如故或

脈無倫序或乍大乍小或微細不絕而心胸煖者是也

仲尸蹙脈動而無氣氣閉不通故靜而死也 葛蒲屑內

鼻孔中吹之令人以桂屑著舌下 又方剔取左角髮方

寸燒末酒和灌之立起此即內經法也詳見後

邪客于手足少陰太陰足陽明之絡此五絡皆會于耳

中上絡左角五絡俱竭令人身脈皆動而形無知也其狀

若尸或曰尸厥刺其足大指內側爪甲上去端如韭葉後

刺足心後刺足中指爪甲上各一瘡後刺手大指內側去

端如韭葉後刺手心少陰銳骨之端各一瘡立已不已

以竹管吹其兩耳鬢其左角之髮方一寸燔飲以美酒一

脈動形靜為尸厥

針灸

杯不能飲者灌之立已全文見刺灸易

氣昏暈 奪命在曲澤上針入二分先補候氣回後

臍中灸七壯忌針此二穴能起死回生

尸蹇 玉泉八分補十呼得氣即瀉 隱白三分先補後瀉補生瀉成更于兩脇頻瀉

鬼擊 支溝二分先補後瀉成 三里補十呼瀉五呼此

無問其數刺之氣 中惡 人中 中脘 氣海

少陰脈不止腎氣微少精血奔氣促迫上入胃膈宗氣

反聚血結心下陽氣退下熱婦陰股與陰相動令人不仁

此為尸蹇當刺期門巨闕 恍惚尸蹇煩痛中極及僕參

主之

尸蹇死不知人脈動如故隱白及大敦主之 尸蹇暴

死金門主之

氣脈不 仁宗最寵貴妃一日食次忽仆倒遍身卒冷急奏帝上

乃急召孫杜既至奏曰不妨此乃氣厥爾少頃吐即復甦

也御坐良久果吐而甦上問因何而得二人並奏曰此貴

妃方食因憂怨氣上遂與食相併故如此者吐即氣透故

復甦也上問妃有何事如此妃對曰陛下無嗣臣妾不能

為陛下生皇嗣所以自怨氣忽上逆而至驚動聖駕上歎

曰朕亦自責乃勞汝致病耶因嘉獎孫杜之能良久曰醫

道如此豈非良醫也耶

右暴厥不知人不治自愈經云帝曰厥或令人腹滿或

令人暴不知人或至半日遠至一日乃知人者何也岐

伯曰陰氣盛於上則下虛下虛則腹脹滿陽氣盛於上

則下氣重上而邪氣逆逆則陽氣亂陽氣亂則不知人

也又云血之與氣并走於上則為大厥厥則暴死氣復

反則生不反則死者是也

口張目
開手撒
遺溺器
虛

嘗治一人陰先虧而陽暴絕者浦江鄭元年近六十養受用之人也仲夏久患滯下而又犯房勞忽一晚登廁間兩手踈散兩眼開而無光尿自出汗如雨喉如鋸呼吸甚微其脈大而無倫次無部位可畏之甚予適在彼急令煎人參膏且先與灸氣海穴壯如小指大至八十壯右手能動又三壯唇微動參膏亦成遂與一盞至半夜後盡三盞眼能動盡二斤方能言而索粥五斤而痢止至數十斤而安

仲 救卒死而四肢不收失便者方

馬屎一升水三斗煮取二斗以洗之又取牛洞稀糞一也

升溫酒灌口中灸心下一寸臍上三寸臍下四寸各一

壯瘥

救卒死而張口反折者方

灸手足兩爪後十四壯飲以五毒諸膏散方未考

救小兒卒死而吐利不知是何病方

狗屎一九絞取汁以灌之無濕者水煮乾者取汁

救卒死客忤死還魂湯主之

麻黃去節 杏仁去皮尖 灸甘草一錢 千金有桂二兩

右三味以水八升煮取三升去查分令咽之通治諸感

忤千金方云主卒忤鬼擊飛尸諸奄忽氣絕無復覺或

已無脈口噤拘不開去齒下湯湯下口不下者分病人

髮左右提掄肩引之藥下復增服一升須臾立甦

局 蘇合香丸治卒中惡忤症

蘇合香油入安息香膏內 薰陸香研另 龍腦研各一兩

青木香 白朮 白檀香 丁香

朱砂研木 沉香炒去毛 犀角研

目閉口
噤手拳
為表實
宜發表

草撥

安息香

另為末調無灰
酒一升熬膏

麝香

訶梨勒

煨取皮
各二兩

右為細末入研藥勺用安息香膏并煉白蜜和劑每丸
桐子大清晨新汲水溫冷任意化服四九老人小兒一
丸溫酒化服亦得用蠟紙裹一九如彈子大縫袋帶之
陳無擇云病自內作不曉其名者服之皆效最治氣厥
氣不和吐利關格甚有神效

附扁鵲中惡與卒死鬼擊亦相類為治皆宜相參用之已
死搗菖蒲生根絞汁灌之立瘥

仲救卒死而目閉者搗韭汁灌耳中吹皂莢末鼻中效

無治魔卒死諸暴絕症用半夏不拘多少湯泡七次為末
每用少許吹入鼻中心頭溫者可治倉卒無方急於人中
穴及兩脚大拇指離甲一韭葉許各灸三五壯即活

和一夫病痰厥不知人牙關緊急諸藥不能下候死而已
戴人見之問侍病者口中曾有涎否曰有戴人先以防風
梨蘆煎湯調瓜蒂末灌之口中不能下乃取長蛤甲磨去
刃以紙裹其尖灌於右鼻竅中咽然下咽有聲復灌其左
竅亦然戴人曰可治矣良久涎不出遂以砒石一錢又投
之鼻中忽偃然仰面似覺有痛斯須吐穢及膠涎數升頓
甦砒亦尋常勿用以其病大非此莫能動然無瓜蒂亦不
可使用宜消息之

凡卒中口厥鬱冒中風中暑之類皆當發表也仲景云鬱
胃欲解必是大汗出還魂湯用麻黃桂枝清蘆湯用荊芥
及諸卒中用皂角半夏搐鼻取嚏用藜蘆砒霜折齒取痰
皆所以開發上焦使表邪流通也中暑忌冷水閉表亦此
意

本解毒雄黃丸治卒中仆地不知人事方見喉痺

氣急口噤腹脹滿痛為實宜吐下

大黃

乾薑

巴荳各一兩去皮尖心外熬研如脂

右藥各須精新先搗大黃乾薑為末研巴荳內中合搗千杵蜜和丸器中貯之 主心腹諸卒暴百病若中惡客忤心腹脹滿卒痛如錐刺氣急口噤停尸卒死者以熱苦酒服大荳許三四丸或不下捧頭起灌令下咽須臾當瘥如未瘥更與三丸當腹中鳴即吐下便瘥若口噤亦須折齒灌之

中暑

無中暑悶倒急扶在陰涼處切不可與冷水當以布巾衣物等蘸熱湯慰臍中及氣海續以湯淋布上令徹臍腹煖即漸醒如倉卒無湯處掬道上熱土於臍以多為佳冷即易之古法道塗無湯即掬熱土於臍上仍撥開作窩子令

人更溺於中以代湯續與白虎竹葉石膏湯 凡覺中暑急嚼生薑一大塊冷水送下如已迷亂悶嚼大蒜一大瓣冷水送下如不能嚼即用水研灌之醒路中倉卒無水渴甚急嚼生蔥二寸許津同嚥可抵飲水二升中暑之病即內經熱至則

發鬱是也

大黃龍丸治中暑眩暈昏不知人或身熱惡寒頭痛狀如傷寒或往來寒熱渴甚嘔吐泄瀉常服去暑毒分陰陽

硫黃

硝石各兩

雄黃透明

白礬

滑石各半

寒食麩各四兩

右為末滴水丸如桐子大每服五丸至七丸加至二十丸新汲水下昏塞不知人則以井水開口灌之中暑忌冷此藥以冷水下之乃熱因寒用

本又方解一切暑毒欲死者便服之立甦

半夏

四兩醋一升
半煮盡焙乾

甘草

兩

赤茯苓

各半
兩

肉桂

兩

右為末用生薑汁麩糊丸如桐子大每服五十九熱水下予夏日登途常畜此藥於篋笥中防諸緩急及僕僕門每日一服無伏暑之疾奇驗不一

中中暑發昏以新汲水滴兩乳以扇搦之重者以地漿灌之則醒若與水飲則死

仲諸乘寒者則為厥鬱員不仁以胃無穀氣脾不通口急不能言戰而慄也

無附子理中湯治五臟中寒口噤四肢強直失音不語昔有武士守邊大雪出帳外忽然暈倒時灌以此藥兩劑遂醒

大附子炮去
皮膽人參

乾薑炮

甘草炙

白朮各等
分

右剉為散每服四大錢水一盞半煎七分去查空心服口噤則幹開灌之

乾薑附子湯治中寒卒然暈倒或吐逆涎沫如暗風手脚攣搐口噤四肢厥冷或復躁熱方見
傷寒

世治凍死法四肢直口噤只有微氣者用大釜炒灰令煖以囊盛熨心上冷即易之目開氣出然後以粥清稍稍進之若不先溫其心便將火灸則冷氣與火爭必死矣

血脈
目

恒瘡瘍鬱冒俗呼昏迷慎不可下汗之則愈此因出膿血
至多而鬱冒

仲鬱冒欲解必大汗出

本人平居無疾忽如死人身不動搖默然不知人目閉不能開口啞不能言或微知人惡聞人聲但如眩冒移時方

寤此由汗過多血少氣併于血陽獨上而不下氣壅塞而不行故身如死氣過血還陰陽復通故移時方寤名曰鬱胃亦名血厥婦人多有之宜白薇湯倉公散

白薇 當歸各一 人參兩半 甘草一分

右麤末每服五錢水二盞煎一盞去渣溫服

倉公散

藜蘆 瓜蒂 雄黃 礬石煨

右等分為細末少許吹入鼻中

脈問曰婦人病經水適下而發其汗則鬱胃不知人何也師曰經水下故為裏虛而發其汗則表亦虛此為表裏俱虛故令鬱胃也

婦人半產誤用寒涼藥有損論治法○婦人分娩及半

產漏下昏冒不省瞑目無所知覺蓋因血暴亡此有形血去之後則心神無所養心與包絡者君火相火也得血則安亡血則危火上熾故令人昏冒火乘肺瞑目不省人事是陰血暴亡不能鎮撫也故血已虧損往往用滑石甘草石膏之類乃辛甘大寒之藥能瀉氣中之熱是血虧瀉氣乃陰虧瀉陽使二者俱傷反為不足虛勞之病昏迷不省者上焦心肺之熱也此無形之熱用寒涼之藥驅令下行豈不知上焦之病悉屬於表乃陰證也汗之則愈今反下之倖免不死暴虧氣血生命豈能久活又不知內經有云病氣不足宜補不宜瀉瞑目合眼之病悉屬於陰宜汗不宜下又不知傷寒鬱胃得汗則愈是禁用寒涼藥也分娩半產本氣不病是暴去有形之血亡血補血又何疑焉補血則神昌常時血下降亡今當補而升舉之心得血則能

養神不昏矣血暴降下是秋冬之令大旺今舉而升之以助其陽則日張神不昏迷矣今立一方補血養血生血益陽以補手足厥陰之不足以全生活血湯主之

紅花

蔓荊子

細辛各五分

生地夏月倍加

熟地各一錢

藁本

川芎各一錢五分

防風

羌活

獨活

甘草炙

柴胡

葛根

歸身各二錢

白芍藥

升麻各三錢

右咬咀每服五錢水煎去查食前稍熱服

當歸附子湯 治臍下冷痛赤白帶下

當歸二分

炒鹽三分

蠍稍

升麻各五分

甘草

柴胡各七錢

黃栢少許

附子一錢

乾薑

良薑各一錢

右咬咀每服半兩水煎去查稍熱服或為細末酒麪糊丸亦可

斗治婦人血風攻腦痛旋悶絕忽死倒地不知人事者用喝起草取其嫩心不限多少陰乾為末以常酒服一大錢不拘時候其功大效服之多達腦蓋善通頂門今蒼耳是也

大治妊娠因外感風如中風狀不知人用熟艾為末醋炒令極熱乘熱以絹帛裹熨臍下良久開省

奔豚氣上衝咽喉發作亦似死狀往來寒熱是也治見積聚

卒中仆地半身不遂者為中風治見中風

卒中仆地口吐涎沫者為癲癩治見顛癩

運氣鬱冒有二

其一屬熱經云少陰之復鬱冒不知人惡寒振慄又云少

腎肝

運氣

陽所至為昏昧又云諸熱昏瘳皆屬於火治以鹹寒是也
其二屬寒經云歲火不及寒乃大行民病鬱冒蒙昧心痛
又太陽司天與太陽之復皆病善悲眩仆又陽明司天之
政四之氣寒雨降病眩仆治以甘熱是也

中惡客忤卒死者灸臍中百壯以皂角末搐鼻或研菲
汁灌耳中

雜方

救卒死

菲根

烏梅二七

吳茱萸半升

右三味以水一斗煮之以病櫛內中三沸櫛浮者生沉
者死煮取三升去查分飲之

救卒死方

雄雞冠割取血以管吹內鼻中 猪脂如雞子大苦酒
一升煮沸灌喉中 雞肝及血塗面上以灰圍四旁立

起 大芫二七粒以雞子白并酒和盡吞之

救卒死而壯熱者方用礬石半斤以水一斗半煮消以浸

脚令沒踝

驚怖死者以温酒灌之

痰中後心下迷悶汪洋食少倦怠

白水二錢

川芎半錢

蒼朮

半夏

茯苓各一錢

薑三片

水煎服

四六嫂因食生菜青梅痰發昏冒不知人口渴脈滑今已
能言但說心下痞痛乏力

陳皮

白朮各錢

蒼朮半錢

滑石一錢

木香三分

甘草炙些

半夏七分

水煎服

婦人三十餘歲因產後能食半月後忽頭暈仆不知人醒
後至今食少

白朮二錢 川芎 黃芩 茯苓各一錢

薑片三

右煎取三之一下保和丸三十粒

諸厥無腹痛者忌下

本世言氣中者雖不見於方書然暴喜傷陽暴怒傷陰憂愁拂意氣多厥逆往往多得此疾便覺涎潮昏塞牙關緊急若槩作中風候用藥非止不相當多致殺人元祐庚午母氏親遭此禍至今飲恨母氏平時食素氣血羸弱因先子捐館憂惱忽一日氣厥牙禁涎潮一里醫便作中風以大通丸三粒下之天下數行一夕卒予嘗痛恨每見此症急化蘇合香丸灌之便醒然後隨其寒熱虛實而調理之無不愈者

診

經云無故而瘖脈來乍大乍小乍短乍長者為崇滑者鬼疰緊而急者遁尸

素脈至如喘名曰暴厥厥者不知與人言大奇論○脈浮而散者為胸中不足○脈要精微論○急虛身中卒至五臟

絕閉脈道不通氣不往來譬於墮溺不可為期其脈絕不來若人一息五六至其形肉不脫真藏雖不見猶死也玉機

真藏論

無中暑脈陽弱陰虛微遲似芤

脈問曰婦人病如癩疾鬱冒一日二十餘發師脈之反言帶下皆如師言其脈何類何以別之師曰寸口脈濡而緊濡則陽氣微緊則榮中寒陽微衛氣虛血竭凝寒陰陽不和邪氣舍於榮衛疾起年少時經水來以合房室移時過度精感命門開經下血虛百脈皆張中極感陽動微風激成寒因虛舍榮衛冷積於丹田發動上衝奔在胸高津液掩口入涎唾涌溢眩暈狀如厥氣衝腠裏熱麓醫名為

癩灸之因大劇○問婦人病苦氣上衝胸眩冒吐涎沫髀裏氣衝熱師脈之不名帶下其脈何類何以別之師曰寸口脈沉而微沉則胃氣伏微則榮氣絕陽伏則為疹陰絕則為亡血病當小便不利津液閉塞今反小便通微汗出沉變為寒咳逆嘔沫其肺成痿津液竭少亡血損經絡因寒為血厥手足苦痺氣從丹田起上至胸脇沉寒怫鬱於上胸中窒塞氣歷陽部面翕翕如醉形體似肥此乃浮虛醫反下之長針復重虛榮衛久發眩冒故知為血厥也

問曰寸口脈沉大而滑沉則為實滑則為氣實氣相搏血氣入臟即死入腑即愈此為卒厥何謂也師曰唇青身冷為入臟即死如身溫和汗自出為入腑即愈

脈入病尸厥呼之不應脈伏者死脈大反小者死 卒中惡腹大四肢滿脈大而緩者生脈大而浮者死脈細而微者亦生

五絕

丹治五絕一自縊二摧壓三溺水四魔魅五產乳用半夏一兩末為丸葶大內鼻中愈心溫者一日可治出子母秘錄

救自縊死法

仲救自縊死自旦至暮雖已冷必可治暮至旦則難恐此當言陰氣盛故也然夏時夜短於晝又熱猶應可治又云心下若微溫者一日已上猶可治之當徐徐抱解不得截繩上下安被臥之一人以腳踏其兩肩手挽其髮常令弦急勿使縱緩一人以手按據胸上數摩動之一人摩捋臂脛屈伸之若已僵直但漸漸強屈之并按其腹如此一炊頃雖得氣從口出呼吸眼開仍引按莫置亦勿勞之須臾可少與桂湯及粥清含與之令喉潤漸漸能嚥乃止更令兩人以管吹其兩耳此法最善無不活者

山自縊者切不可割斷繩子以膝蓋或用手厚裹衣物緊頂穀道抱起解繩放下揉其項痕搗鼻及吹其兩耳待其氣回方可放手若便泄氣則不可救矣

肘自縊死安定心神徐緩解之慎勿割繩斷抱取心丁猶溫者刺雞冠血滴口中即活男雌女雄 又方雞屎白如棗大酒半盞和灌及鼻中尤妙 千金方以藍汁灌之餘法同上

救擗壓死法

山卒墮擗壓倒打死心頭溫者皆可救將本人如僧打坐令一人將其頭髮控放低用半夏末吹入鼻內如活却以生薑汁香油打勻灌之

救溺死法

仲救溺死方取竈中灰兩石埋之從頭至足水出七孔即活
山溺水者放大瓮上睡着將脚後凳脚站起二磚却蘸

擦臍中待其水自流出切不可倒提出水此數等但心頭微熱者皆可救治 又方溺水死一宿者尚活搗皂角綿裹內下部須更出水即活

救魘死法

得嚏即氣通

魘死不得近前喚但痛咬其脚跟及唾其面不省者移動些少臥處徐徐喚之元有燈則存無燈切不可點燈及用皂角搗兩鼻

臥忽不寤勿以火照之殺人但痛嚙大姆指甲際而唾其面則活取韭搗汁吹鼻孔冬月用韭根取汁灌口中

集治卒魘雄黃搗末細篩以管吹入鼻孔中

暴死暴病

暴死乃真死也皆死於片餉半日或一日一日如非卒中

虛

可再醒也

靈黃帝曰其有卒然暴死暴病者何也少師答曰三虛者其死暴疾也得三實者邪不能傷人也黃帝曰願聞三虛少師曰乘年之衰逢月之空失時之和因為賊風所傷是為三虛故論不知三虛二反為麓帝曰願聞三實少師曰逢年之盛遇月之滿得時之和雖有賊風邪氣不能危之

歲露

篇

三虛相搏則為暴病卒死全文見診歲為病

運氣

運氣暴死暴病有四

一曰虛經云六位之氣盈何如岐伯曰大少異也大者之至徐而常少者之至暴而亡是也蓋暴雖謂所至之氣然病氣皆在其中也

二曰火經曰火鬱之發甚則悶懊懷善暴死又云少陰所

至為暴死又云少陽司天之政三之氣炎暑至民病暴死

又云陽明司天之政二之氣榮厲大至民善暴死又云少

陽所至為暴病是也

三曰風火經云少陽司天火氣下臨風行於地其主暴速

又云厥陰司天風氣下臨其發機速主所謂變化卒急其

為疾病速在發機是也

四曰金經云金太過曰堅成堅成之紀其動暴折瘍疰是

也此金兼火化之氣金主折火主暴也

雷公曰人不病而卒死何以知之黃帝曰火氣入於臟

腑者不病而卒死矣雷公曰病小愈而卒死者何以知之

黃帝曰赤色出兩顴大如拊指者病雖小愈必卒死黑色

出於庭大如拊指必不病而卒死赤色出兩顴即脈訣所謂暴病如粧不久居者

是也。五色篇。

診

針灸

太陽根于至陰結于命門命門者目也太陽為開開折則肉節瀆而暴病起矣故暴病者取之太陽視有餘不足瀆者皮肉宛雉而弱也根結篇

醫學綱目卷之十八 心小腸部

醫學綱目卷之十八

心小腸部

癰疽

腫瘍

潰瘍

癰疽所兼諸症

久漏瘡

虛實

腫瘍者癰疽未見膿而腫者也潰瘍者癰疽之膿已潰出者也丹溪云腫瘍內外皆壅宜以托裏表散為主設欲行大黃者宜審其虛實之原瘍潰內外皆虛宜以補接為主設欲行香散者宜防其虛虛之失由是言之則癰疽之腫時與潰時不同今分腫瘍潰瘍為二門

腫瘍

癰疽方腫未見膿者也

托裡疎
通行榮
衛三法

瘡瘍者火之屬須分內外若其脉沉實當先疎其內以絕其原也其脉浮大當先托裏恐邪氣入內也有內外之中者邪氣至甚遏絕經絡故發癰腫經曰榮氣不從逆干

醫學綱目卷之十八

肉理乃生癰腫此因失托裏及失踈通又失和榮衛也治
瘡之大要須明托裏踈通行榮衛三法托裏者治其外之
內踈通治其內之外行榮衛者治其中也內之外者其脉
沉實發熱煩躁外無焮赤痛甚邪氣深于內也故先踈通
臟腑以絕其原外之內者其脉浮數焮腫在外形証外顯
恐邪氣極而內行故先托裏以防其干也內外之中者外
無焮惡之氣內亦臟腑宣通知其在經當和榮衛也用此
三法之後雖未瘥必無變証亦可使邪氣峻減而易痊也
恒瘡疽之發其受之有內外之別治之有寒溫之異受之
表裡寒
溫之異外者法當托裏以溫劑反用寒藥則是皮毛始受之邪引
入骨髓受之內者法當踈利以寒劑反用溫劑托裏則是
骨髓之病上徹皮毛表裏通潰其為一瘡助邪為毒苦楚
百倍輕則危殆重則死矣予聞黎古云瘡瘍之生也表裏

右同為細末每服一字或五分一錢食後溫湯調下

云非腎熱相火大

綱目卷之十八

二丁膏丁

錫同

四分冷
乳食前
病吐瀉

不止米穀不化衆醫用溫藥一日而加喘吐不定錢氏曰
當以涼藥治之所以然者謂傷熱在內也用石膏湯三服
并服之衆醫皆言吐瀉多而米穀又不化當補脾何以用
涼藥王信衆醫皆用補脾丁香散三服錢醫後至曰不可
服此三日後必腹滿身熱飲水吐逆三日外果如所言所
以然者謂六月熱甚伏入腹中而令引飲熱傷脾胃即大
吐瀉也醫又行溫藥使上焦亦熱故喘而引飲三日當甚
衆師不能治復召錢至見其熱證以白虎湯三服更以白

肉理乃生癰腫此因失托裏及失踈通又失和榮衛也治
瘡之大要須明托裏踈通行榮衛三法托裏者治其外之
內踈通治其內之外行榮衛者治其中也內之外者其脉
沉實發熱煩躁外無焮赤痛甚邪氣深于內也故先踈通
臟腑以絕其原外之內者其脉浮數焮腫在外形証外顯
恐邪氣極而內行故先托裏以防其干也內外之中者外
無焮惡之氣內亦臟腑宣通知其在經當和榮衛也用此
三法之後雖未瘥必無變証亦可使邪氣峻減而易痊也
瘡疽之發其受之有內外之別治之有寒温之異受之
外者法當托裏以温劑反用寒藥則是皮毛始受之邪引
入骨髓受之內者法當踈利以寒劑反用温劑托裏則是
骨髓之病上徹皮毛表裏通潰共為一瘡助邪為毒苦楚
百倍輕則危殆重則死矣予聞黎古云瘡瘍之生也表裏

表裡寒
温之異

右同為細末每服一字或五分一錢食後温湯調下
云非腎熱相火大
盛者不宜服此
六月大暑後吐瀉身大温而似熱臟腑中亦熱四分冷
也吐嘔乳食不消瀉黃白色似渴或食乳或不食乳食前
少服益黃散食後多服玉露散 廣親宮五大尉病吐瀉
不止米穀不化衆醫用温藥一日而加喘吐不定錢氏曰
當以凉藥治之所以然者謂傷熱在內也用石膏湯三服
并服之衆醫皆言吐瀉多而米穀又不化當補脾何以用
凉藥王信衆醫皆用補脾丁香散三服錢醫後至曰不可
服此三日後必腹滿身熱飲水吐逆三日外果如所言所
以然者謂六月熱甚伏入腹中而令引飲熱傷脾胃即大
吐瀉也醫又行温藥使上焦亦熱故喘而引飲三日當甚
衆師不能治復召錢至見其熱證以白虎湯三服更以白

六月身
温瀉黃
白色六
分補四
分下

餅子下之一日減藥二分二日三日又與白虎湯各二服
四日用石膏湯一服及旋合麥門冬黃芩腦子牛黃天竺
黃茯苓以硃砂為衣服五九竹葉湯化下熱退而安

七月瀉
身溫涼
三分下
七分補

七月立秋後吐瀉身溫臟腑中三分熱七分冷也不能食
乳多似睡悶亂哽氣長出氣睡露睛唇白多噦欲大便不
渴食前多服益黃散食後少服玉露散 廣親宮七太尉
七歲病吐瀉是時七月其症全不食而昏睡睡覺而悶亂
哽氣乾嘔大便或有或無不渴眾醫作驚治之疑睡故也
錢曰先補脾後退熱與史君子九補脾石膏湯退熱次日
又以水銀硫黃末研和以生薑水調下一字錢曰凡吐瀉
五月內九分下而一分補八月內九分補而一分下此者
是脾虛瀉醫妄治之至於虛損下之即死即當補脾若以
史君子九恐緩已又留溫胃益脾藥治之醫者李生曰何

崇衛

當歸

黃芪

地黃

川芎

地骨皮

芍藥

各半錢

右咬咀水煎服如發熱加黃芩 如煩躁不能睡卧者

加梔子 如嘔則是濕氣侵胃倍加白朮

海奪命丹治惡瘡癰疽發背

大黃

為末置砂器中以水攪
八十一遍飛過一兩

牡礪

生薑

沒藥

乳香

右為粗末轉作九子一錢用好酒一升木炭火熬一沸

分二碗盛之夜露一宿早晨去滓空心服

治發背方蒼耳炒黃擦其刺再炒深黃不見風研細末每

服五錢七好熱酒調食前臨卧服

一則用大黃牡礪一則用蒼耳知有內外之別也 前

用奪丹二藥表裏不同何以然乃膏梁之變脉沉而滑

表裡
雜方

地之濕氣感則害人皮肉筋脉浮而滑所以有泄之發之之異也

瘡以發表為先

癰疽因積毒在臟腑非一朝夕今發于外宜以標本為治當先助氣壯胃使根本堅固而以行經活血為佐參以經絡時令使毒氣外發此症仲景解表用麻黃桂枝之意

太陽分野藥

施治之早可以內消此乃內托之本意也
通父家翟梗於虎醫上足太陽經生癰堅硬腫痛大作左右尺脉俱緊按之無力

羌活 黃栢酒洗各二錢 防風 藁本

連翹各一錢 肉桂分七 甘草炙 蒼朮

陳皮各五分 當歸一錢 黃芪半錢

右作一服酒二大盞水一大盞煎至一盞去查熱服空

心以夾被蓋覆其癰使藥行罷去之一服愈

丹王姑丈七十餘患項疽脉實而稍大此因憂悶而生太陽經治之

歸頭二錢 黃栢半一錢 黃芪 羌活

地黃酒 黃芩炒酒 桔梗一錢 黃連炒酒

連翹 防風 甘草生 人參

陳皮 防已 澤瀉分五 白水煎服

疔爭腋湯治皮膚痒腋下瘡疔上瘡耳聾耳鳴

麻黃錢一 桂枝錢二 草薺錢一 當歸稍分七

紅花少許 羌活錢二 防風錢一 柴胡錢一

升麻分半 連翹 桔梗分五 甘草分五

生地分五 黃芩酒一錢 蒼朮錢一

右剉如麻苳大都作一服水二大盞煎至一盞去查稍熱服

陽明分
野藥

尹老家素貧寒形志皆苦干手陽明經分出癰第四日忽
腫幼有癩疔其臂外皆腫痛先腫在陽明左右寸皆短中
得之俱按之洪緩有力此癰得自入風之變以脈斷之
邪氣在表然其症大小便如故飲食如常腹中和口知味
知不在裏也不惡風寒止熱躁脈不浮知不在表也表裏
既和知邪止在經脈之中凝滯為癰出身半已上風從生
受之也故與卻寒邪和經脈中氣血使無疑滯也白芷升
麻湯

白芷七分

升麻

桔梗各五分

甘草炙

黃芩生

歸稍

生地各錢

酒黃芩

黃芪

連翹各二錢

中桂少

紅花少

右水酒各一盞同煎至一盞臨卧熱服一服愈
此症雖曰經脈之中然得之自八風之變其藥制度皆

表之意

婦人兩乳間出黑頭瘡瘡頂陷下作黑眼子其脈弦洪按
之細小

升麻

連翹

葛根各一錢半

肉桂三分

黃芪

歸身

甘草炙各一錢

黍粘子五分

黃栢二錢

右作一服水一盞酒半盞煎至一盞二服愈

汗之則瘡已 丁巳年委予從軍回住曹州有趙同知

脈浮緊者宜解表

鼻經歷病頭面赤腫耳前後尤甚疼痛不可忍發熱惡寒

牙關緊急涕唾稠粘飲食難下不得安臥一瘍醫腫上砭

刺四五百餘針腫赤不減其痛益甚不知所由然予往診

視其脈浮緊按之洪緩此寒覆皮毛鬱遏經絡熱不得升

聚而赤腫經云天寒地凍則水冰人氣在中皮膚緻腠理

閉汗不出血氣強內堅濇當是之時善行水者不能注水
 善穿地者不能鑿凍善用針者亦不能取四厥必待天溫
 冰釋凍解而水可行地可穿人脈亦猶是也又曰冬月閉
 藏水冰地拆故用藥多而少針石也宜以苦溫之劑溫經
 散寒則已所謂寒繳腠理以苦發之以辛散之也宜以托
 裏溫經湯麻黃苦溫發之者也防風辛溫散之者也升麻
 苦平葛根甘平解肌出汗專治陽明經中之邪故以為臣
 血流而不行者則痛以香白芷歸身辛溫以破血散滯濕
 熱則腫蒼朮苦甘溫躡輕浮力雄壯能泄皮膚腠間濕熱
 人參甘草甘溫白芍藥酸微寒調中益氣使托其裏也故
 以為佐各剉如麻荳大同秤水煮餌之以薄衣覆其手以
 厚被覆其身且卧于暖處則經血溫腠理開寒乃散陽氣
 伸大汗出腫減八九再服去麻黃防風加連翹黍粘子痛

腫悉去經言汗出則瘡已信哉

托裏溫經湯治寒覆皮毛鬱遏經絡不得伸越熱伏榮中
 聚而赤腫痛不可忍惡寒發熱或相引肢躡疼痛

麻黃去根

白芷

當歸各二錢

防風去

葛根各三錢

升麻四錢

甘草炙

白芍藥各一錢半

人參

蒼朮各錢

右剉如麻荳大每服秤一兩水二盞先煮麻黃令沸熟
 去沫再下餘藥同煎至一盞去渣大溫服訖卧于暖處
 即以綿衣覆之得汗而散

少陽野藥

蒲津王世祥年七十感寒濕地氣二月間得附骨癱于
 左腿外側足少陽之分少侵足陽明分濶六七寸長一小
 尺堅硬漫腫不辨肉色皮澤深以指按至骨大痛又行步
 作痛與藥下咽疼痛立止二日後柔軟而腫消矣

柴胡

黍粘子

各錢半

連翹

肉桂

各一錢

黃芪

當稍

各二錢

黃柏

甘草

各五分

升麻

七分

作一貼好酒一盞半煎至一盞大温空心食消盡服之少時以早膳壓之使不令大熱上攻犯上中二焦也

賈德茂男十歲四月天氣大熱于左足大腿近膝股肉足厥陰肝之經少侵足太陰脾之經分出附骨疽不辨肉色漫腫皮澤木硬痛勢甚大其脉在三部細弦按之洪緩畧有力

黃芪

二錢

柴胡

稍一錢

羌活

五分

連翹

一錢

肉桂

三分

土瓜根

三分

生地

一錢

黃柏

酒洗二分

當歸尾

七錢半

右作一服酒一盞水三盞煎至一盞空心熱服一服愈

垣內托榮衛湯治風濕熱鬱其手足少陽致血脉逆使榮衛周身元氣消弱其風熱滯于下其面色必赫赤而腫微黯色風水之性上衝顏必忿色其人多怒其瘡之色亦赫赤腫硬微帶黯色其瘡之形勢亦奮然高起結硬而作痛其脉洪緩而弦宜發其汗而通其榮衛則邪氣去矣

黃芪

桂枝

各五錢

防風

羌活

黃芩

當歸

各半錢

連翹

柴胡

各二錢

甘草

炙

人參

各一錢

蒼朮

紅花

各三錢

右咬咀只作一服水酒各一大盞同煎至一盞温服右九方皆東垣及羅謙甫丹溪隨癰疽所發分野制之也其方皆以發表為先不過一二服而愈如癰疽發在太陽經分野必用防風羌活陽明經分野必用香白芷升麻少陽經分野必用柴胡太陰經分野必用芍藥升

麻少陰經分野必用獨活厥陰經分野必用青皮柴胡皆以桂佐之身半已下者必用酒水多熟煎之空心服使藥下行身半已上者必用酒水少帶生煎之臨臥服使藥上行脈細小無力必于本經藥中加辛熱劑脈洪大有力必于本經藥中加苦寒劑隨症加減活潑潑地其効如神真良醫也

消 縮毒金粉散治但疼痛不急脹

脈有刀者春夏宜寒涼解表

乾葛

甘草

鬱金

川芎

瓜蒌根

白芷

右等分並生為末每一錢溫酒入蜜調下不拘時此藥大散五臟積毒凝滯日三服

垣 羌活當歸湯治腦疽

黃芩酒炒

黃連酒炒

歸身酒浸

甘草炙各一兩

羌活

黃柏酒浸

連翹各五錢

澤瀉

獨活

藁本各三錢

防風

梔子仁各五分

右咬咀分作四服水一小椀先浸一時許入酒一匙煎至八分去渣大溫服食後日二服和查計六服三日服盡去查清藥調下後換榔散

換榔散用換榔為細末將羌活當歸湯調下

黃柏當歸湯治背疽

黃柏炒七錢

黃芩炒

當歸身炒

甘草炙各一兩

黃連炒

防風各五錢

澤瀉

山梔

知母

地骨皮各三錢

連翹五分

右咬咀分作四服每服水一小椀浸一時許入酒一匙煎至八分去渣調下換榔散大溫服與前藥同

丹 呂孺人惡寒發熱腹上有小疽此血少有熱與此藥

白朮	川芎 <small>三錢</small>	赤芍藥	連翹 <small>二錢</small>
陳皮	防風	黃芩 <small>二錢</small>	木通 <small>半錢</small>
甘草 <small>五分</small>			

分五貼水煎服

丹治好酒婦人用酒煨大黃取汗法見膏梁條

精要十宣散

脈無力者秋冬宜溫熱解表

川芎	防風	當歸	黃芪 <small>各二兩</small>
官桂	甘草	厚朴	桔梗
		白芷 <small>各一兩</small>	

右為細末每服二錢加至六錢止熱酒調下日數服以多為妙不飲酒者用木香濃煎湯下然不若酒力之勝也許學士云此方得于都下異人濟苦者不可計數陳無擇謂此藥在第四節服者非也早服中病者必消散

羅千金托裏散治發背疔瘡方見疔瘡

消托毒散治癰疽初起高腫發痛不定喘息氣粗

附子 <small>一枚泡去皮尖</small>	當歸	麻黃	甘草
官桂	川芎	羌活	石葦

龍胆草

右九味等分為末每服二錢水一大盞姜三片塩少許同煎

丹一男子年五十餘形實色黑背生紅腫近胛骨下痛甚脈數而洪緊食亦嘔正冬月與麻黃桂枝湯加酒黃栢生附子括萎子甘草節羌活青皮人參黃芪半夏生薑六貼而消此非內托之意歟

精五香湯

木香	沉香	麝香	乳香
----	----	----	----

丁香 粉草 人參 黃芪

犀角

右每服四錢水二盞煎至一盞不拘時

五香連翹湯

乳香 甘草 木香 沉香各三

丁香兩半 連翹 射干 升麻

黃芪 木通 桑寄生如無升麻倍之

獨活各三 麝香一錢

右咬咀每服三錢水一盞煎至七分溫服大便秘者加

大黃

內托散一名護心散 一日至三日之內宜連進十數服

真葉荳粉兩 明乳香半兩 慢火干銀石器中炒手指攪使乾急傾出扇冷研極細

右研令勻每服二錢至三錢濃煎甘草湯調下時時細

有丹石毒者宜解毒

呷要藥常在胸膈間若毒衝心有嘔逆之証大宜服此
如有寒而嘔逆不宜服此當用辛熱

丹溪云內托散葉荳解丹毒又治石毒味甘入陽明胃性寒能補為君乳香去惡腫入少陰性溫善竄為佐甘草性緩解五金八石及百藥毒為使此方專為服丹石而發疽者設若不因丹石而發疽恐非必用之劑又云內托散性涼治嘔有降火之理

雜方 仲排膿湯方

甘草二兩 桔梗三兩 生姜一兩 大棗十枚

右四味以水三升煮取一升溫服五合日再服

本托裏排膿生肌散

皂角刺不拘多少粗大黑紫者

右置瓶中鹽泥固濟炭火燒過存性放冷出研為細末

每服一錢薄酒微温調下暑月陳米飲下

潔保安湯治瘡托裏或已成者速潰

瓜菱新者一個去皮火焙沒藥一錢明者金銀花 甘草

生姜各半兩

右為細末用好無灰酒三升于銀石器內煎至一升分作三盞三次飲盡病微者只一服如服托裏藥不能發散又作瘡者用此

精柞木飲子

乾柞木葉四兩半 乾荷葉中心蒂 乾萱草根

甘草節 地榆各一兩

右細剉每服半兩水二碗煎一碗分作二服早晚各一服未成者自消潰者自乾其荷蒂去惡血管根下水解毒利胸膈柞木有芒刺能驅逐地榆主下焦血病輕小

毒小者輕劑內消

証候或可倚仗

精車螯散

車螯一兩煨通赤本草云車螯解酒毒 生甘草 輕粉五分

右一處為細末每服四錢濃煎括萎酒調下五更服轉

下惡物為度未知再用効在五香之上本草云車螯大蛤也一名蜃

又方車螯四個黃泥固濟火煨赤出火毒一宿 瓜菱一個去皮瓦上炒香

燈心三十 甘草節五分

右為粗末作一服酒二盞煎一盞去渣入蜜一大匙和勻每用酒八分盞車螯末二錢膩粉少許調勻空心温服取下惡物黃涎為効

丹云車螯散一以輕粉為佐一以燈心為佐其散腫消毒下積安詳穩重輕小症候可以倚仗

治背瘡荆芥穗木鱉子仁大黃歸頭甘草節除荆芥穗為

毒深者重劑攻裡

君外餘各等分酒水各一碗煎至七分空心向東飲即下積與粥便止若結成者用川練子七枚燒灰酒下次與十四枚又次與此一枚三貼後雖結亦小之陶氏

十漏蘆湯治癰疽丹疔惡肉時行熱毒赤腫

漏蘆 連翹 黃芩 白欬

枳殼 升麻 粉草 麻黃

朴硝各兩 大黃半兩

右除硝外每服二錢水一盞姜三片薄荷三葉同煎溫服取利為度

精漏蘆湯

生黃芪 連翹 沉香 漏蘆各一兩

粉草兩半 大黃兩

右為細末每服二錢姜東湯調下

內消升麻湯治血氣壯實若患癰疽大小便不通

升麻 大黃各二兩 黃芩半兩 枳實炒

當歸 芍藥 甘草各一兩

右咬咀水煎食前

羅內消丸治瘡腫初生及癰癧結核熱毒鬱滯服之內消

薄荷葉 皂角不蛀者水煮至軟各半斤煎膏 牽牛半斤取頭末

青皮 陳皮各一兩 沉香兩半 廣茂炮

京三稜炮各三錢

右為末入牽牛頭末用煎膏和丸如菉荳大每服三十

丸煎連翹湯送下食後

孫真人單煮大黃湯肺實沉而數膏梁食肉之輩大腑秘者詳審用之

錦文大黃酒洗去皮

右一味剉如麻荳大水煮服

精神仙追毒丸能解一切毒如被狐狸毒鼠惡菌河鮑毒疫死牛馬肉毒蛇犬惡虫所傷又治癰疽發背及療魚膺瘡人多不識喚作癰疽致命殺人者及治諸風癰疥赤腫

五倍子

槌破洗焙三兩

山茨菰

去皮淨焙一兩

麝香

二錢研入

千金子

即續隨子去壳研去油取霜一兩

山荳根

紅牙大戟

去芦洗淨焙乾一兩半

全蝎

硃砂

雄黃

各一兩

右除千金子麝香外七味為細末却入研藥另勻用糯米飲為丸分四十九每服一丸生薑薄荷汁并花水研服昔有一女子久年病瘵磨一丸服之一時吐下小虫千餘條半月即無事 丹溪云神仙追毒丸其五倍子消毒殺虫解風為君山茨菰千金子大戟皆驅逐走泄

之劑佐以麝香升散若用之固裹以發表實非所宜若能灼見臟腑有積毒異虫深痼而牀不虛者亦是快藥 古人兵曰義兵刑曰祥刑戒勿輕于用也

瘡高而薄澤其痛在外

帝曰癰疽何以別之岐伯曰榮衛稽留于經脉之中則血泣而不行不行則衛氣從之而不通壅遏而不得行故

熱大熱不止熱勝則肉腐肉腐則為膿然不能陷肌膚骨髓不為焦枯五臟不為傷故命曰癰

劉涓子云癰之痛只在皮膚之上又云癰發如火焚茅初如黍米大三兩日如掌面大五七日如椀面大即易治如腫冷發渴發逆治之難愈

疽平而大堅其痛徹心

帝曰何謂疽岐伯曰熱氣淳盛下陷肌膚筋髓枯內連五臟血氣竭當其癰下筋骨良肉皆無餘故命曰疽

劉涓子云疽發或如小癰觸則徹心痛四邊微起如橘皮

大瘡

孔色紅赤不全變膿水不甚出至七八日疼悶喘急不止又云始發腫高五指忽平陷者此內攻之候也精要云生

疽處不熱不痛低陷者此為內發難治必死

疽者上之皮天以堅上如牛領之皮癰者其皮上薄以澤

此其候也癰疽篇云小按乃痛者病勢淺大按乃痛者病勢深此辨癰疽之法也

劉涓子云癰疽有三等毒氣浮淺屬腑猶傷寒毒氣沉深

屬臟猶傷寒毒氣猛烈而行經絡或淺或深無定五臟六

腑皆受五毒難為調理唯宜急切於癰發諸

處不問虛實高腫起盛光澤疼痛只在皮膚之上熱急脹

滿或有痒疼別無惡候初用溫藥平氣次用排膿發穴

治癰所謂平氣者乃犀角欬之類其方用犀角連翹漏

蘆甘草當歸肉桂皆發表之藥也所謂發穴者乃棘針

之類用皂角刺為君甘草川芎乳香為佐使亦托裏之

瘡宜發
表發穴

宜實
內補虛

藥也然不若黎古東垣諸方發表托裏為穩當

疽發諸處不拘大小精要謂廣一尺二尺曰疽者非惟起在背廣一尺二

尺三尺皮厚而紫黑高腫不常內疼如錐刺攻擊滿悶應

四肢重疼前心亦痛餘處發猶可唯虛處及近筋骨處若

膿毒未潰即傷爛筋骨肉損為疽者屬五臟毒氣深沉多

氣伏硬堅實而不宜緩慢治之須內實五臟外透皮膚令

軟勻和即膿透宜用內托實臟氣之藥排膿勻氣乃可不

比癰之毒氣浮淺也毋作一類治之

凡一切瘡腫始覺患起高腫五七日忽平陷者此是內攻

之候也急以內托散及內補湯藥補填臟腑令實最怕透

膜膜穿十無一生矣

癰之邪淺其稽留壅遏獨在經脉之中而專攻于外故初

發時自表便發熱患處便如枕如盆高腫而痛甚者縱欲

下陷緣正氣內固不肯受故或便秘或發渴發逆以拒之
是以骨髓終不焦枯五臟終不傷也疽之邪深其稽留壅
遏內連五臟而不專攻于外故身熱或無熱患處或不腫
痛甚者聲嘶氣脫眼黑眼小十指腫黑如墨多死也治之
之法癰之初發當以紫古法為主表者散之裏者下之火
以灸之藥以敷之膿未成者必消膿已成者速潰也疽之
初發當以涓子法為主補填臟腑令實勿令下陷之邪蔓
延外以火灸引邪透出使有穴歸着而不亂則可轉死回
生變凶為吉今世外科不分癰疽一例宜熱拔毒外以五
香耗其氣內以大黃竭其血終不能自悟其藥之非惜哉
補虛法
治癰疽初覺腫結未成可以消散毒飲子

黃芪二兩 甘草炙 天羅生 山藥炒
鬼腰帶葉半兩生竹筒陰濕石岸絡石而生者好絡木者無用其藤柔細兩葉相對形生三角

右為粗末每服三錢水一盞煎至七分入酒三盞同煎
一二沸去查溫服

精神効托裡散治癰疽發背腸癰如癰無名腫毒癩赤疼
痛憎寒發熱不問老幼虛弱並治之

黃芪去 忍冬藤葉各五兩 當歸一兩
粉草炙入

右為細末每服二錢酒一盞半煎至一盞病在上食後
服在下食前服少頃再進留滓外傳

保諸瘡瘍痛色變黑紫者回毒金銀花湯

金銀花并梗二兩黃芪四兩 甘草一兩
右用酒一升重湯煮三兩時去查溫服

本黃芪散
綿黃芪一兩 甘草半兩 皂角刺揀紅紫者剉炒黃一兩

右細末每服二大錢酒一盞乳香一塊煎至七分去渣服

海黃芪湯與四物相和亦名托裏湯血氣齊補也

黃芪四物湯

人參

黃芪

白朮

茯苓

芍藥

甘草

生姜

當歸

地黃

川芎

多加金銀花煎服

本內固黃芪湯

綿黃芪

人參各半兩

右細末入真生龍腦一錢研細生藕汁和丸如菉苳大每服二十九溫熱水下加至四十九日三服

丹五八嬪年六十歲背上瘡脉洪大數午後惡寒發熱食

少

連翹

黃芪生三錢

人參二錢

陳皮

茯苓五錢

砂仁三錢

甘草炙

白朮一錢

分十貼煎服

右方皆以黃芪為君甘草歸參為佐乃實內補虛之中

兼托裏也

精阿膠飲子

明阿膠炒如珠

粉草各一兩

橘紅半兩

右咬咀分作三服再服以水一盞煎七分去渣溫服

又方牛膠飲截癰疽惡瘡發險處服之使毒氣不攻于內

牛膠

通明者四兩

用酒一碗入膠內重湯煮溶透攪勻傾

出更侵酒隨意飲能飲者以醉為度此法活人甚多

又方黃礬丸服過一兩已上無不取效最止疼痛不傷臟

腑活人不可勝數

白礬兩一

黃蠟兩半

右和丸如桐子大每服十九丸漸加至五十九丸溫酒送下如未破已消已破即合一日服百粒則有效能防毒氣內攻尤能護膜始終須服半斤瘡愈後服之尤佳治蛇咬溶化白礬乘熱滴傷處痛即止一方用明礬飛過研細以鷄子二個取清調礬末稀稠如糊用無灰陳好酒放開服之膿未成者即消已成膿者從大小便出神効累驗其功大勝黃礬丸

國老膏治一切癰疽能消腫逐毒使毒不內攻其効不可具述

甘草大者二斤槌碎河水浸一宿揉令漿汁濃去盡筋滓再用絹濾過銀石器內慢火熬成膏用器收之每服一二匙無灰酒或白湯亦可曾服燥藥丹劑者

亦解之

本事方每甘草一斤分作三服溫酒調下今云一二匙恐力少也

遠志酒治一切癰疽發背癰毒惡候浸有死血陰毒在中則不痛傳之即痛有憂怒等氣積而內攻則痛不可忍傳之即不痛或蘊熱在內熱逼人手不可近傳之必清涼或氣虛血冷潰而不斂若七情內鬱治之必愈

遠志不以多少為末酒一盞調末三錢澄清飲之以滓傳于患處

忍冬酒初發便當服此或貧乏中或居鄉僻田夫野老百發百中

忍冬藤生取一把以葉入砂盆研爛入酒少許調和甘草生剉

右二味入砂瓶內用水二碗文武火煎至一碗入好酒一大碗煎十數沸去渣分為三服一日連夜進盡病勢

重一日夜可二劑忍冬藤補血如氣虛及寒多人不宜用是故田夫野老百發百中也

阿膠飲牛膠飲黃礬丸以牛皮屬金屬上補肺氣實大腸壯胃止泄黃礬丸以蠟味甘淡入大腸有補難化國老膏以甘草化毒行經遠志酒忍冬酒皆有補性歸心歸血用之頗切善用者以之配入治腫瘍之散結潰瘍之補虛亦奏捷功

右丹溪實內補虛法皆以參朮歸芪又甚者獨參膏其法並見後分經條及散見潰瘍虛實寒熱條真轉死回生之捷法也

禁忌

癰疽當分經絡論六陰經六陽經分布周身有多氣少血者有多血少氣者有多氣多血者不可一槩論也若夫要害處近虛處怯薄處前哲已曾論及惟分經之言未聞也何則諸經惟少陽厥陰經之生癰疽理宜預防以其多

氣少血也其血本少肌肉難長瘡久未合必成危証又云少陽經多氣少血與厥陰經同少陽有相火尤甚於厥陰經者其有本經少血遽用驅毒利藥以伐其陰分之血禍不旋踵矣請述一二成敗之迹以告來者予族叔父平生多慮質弱神勞年近五十忽有膊外側廉上生結核身微寒熱而易怒食味頗厚脉之俱浮大弦數而重似瀆予曰此多慮而憂傷血時在初秋勿輕視之宜急補以防變証以人參一斤作膏下以竹瀝病者各費招一外科以十宣五香散相間與服旬日後一日大風拔木病者發熱神思不佳急召予視之核稍高大似有膿于中起一紅線延過肩後斜走透背脊過入右脇下不痛覺有背重而急迫食有嘔意脈同前但弦多耳急作人參膏入芎朮生姜汁飲之用人參三斤瘡潰膿乾又與四物湯加參朮陳皮

甘草半夏生姜百餘貼而安此等若在春令雖神仙不治也幸而在秋金之令不幸因時下暴風激起木中相火而致此自非參膏驟補何由得免此正消子所謂補填臟腑紅腫一人脇下生紅腫皆由庸醫誤下之而死詳見後條或曰太陰經非多血少氣者乎何醫疽之生初無甚苦往往問有不救者吾子其能治之乎予曰醫居小腹之後而又在其下此陰中之陰也其道遠其位僻雖曰多血氣運不到氣既不到血亦罕來中年已後不可生癰絕有痛腫叅之脉証但見虛弱便與滋補血氣無虧可保終吉若用尋常驅熱拔毒舒氣之藥虛虛之禍如指諸掌可不慎歟

邪風外入者多屬寒

帝曰諸癰腫筋攣骨痛此皆安生岐伯曰此寒氣之腫八風之變也帝曰治之奈何岐伯曰此四時之病以其勝治之愈也脈要精微論

靈血脈榮衛周流不休上應星宿下應經數寒邪客之則血泣血泣則不通不通則衛氣歸之不得復反故癰腫寒氣化為熱熱勝則腐肉腐肉則為膿膿不瀉則爛筋筋爛則傷骨骨傷則髓消不當骨空不得泄瀉血枯空虛則筋骨肌肉不相榮經脈敗漏薰于五臟臟傷故死矣癰疽篇生氣通天論云勞汗當風寒薄為皴鬱乃痤又云陽氣者開闔不得寒氣從之乃生大倮榮氣不從逆於肉理乃生癰腫是亦寒邪從勞汗之隙及陽氣開闔不得其理之隙又客之為癰腫也觀此數論則知癰疽之發皆得之於寒邪所客也獨運氣瘡瘍一歲老幼相似之病間有熱者不可不知詳見運氣條

右經數節皆論癰疽乃因寒邪客之而發也治法則精要十宣散五香湯紫古蒼朮復煎散等發表之劑是也

丹朱郎年四十餘惡寒發熱右腿內廉厥陰分生一腫毒
此是冷折熱在肺經血分與此方

瓜蒌子

黃藥子

赤芍藥

當歸頭

條芩錢三

青皮

皂角刺

桂枝錢二

甘草節錢生一

右分四貼煎取一盞入忍冬藤汁二蛤殼食前煎飲以

忍冬藤查傳腫上

滑安神散治諸色瘡腫調氣順榮衛

人參

茯苓

甘草炙

枳殼去穢炒

附子炮去皮尖

白姜

山藥

陳皮

右等分爲末每服一錢水一盞生姜三片大棗一個煎

至七分通口服

膏梁之變亦是滋味過度榮氣不從逆于肉理乃生癰

屬熱

腫榮氣者胃氣也飲食入于胃中先輸於脾而朝於肺肺朝百脈次及皮毛先行陽道下歸五臟六腑而氣口成矣今富貴之人不知其節法酒肥羊雜以厚味積火太過其氣味俱厚之物乃陽中之陽不能走于空竅而先行陽道今反行陰道則濕氣大勝子令母實火乃大旺熱濕既盛必來尅腎若不慎房事損其真水則水乏而濕熱之化上行其瘡必出背脊上及腦此爲大疔之最重者若毒氣出肺或脾胃之部分毒之次也若出于他經又其次也濕熱之毒所止處無不潰爛故經言膏梁之變足生大疔受如持虛者如持虛器以受物則無不受矣治大疔之法必當瀉其榮氣以標本言之先受病爲本非苦寒之劑爲主爲君不能除其苦楚疼痛也諸瘡瘍有痛往往多以乳香沒藥雜以芳香之藥止之必無少減之理此其悞也若使經

絡流通臟腑中去其壅滯必無痛矣痛則以苦寒之劑除之無不愈者瘡瘍食肉與自殺無異法當瀉氣而反補之故也

元好問飲酒太過脈候沉數九月間腦下項上出小瘡不痛不痒如白頭瘡凡四日後腦項麻木腫勢外散熱毒熾發又二日痛大作夜不得寐醫處以五香連翹湯後再邀東垣診視云膏梁之變不當投五香連翹湯已無及矣且疽已八日當先以火攻之然後用藥以火艾炷如兩核許者攻之百壯始覺痛次為處方云是足太陽膀胱之經其病逆當反治脉中得弦緊按之洪大而數又且有力必當伏其所主而先其所因其始則同其終則異必先歲氣無伐天和以時令言之可收不可汗經與病俱禁下法當結者散之鹹以奠之然寒受邪而禁鹹遂制黃連消毒飲治

之

黃連五分 黃芩五分 黃栢五分 人參五分

知母四分 羌活一分 獨活五分

防風五分 藁本五分 連翹一分 獨活五分

黃芪錢一 甘草五分 連翹一分 獨活五分

當歸錢一 生地錢一 酒洗此以苦 獨活五分

陳皮五分 澤瀉七分 甘草稍 防已五分

焦元氣 歸稍 蘇木五分 桔梗錢一

熱留 歸稍 蘇木五分 桔梗錢一

下沉 歸稍 蘇木五分 桔梗錢一

所用之藥用酒洗併入酒煎者用酒熱為因為使

右俱作一服水三盞煎至半乾去查入酒少許再煎食

後溫服投劑之後大暍日出乃寤瘡腫減七分精神旺

飲啖漸進灸瘕漸膿出而痊服藥後不得飲水必再作膿効遲初患三日者服之立効凡瘡皆陰中之陽陽中之陰二証而已東垣治疽陽藥七分陰藥三分名曰丹陽益胃散老人宜之亦名復煎散或加沒藥乳香各一錢

右東垣論膏梁肉食之變治宜苦寒不宜芳香者如鮮裏條撮要內消升麻湯孫真人單煮大黃湯皆為富貴食肉之輩設也

升嘗治一婦人年將七十形實性急而好酒腦生疽十五日脈弦緊急且瀉予急用大黃酒煨細切酒拌炒為末又酒拌炒人參入姜煎調一錢重又兩時再與得睡而上半身汗睡覺病已此亦內托之意也
仲排膿散方

枳實十六枚

芍藥六分

桔梗二分

右三味杵為散取鷄子黃一枚以藥散與鷄子黃相尋揉和煎如薄粥溫服一升即瘥

升朱紹八官右脚腫生附骨癰吃草藥酒多生隔痰熱壅無力

人參

黃連

茯苓錢一

瓜蒌子四十八粒

分二貼入竹瀝熱飲

保諸瘡腫已破未破焮腫者當歸散主之

川芎

黃芪

括萎

木香

黃連各等分

右為粗末水煎一兩服如痛而大便秘加大黃三錢
瘡凡癰疽外冷內疼者由陰氣外逼皮膚用熱物熨之大小熱亦不覺者須用熱物前後熨令透隨手便用緊急潰膿

外冷內疼者宜熱藥敷

毒藥使膿外出盡腫平即用生肉煖瘡和正氣藥令進飲食不倦

治癰疽發背初腫時方

風化石灰二兩細辛一兩

右為粗末用熱醋傅患處乾再傅三上其腫即消

四虎散治發背初生筋脉緊急不舒

附子生去皮一兩 天南星泡 半夏湯洗七次 狼毒各半兩

右四味為末熱酒調成膏攤上腫處以熟絹壓定覺患處如火燒不妨

凡癰疽外熱內疼者是有客邪內有積毒欲作膿透之候

外熱內疼者宜涼藥敷貼

治背瘡初發時小後五七日赤腫高即罨藥令內毒散滅疼免牽引乳香膏

乳香一兩 青薄荷葉四兩洗乾

右研勻厚罨患處以青絹蓋之如乾以新汲水潤之常令濕其熱毒自然消散如熱毒攻結可用氣毒攻結不可用

貼癰毒令內消金黃散

白芷 白芨 白欬

右等分為細末用新汲水調傅

治陽症腫毒并金瘡

大粉草剉細用竹一段刮去青兩頭留節開一小竅入草在內滿後却用油灰塞竅從冬至日放糞缸內待立春日先一日取起豎在有風無日陰處二十一日驗兩竅好却破竹取草為細末用水調傅

圍藥 南星 草烏 黃柏

白芨各二兩 五倍子一兩炒

右為末調如糊隨血圍匝如墻壁可移險處於不險處如神

傳藥白欵 白芷 南星 白芨

貝母各等分

右為末水調傳外用圍藥束定內用傳藥提起制之有理

藥性論甘蕉根搗傳一切癰腫上乾即更傳無不瘥者

治癰疽發背或發乳房初起微赤不急治之即死速消方搗芋根傳之數易效

諸瘡腫痛不可忍者以葵花根去黑皮搗爛若稠點井花水少許若不稠不須用水以紙攤如膏藥貼之立效

方用蜀葵付之亦妙

又方芙蓉葉搗爛菴之立效晒乾為末水調傳亦妙

發背蝸牛百箇活者置淨瓶內新汲水一盞浸瓶中封閉

自晚至曉其水如涎取小將真蛤粉不拘多少調之刷瘡上效

治背癰與癰久年烟壁土黃栢等分細末生姜汁捏成膏傳之夏以茅香湯下一二錢妙

治癰疽止痛拔毒七寶散乾荷葉心當中如錢片不計多少為粗末每用三匙水二盞慢火煎至一碗半放溫淋洗乾以太白膏傳之

太白膏寒水石飛用臘月猪脂調成膏隨瘡大小用薄紙攤貼之

欵瘡內消方黃明膠一兩水半升鎔消了入黃丹一兩再煮三五沸又放溫冷以鷄毛掃在瘡口上如未成即塗腫處自消

寒熱通用敷貼

外凡癰不問已潰未潰者以膠一片水浸令軟隨腫大小貼當頭上開一孔若已潰合膿者當被膠急發之膿皆出盡未有膿者腫當自消矣

海治發背秘法李北海云此方神受極奇秘以甘草三大兩生搗別篩末大麥麩九兩於一盤中相和攪令勻取上好酥少許別捻入藥令勻百沸水搜和如餅劑方員大于瘡一分熱傅腫上以油紙隔令通風冷則換之已成者膿水自出未成者腫便內消

隔皮取膿法治諸般腫毒

驢蹄

細切一兩

白鹽

半斤

右為末水調作餅一熾火炙黃出火毒研米醋調成膏

用白帛攤貼患處毒自毛竅而出其腫自退

保治瘡瘍焮腫木硬針頭散

右以蟾酥乳香各一錢同研勻細以兒乳汁和如泥入磁石盒收之乾不妨每用以唾調撥少許於腫處上以膏藥貼之毒氣自消雖然有瘡亦輕

濟萬應針頭丸治一切腦背疽惡毒大瘡欲死者一粒即愈

麝香

二錢如蠟者用散者不用非真

輕粉

蟾酥

二錢舌研砂錢

片腦

一錢對蜈蚣全用

右為極細末煉蜜和丸為劑如瘡有頭者用針頭挑破微有血出將藥一黍米大放挑開瘡內上用帛花周圍唾津濕貼瘡上不過時刻即愈如兩腋見無頭瘡即是暗疔即將兩手虎口內白土紋用針挑破如前法用藥封蓋忌鷄鷲酒濕麵一切發熱之物

一省椽背項常有瘰癧愈而復生戴人曰太陽血有

積熱

餘也先令涌泄之次於委中排針出紫血病更不復作也
予男衮常喜熱火烘灼其背及兩足又食自死肉久而兩
足常生癩毒愈而復生者半年餘予以清涼飲子下之得
紫黑血積於便中去者月餘其癩毒頓除是知積熱毒致
癰腫者如此

沉寒

李世英患疽數日後根脚開大或腹疼泄瀉手足常冷脈
沉微細或自汗出急用姜附之藥甚者於臍下關元着艾
三五百壯待手足溫泄瀉止飲食知味方可為喜

鬱氣

精憤鬱不遂志欲之人多犯此疾

無癰疽瘰癧不問虛實寒熱皆由氣鬱而成經云氣宿于
經絡與血俱滯而不行壅結為癰疽不言熱之所作而後
成癰者此乃因喜怒憂思有所鬱而成也

遠志酒治七情內鬱成癰疽方見虛

獨勝散治癰疽皆緣血滯氣凝而致者

香附子

去毛令淨以生姜汁
淹一宿焙乾研極細

右無時以白湯調二錢服之又云疽疾多因怒氣得之
若有此疾必多怒但服香附進食寬氣自有効

丹獨勝散治氣鬱血滯而諸瘡愈後常服半年尤妙此皆
施于躄實氣鬱之人予見吳兄厚味氣鬱而形實性重年
近六十患背疽醫與他藥皆不行惟香附末飲之甚快始
終只此一味腫潰恃此以安然此等體實而又病實乃瘡
千百而一見者也每思香附經不言有補惟不老湯一方
乃言於老人有益用片子姜黃香附子甘草三味而以不
老為名且引鍊菴先生與劉君為証夫豈無其故哉蓋于
行氣中有補之之理耳天之所以為天者健而有常也因
其不息所以生生無窮正如芫蔚子活血行氣有補陰之

妙故名益母胎前產後所恃者氣血耳胎前無滯產後無虛以其行中有補也夏枯草治瘰癧亦然

補遺謂婦人男子癰疽治法無異惟月閉血虛氣結三証有異耳愚謂婦人海滿則行月閉一証固異然婦人性情執着比之男子十倍雖有虛証宜補亦當以執着為慮向見樓氏婦早寡善飲啖形肥偉性沉毒年六十六七月間生背疽近正春醫遂橫直裂開取血雜以五香十宣散與酒飲之月餘未嘗議其寡居之鬱酒肉之毒執着之滯時令之熱卒至于平陷淹延兩三月而不救

藏府

六脈不和則留為癰全見五臟○此則膏榮所變之癰也

諸痛痒瘡瘍皆属于心全見診○河間云人近火氣微熱則痒甚則痛附近則灼而為瘡皆心火之用也或痒痛如針刺者猶飛迸火星灼之然也

石心火實則為熱癰心火虛則為寒癰

脈肺乘肝即為癰 腎移寒於肝癰腫少氣全見診病傳變下同

本治發背方草决明生用一升搗碎生甘草一兩亦碎水

三升煮取一升温分二服大抵血滯則生瘡肝為血之臟

而决明和肝氣不損元氣也本草云决明除肝熱

三陽為病發寒熱下為癰腫三陽小腸膀胱也下為癰腫使指膀胱為病又腦疽背癰

腎癰之類是也

運氣 運氣癰疽有四

一曰火熱助心為瘡瘍經云少陽所至為瘡疹又云少陰

司天熱氣下臨肺氣上從甚則瘡瘍又云少陰司天之政

初之氣寒乃始陽氣鬱炎暑將起中外瘡瘍又云少陽所

至為瘡瘍又云少陽司天之政風熱參布太陰橫流寒乃

時至民病寒中外發瘡瘍初之氣候乃大温其病膚腠中

瘡二之氣火反鬱其病熱鬱於上瘡發于中三之氣炎暑至民病膿瘡又云太陽司天之政初之氣氣乃大溫肌腠瘡瘍此皆常化病之淺也又云少陰司天熱淫所勝甚則瘡瘍又云少陰司天客勝甚則瘡瘍又云少陰之復病癩疹瘡瘍癰疽瘰疬又云火太過曰赫羲其病瘡瘍血流又云火鬱之發民病瘡瘍癰腫此是邪變病之甚也
二曰寒邪傷心為瘡瘍經云太陽司天之政三之氣寒氣行民病寒反熱中癰疽注下又云太陽司天寒淫所勝血變于中發為癰瘍病本于心又云陽明司天之政四之氣寒雨降民病癰腫瘡瘍是也
三曰燥邪傷肝為瘡瘍經云木不及曰委和上商與正商同其病支發癰腫瘡瘍邪傷肝也又云陽明司天燥淫所勝民病瘡瘰瘡瘰癰病本于肝是也

四曰濕邪瘡瘍經云太陰司天濕氣變物甚則身後癰又云太陰之勝火氣內鬱瘡瘍于中流散於外是也

經要第一論曰凡有此病未要辨問是癰是疽是虛是實是冷是熱首先便服內托散五香連翹湯宜泄毒氣又云內托散五香連翹湯沉麝湯等諸方不冷不熱不問老幼少壯陰陽虛實多服為妙夫癰疽瘡癤臟腑陰陽有淺深虛實冷熱用藥有補瀉溫涼老幼少壯其稟受厚薄形志苦樂隨年歲而增損奈何欲以不冷不熱四五方而通治之又多服為妙此不能無疑者也學者當審經絡察病機而處治豈可仗此為通治之法

東陽李兄年踰三十形瘦膚厚連得憂患又因作勞且過于色忽左腿外廉側上發一紅腫其大如栗一醫聞其大腑堅實與承氣湯二貼下之不効又一醫教與大黃硃

少陽攻裡之候

砂生粉草麒麟竭又二三貼半月後召予視之曰事去矣
又一李兄四十餘面稍白神甚勞忽脇下生一紅腫如桃
一人教用補劑衆笑且排於是以致氣飲十宣散雜進之
旬餘後召予視之予曰非惟不與補劑抑且多得解利氣
血俱憊難矣已而果然

此二者皆由不預防本經少陽少血遽猛浪用大黃攻
裏而死者者也

一男子年近六十形素肥初夏於左膊外廉側生一核方
圓二寸餘不甚痛召予治診其脈息緩大而弱予曰此因
憂悶而生當氣升散之時須急與人參膏五六斤又看作
何應病家召他外科以十宣散五六貼而瘡甚予曰此太
虛也勿以輕小視之病家不信一外科仍以十宣散進之
又五六貼瘡平陷出清水而死此可爲因虛而生癰疽者

少陽攻
表之候

之例 胡經歷女及笄性急而形實未許嫁厚味積毒已
深髀骨中痛者年餘醫以氣藥雜治之愈而復發至秋冬
令忽大痛發熱醫者方悟髀樞穴上生附骨疽在外廉側
少陽之分其厚味性急自若自首至尾悉是五香湯十宣
散服至瘡潰猶與五香湯者月餘忽一日惡寒發熱膈滿
醫者不悟升散太多陰血已絕孤陽狂越于上猶恨服五
香飲欠多致膈間有滯大服以進一夕喘汗而死
此二者由不預防本經少陽血少遽猛浪用十宣五香
表散而死者也可不戒哉

帝曰病之生時有喜怒不測飲食不節陰氣不足陽氣
有餘榮氣不行乃發爲癰疽陰陽不通兩熱相搏乃化爲
膿小鍼能取之乎岐伯曰聖人不能使化者爲之邪不可
留也故兩軍相當旗幟相望白刃陳于中野者此非一日

針灸

之謀也能使其民令行禁止士卒無白刃之難者非一日之教也須臾之得也夫至使身被癰疽之病膿血之聚者不亦離道遠乎夫癰疽之生膿血之成也不從天下不從地出積微之所生也故聖人自治于未有形也愚者遭其已成也黃帝曰其已形不予遭膿已成不予見為之奈何岐伯曰膿已成十死一生故聖人弗使已成而明為良方者之竹帛使能者踵而傳之後世無有終時者為其不予遭也黃帝曰其已有膿血而後遭乎不導之以小針治乎岐伯曰以小治小者功小以大治大者多害故其已成膿血者其惟砭石鉞鋒之所取也黃帝曰多害者其不可全乎岐伯曰其在逆順焉爾玉版篇曰逆順法見潰瘍疹條

無治初生癰疽發背神效灸法累試有驗江陵府紫極觀因掘得石碑載之凡人初覺發背欲結未結赤熱腫痛先

以濕紙覆其上立視候之其紙先乾處則是結癰頭也取大蒜切成片如當三錢厚安頭上用大艾炷灸之三壯即換一蒜片痛者灸至不痛時住不痛者灸至痛時方住最要早覺早灸為上如有頭似麻荳大者不用濕紙覆法只消頭上灸之若有十數頭作一處生者即用大蒜研成膏作薄餅鋪頭上聚艾于餅上燒之一二日十灸十活三四日六七活五六日三四活

海炎而不痛痛而後止其灸炎而不痛者先及其潰所以不痛而後及良肉所以痛也 炎而痛不痛而後止其灸炎而痛者先及其未潰所以痛而次及將潰所以不痛也 **精**痒者灸至不痒痛者灸至不痛大抵以百壯為準又云譬如諸盜入主人之家必開門逐之使出萬一門不開無從而出必傷主後已

本王遵發背方序云元佑三年夏四月官京師疽發於背

召國醫治之逾月勢益甚得徐州蕭縣人張生以艾火加
瘡上自旦及暮凡一百五十壯知痛乃已明日鑷去黑痂
膿盡潰肉理皆紅亦不復痛始別以膏藥貼之日一易焉
易時旋剪去黑爛月許瘡乃平是歲秋夏間京師士大夫
病疽者七人余獨生此雖司命自然固有料理不知其方
遂至不幸者以人意論之可為慨然於是撰次前從所得
方模板以施庶幾古人濟衆之意此即當頭隔蒜灸法但不用蒜耳
精史源母氏背髀間微痒視之有赤半寸許方有白粒如
粟黍乃急着艾灸其赤隨消二七壯而止信宿復覺微痛
視之有赤下流長二十濶如菲葉舉家皆以前灸為悔或
云等慈寺尼智全者前病瘡甚大得灸而愈奔問之全云
劇時昏不知但小師董言范八奉議守定灸八百餘壯方
甦約艾一節爾亟歸白之見從始以艾作炷如銀杏大灸

其上十數殊不覺痛乃截四旁赤引其炷減四之三皆覺
痛七壯後覺痒每一壯燼則赤隨縮入灸至二十餘壯赤
暈收退病者不憚遂以艾作團大灸其上漸加至鷄黃大
約四十圍方覺痛視火焦處已寸餘蓋灸之遲而初發處
肉已壞壞肉成隔直至好肉方痛四旁知痛肉未壞也病
者六夜不寐至是食粥安寢至晚視之瘡如覆一甌突高
三四寸上有百數小竅色正黑突然高者毒氣出外而聚
也百數小竅者毒未聚而浮攻肌膚也色正黑者皮與肉
俱壞也非灸火出其毒於壞肉之裡則五臟逼矣
桑君當癰疽頭針而瀉之須避筋骨
疔地之濕氣自外而入者瘡瘍當先服藥而後用針針時
先用溫衣履蓋不令凝泣壅滯使血脈得溫少行則血出
立已若不如此血脈凝滯便針邪毒不瀉反傷良肉益其

瘡勢也嬰兒瘡亦然

精騎竹馬灸法先令病人以肘凭几豎臂腕要直用篾一條自臂腕中曲處橫紋男左女右貼肉量起直至中指尖盡處截斷為則不量指甲却用竹扛一條令病人脫衣騎定令身正直前後用兩人扛起令脚不着地又令二人扶定勿令僵仆却將前所量臂腕篾從竹扛坐處尾骹骨盡處直向上貼脊背量至篾盡處為則用墨點定此只是取中非灸穴也却用薄蔑作則子量病人中指節相去兩橫紋為則男左女右截為一則就前所點處兩邊各量一則盡處即是灸穴兩穴各灸五壯或七壯止不可多灸不問癰疽生何處並用此法灸之無不愈者蓋此二穴心脉所通處此癰疽皆心火留滯而生灸則心火流通即是安愈可以起死救危有非常之効累試累驗

詳臂腕中曲處橫紋即曲澤穴間橫紋非掌後腕之橫紋也

凡癰疽之發或因內有積熱或因外寒鬱內熱若於生發之際灸以散其毒治之于早可以移深為淺改重為輕諸項灸法皆好惟騎竹馬灸法尤為切要此消患於未形之策

凡瘡可灸刺者須分經絡部位血分多少腧穴遠近若從背而出者當從太陽五穴隨証選用或刺或灸泄其邪氣

凡太陽多血少氣

至陰 通谷 束骨 崑崙 委中

從鬚而出者多從少陽五穴選用 少陽少血多氣

竅陰 夾溪 臨泣 陽輔 陽陵泉

從髑而出者多從陽明五穴選用 陽明多血少氣

厲兌 內庭 陷谷 衝陽 解溪

從腦而出初覺腦痛難忍欲生瘡也腦者髓之海當灸刺絕骨以泄邪氣髓者舍也故脈浮者從太陽經依前選用脈長者從陽明經依前選用脈弦者從少陽經依前選用論曰諸經各有井榮輸經合井主心下滿及瘡色青榮主身熱及瘡色赤俞主軀重節痛及瘡色黃經主咳嗽寒熱及瘡色白合主氣逆而泄及瘡色黑各隨經病而見此証者或宜灸或宜針以泄邪氣經云邪氣內搖則壅熱宜砭射之也

右保命集分經灸刺乃大綱耳令更取靈樞經脈篇及銅人等書毫分縷析出各經分野在針門十二經條列為之圖目之曰經絡分野圖使人視之心目瞭然目無

全牛矣夫癰疽初發必先當頭灸之以開其戶次看所發分野屬何經脈經脈既定却內用所屬經脈之藥引經以發其表外用所屬經脈之俞穴針灸以泄其邪內外交治邪無容也針灸癰疽者更於針灸門十二經脈分野圖求之

甲 癰疽竅陰主之 頭項癰腫不能言天窓主之

乙 邪氣不傷於腸胃大便如常慎不可下切禁之

非秘結
積執者
忌大黃

丙 精要云大黃治癰疽之要藥以其宜熱拔毒又云瘡始

作皆須以大黃等湯極轉利之且排日不廢繼又自言患癰疽者每有泄瀉皆是惡候此是不能無疑者也借曰前用大黃恐因病躡實而大腑秘結有積熱沉痼之積者發也止可破結導滯推令轉動而已豈可謂極轉利之而且排日不廢乎若下利之後又與利藥恐非防微杜漸之意

瘡之始作即周禮腫瘍之時也腫在肌肉若非大滿大實
堅之証自當行仲景發表之法借五香湯為例散之於外
何必遽以峻下之藥以奪其裏自取其禍乎

精要云大凡癰疽不可舍五香湯此又不能無言者也開
卷便於第一論中詳言之吾不知良甫之時有許多大腑
堅秘病氣鬱塞若是之頑厚可以驟散而大下者若果有
之亦當開陳時之先後証之可否庶乎後人不敢孟浪殺
人也或曰癰疽用大黃走泄以去毒自孫真人行千金方
已言之矣良甫祖述其說何吾子病之深也曰大黃除諸
實熱而性峻急孫以盛行奇術於公卿間時在晚宋民不
知兵交游於富貴之家肉食之輩固皆捷効今良甫不分
貧富苦樂勞逸一槩用之寧無孟浪之患乎况有房勞而
虛者憂怒而虛者極意貪求而虛者強力動勞而虛者大

醉過飽而虛者皆因氣弱而滿血少而濁生疽固是難治
之病若大腑秘而稍安穀食肯守戒律甘心淡味者雖
可治但費補工夫耳苟因旬日半月大便秘實不知其氣
不降也便以為實而行大黃些少寒熱不知其血氣不和
也便以為有外感而行表散如此害人甚速

瘡瘍及諸病面赤雖伏火熱禁不得攻裏為陽氣佛鬱
邪氣在經宜發表以去之故曰火鬱則發之雖大便數日
不見宜多攻其表以發散陽氣少加潤燥藥以潤之如見
風脈風証只用發表風藥便可以通利大便若只乾燥秘
瀉尤宜潤之慎不可下也九竅不利皆不可下瘡瘍鬱冒
俗呼昏迷是也慎不可下汗之則愈

十宣忌排膿內補十宣散若用之干些少癰疽與冬月儘可助
施於夏
月此潰
內托之功若干冬月腫瘍用之亦可轉重就輕移深為淺

若潰瘍與夏月用之其桂朴之溫散佐以防風白芷吾恐
雖有參芪難為倚仗比見世人用此方者不分癰疽冬夏
無經絡無先後如盲人騎瞎馬半夜臨深池危哉 又云
內補十宣散瀉衛燥血藥太多止可用于輕小証候虛之
甚者恐難倚仗

內托忌
施於年
老與體
虛

精要云內托散一日至三日之內進十數服治毒氣攻衝
臟腑名護心散此方專為服丹石而發疽者若不因丹石
而發恐非必用之劑若夫年老者病深者証慙者躰重者
草豈雖補將有不勝重任之患矣

忌奪汗

瘡家雖不疼痛不可發汗汗之則痊發汗為大汗出非
謂諸汗裏之藥輕

熱內醫
忌冷藥
散也

李世英疽不熱不痛屬陰切不可用冷藥敷貼恐逼毒氣
入內

丹夫外施敷貼正與發表之意同經曰發表不遠熱大凡
氣得熱則散冷則斂向見鄭經歷性嗜酒與煎燻年五十
餘忽春末夏初在額絲竹空穴湧出一角長短大小如鷄
距稍堅求予治予曰此非膏梁所致而何宜斷厚味先解
食毒針灸以開泄壅滯未易治也此少陽經所過氣多血
少者鄭以憚煩召他醫以大黃朴硝腦子等冷藥罨之一
夕豁開如醬蚶徑三寸一二日後血自蚶中濺出高數尺
而死此冷藥外逼熱鬱不得發宜其發之暴如此也

忌奪血

蟻針法謂開門放毒以為要捷恐可施於輕小証候耳愚
謂蟻之所吮止膚間惡血若積毒于臟腑者徒竭之於外
而不及于裏恐未為得往見張兄之子甫二歲遍身赤癩
如霞片予向見其母久病店謂毒熱在血所成者張曰誰
不因母血所成何謂毒熱之血予曰其母雖店食肉如平

時肉性熱與宿痰之熱相搏非毒歟張不之信自取五六
大蜚咬其血癰頓消乳食起居如舊予曰非其治也未可
以為喜張怒越二三日大發熱而暴死非竭之於外血去
而氣不能獨居乎

治口乾
法

灸法

精要云口乾與口渴不同不宜用丹藥鎮墜用之其禍如
反掌用桑枝煎五味湯以救陰水甚妙方也而不言食味
起火怒氣生火房勞激火吾恐渴未易除也
精要謂頭上有發毒者不得灸恐因火氣拔起熱毒灸上
動病邪而添病愚謂此言過矣火本以暢達拔引鬱毒此
從治之意也頭為諸陽所聚之處艾炷宜小壯數宜少小
者如椒粒少者三五炷而已若孟浪如墮背脊上引痛灸至
不痛不痛灸至痛為例斯為誤矣

按東垣灸元好問腦疽以大艾炷如兩核許者至百壯

始覺痛而痊由是推之則頭上發毒灸之痛者艾炷宜
小壯數宜少如不痛者艾炷大壯數多亦無妨也又引
陳日華之說謂於始發時用針灸十死八九此未之思
也切詳因灸而死者必其血虛孤陰將絕無以承當火
氣脈必浮數而大鼓與精神必短而昏豈可泛言始發
不可灸以誤人

瘡疽已覺微漫腫硬皮不變色脈沉不痛者當外灸之
引邪氣出而方止經曰陷者灸之如外微覺木硬而不痛
者當急灸之是邪氣深陷也淺者不可灸慎之如有膿水
亦不可灸當刺之

按刺之膿出不腫痛者邪已去矣不宜灸若刺之膿出
而痛腫不止者亦當于腫上灸之無妨又毒雖淺却有
十數頭腫痛者亦灸之無妨

春夏宜
急生肌

秋冬宜
調胃氣

疽一有癰疽瘡癤須順時節春夏為正易為整理緣天氣
溫和肌肉緩慢而煖故易治其有肉冷是患人氣虛所致
但以溫藥調順氣血外即用溫煖潰膿膏藥貼之令穴候
穴抽膿盡急用生肌長肉藥滿瘡口不宜緩慢恐至秋冬
成漏瘡也或在秋冬發者乃春夏內先有發蒸熱毒遇一
陰生後再有伏毒至秋冬間又因食毒物酒麪房慾之事
忽發初覺微小數日之間腫大疼不可忍初得大便五七
日不通小便淋瀝者是其候也先調脾臟氣令實次服發
穴排膿消毒去積之藥內托溫平不得用太熱澁之藥緣
脾中臟要和煖如用熱藥恐氣滯而不流暢致榮衛不調
也貼即用溫涼藥不得用冷藥恐逼入毒氣須引膿外透
方漸安矣

疔諸浮數脈應當發熱而反灑浙惡寒若有痛處當發其

診

癰

精陰滯于陽則發癰陽滯于陰則發疽而此二毒發無定
處當以脈別之浮洪滑數為陽微沉緩澁為陰陰則熱治
陽則冷治

右陽脈當以癰法治之陰脈當以疽法治之不必拘於
熱治冷治也

疽身重脈緩濕勝者除濕 身熱脈大心躁時腫乍來乍
去者清熱 諸痛眩暈動搖脈弦者去風 氣澁氣滯乾
燥亡津液脈澁者瀉氣補血 寒勝則脈浮食不入便溺
多惡寒脈緊者宜瀉寒水 腎脈澁甚為大癰全文見虛實法

診發背

疔夫人生最可憂者發背也其種有五
一曰陽毒因風熱而有或患熱毒消渴或先患傷寒餘有
陽毒觸處畜積起于背脊鬻之間不問椎效但從兩夾脊

起止腰上滿背焮熱如炊之狀赤紫或紅如爛膿毒難成
成後不止止後痛不除驀忽數日之間復平如舊將謂腫
消此是內攻肉陷不可療矣

二曰陰毒發背是氣冷而作初如黍米粒起情緒不快悒
悒而痛直應前心心忪怔頭目昏重寒熱如瘧五七日後
始發引攻腫開闊難收內積有膿深沉遲緩未透宜急以
補氣湯藥內托外以抽膿藥貼之宜急見膿無膿即平愈
末期

三曰有人多服金石燒煉之藥毒惡流滯成發背者初起
如丹疹之狀熱熱漸開如湯火瘡面色如朱心膈煩躁多
渴嗜冷其瘡難起起即驚人猶勝于陰陽二毒者緣此有
解金石藥毒湯散治其內也賴有根底分明亦須急療方
安

四曰人有患酒食毒發背者此疾非近得之乃臟腑久積
乘飢乘困食之便睡或多食酒肉冷熱粘滑肥鮮熾膩未
下胸膈房室不禁恣意當風取快脾臟氣虛不能受乘發
毒攻背兩夾脊不問椎數初起癰頭如小彈子後大如拳
堅如石痛遍四肢加之拘急口苦舌乾腹急大小便澀十
數日後頭面手足虛腫及臟腑通泄如利內急痛者是其
症也喜方腫引急用收腫發穴潰膿湯藥內實外泄膿水
不可放縱遲緩則皮肉腐壞傷骨爛筋漸成膿多因而感
邪內敗者死矣

五曰人有冒山嵐瘴氣發背毒氣先在臟腑年月浸遠氣
血虛損衰弱初起腫色青黑如靴皮頑痺痛深附筋骨徹
髓按之如木石引手加深方覺似有痛處至五七日毒氣
浮淺腫高色變青白有如拳打之狀寒戰似瘧及有風候

頭動口偏手足厥逆眼黑睛小白多而慢此內有邪氣相搏急破出清血三五升方有黃膿白汁相和發泄其皮不寬不慢亦急脹痛亦不住直至色退熱疼方愈亦宜急急追趕膿與毒氣外出無害

早治慎重者生

初患腫三日內灸者生 八日內膿成針烙導引者生

未瘥慎勞力者生 慎忌食者生 慎喜怒者生 懼腫

猛療者生 急療者生 不謹發背者生

遲療縱恣者死

待膿自出不導引者死 未內攻而針烙用藥導引者生

內攻後導引針烙者死 瘡爛熱痛方盛已前療者生如

過此後已內攻者死 膿成後不導引但傳藥者死

如赤白痢氣急者是已內攻醫療無益必死 癰不救

十得五生疽不療十全死 輕腫怕痛者必死 不遇良

方者死 節候不依法者必死 愚執恣意用性逸情者

死

可治証

有發背癰有發背疽如毒氣勇猛而發如火焚茅易于敗

壞初發即可如黍米粒大三兩日漸赤引腫如手掌面大

五七日如碗面大即易為攻焮熱赤引如火燒之狀浮面

漸潰爛開內發腫如炊之狀外爛皮肉如削去紫瘀膿

汁多而腫不退疼亦不止發渴發逆飲食不下嘔吐氣急

浮淺開闊者尤宜發膿托毒湯藥用之必愈陽証實也

不治証

其間有只如蓋面大者此非不大緣為毒氣深沉內虛毒

氣近膜也此必內攻近入臟腑却外入四肢先攻頭面虛

浮後攻手面次攻兩足面腫名曰毒氣散入四肢其人聲

嘶氣脫眼睛黑小十指腫黑乾焦不治陰証虛也

陰陽

精丸癰疽初發腫硬高者而毒氣却淺此乃六腑不和為

癰其証屬陽勢雖急而易治若初發如粟粒甚則如荳許

內外

雜方

與肉俱平或作赤色時覺痒痛痒時慎勿抓破此乃五臟不調為疽其証屬陰蓋毒氣內畜已深勢雖緩而難治始發一粒如麻荳大身熱便發熱生疽處腫大熱痛此為發於外雖大如盆治之百可百活陽症實也

或身熱不熱自覺倦急生疽處亦不熱數日後漸大不腫不痛低陷而壞爛此為發於內雖神仙無加之何陰症虛也

保木香散治小兒班後生癰如神出小兒門

地骨皮兩 木香兩 川山甲錢五分

麝香字一

右末米飲下三錢

潰瘍

癰疽已潰膿出者也

仲諸癰疽欲知有膿無膿以手掩腫上熱者為有膿不熱者為無膿

膿成宜急破之

者為無膿

凡癰疽按之牢韌未有膿也按之半軟半韌已有膿也

宜急破之

韌未詳何切半軟謂中央膿熟處半韌謂四旁無膿腫肉也

凡瘡腫以手指從瘡旁按至四畔上赤黑者按之色不變膿已結成又按之隨手赤色此亦有膿按之白良久方赤遊毒已息可就赤白色盡處灸斷瘡肉平實久而方消夫癰則皮薄腫高疽則皮厚腫堅初發並宜灼艾惟癰膿成則宜針疽膿成則宜烙 切宜孰視詳審候其潰熟膿透於外其勢盈盈欲出只用替針丸自瘡頭咬開不半日許其膿自出切不用針刀也

皮膚薄者用替針丸

替針丸治癰疽已潰未破或破後膿出不快者

白丁香字一 硼砂已上 沒藥字一 乳香字一

石灰餅藥內種糯米十四粒其法用石灰五升爐灰三

升以水五升淋取清汁入大鍋內熬濃汁至三五升用瓦器盛貯臨用時以小青盞盛取半盞濃汁却用皮紙貼盞中濃汁面上安定然後取糯米十四粒種在皮紙面上一宿即是

右為細末糯米飯丸如麥粒大每用一粒未破用津貼瘡頭薄處即破膿滯不快則用一粒納瘡口內使膿不滯好肉易生

無替針丸

雄雀糞升 硃砂 陳倉米 沒藥各一

右研勻以米飯丸如粟大每用一粒貼瘡口眼中即潰膿出

梅治諸癰不消已成膿懼針不得破令速決取雄雀糞塗頭上乾即易之雀糞中堅者為雄

本治癰疽已有瘡眼未出膿痛不可忍用此藥紙即膿出巴荳一個去皮膜不去心油鹽鼓十四個口中含去皮令軟同研爛真射少許如難丸入少稀糊捏作餅子如鼠糞大大小臨時看瘡口維之只以紙撚子送入藥須臾必痛忍之良久膿遂出

出一切瘡口出蛾壘殼燒存性無灰酒調下每服一枚服下一個時辰便有瘡口一個若服兩枚出瘡口兩枚

鍼針以取膿

端癰成膿宜針其鉄用馬銜鉄為之形如菲葉兩面皆利可以橫直裂開五六分許取其毒血如覺病輕須先灸而後裂

按癰如椒眼數十粒或如蜂窠蓮房而膿出痛不除宜用針者以針橫直裂之則毒血挾膿出而愈如無椒眼之類只消直入取膿不必裂之也又法當椒眼上各各

灸之亦佳不必裂也

鉞針者未如劔鋒以取大膿全文見針灸門

夫癰氣之息者宜以針開除去之病發篇王註云息癰也死肉也○今世用

刀割去死肉者是也治腐腫者刺腐上視癰小大深淺刺刺大者

多血小者深之必端內針為故正長刺節論○大者多血小者深之八字衍文也

大小深淺刺七字取膿之法及矣備矣

皮厚毒深宜烙

疔成膿宜烙可用銀篦大二分長六寸火上燒令赤急

手熨烙毒上得膿為効

凡癰覺在虛處及眼不見處皆是惡症如發高腫紫赤

皮薄光澤覺裏有膿毒諸藥貼熨不破者宜用熟銅鍼於

油火上燎透先用墨筆點定却當頭以針淺刺入隨針出

膿者順也有不隨針膿出當用白紙作絛絛入針孔引出

膿毒當時腫退可及三分如腫不退是一逆也腫不退疼

不除但膿出二逆也膿疼不退患人不覺瘡輕三逆也此

用針破出膿亦無所濟須急用引膿托裏湯藥以助其勢

力可也更有癰生實處不問淺深如有膿即即針烙無害

稍遲緩即恐傷筋骨內疼凡近筋脈骨節處不得亂行針

烙反致他病也 患疽初生赤硬或在虛處毒氣淺或在

實處毒氣深切須仔細辨認仍問患人疼痛覺深覺淺其

患處瘡頭不拘多少其間須有一個最大者即是大膿竅

當用熟鉄大針頭如釵脚者於麻油燈上燒令熱透以大

頭處按定插入一寸或至二寸膿當下恐未有膿毒出却

用白紙作絛子絛入直候次日取出其膿即隨絛下矣膿

色黃白即好若赤黑色防後有鮮血出即患人寒戰不禁

其有虛處不得亂行針烙 凡患發背覺似有膿成便用

大熟鉄針烙當正頭上烙之其烙並用麻油燈上燒令通

紅烙入可二寸許初入肉即須橫插入不得正入恐烙透膜也如已有破處皮爛潰熟更不得用針烙如是橫長赤引開闊當須兩頭下火針令膿毒隨針引出肥人膿汁多瘦人膿汁少如肥人却少瘦人却多多是肉敗壞成膿少是肉不腐爛受氣實也尤宜詳審不可造次便行針烙亦看患人氣脈勻和榮衛氣不節滯血脈不致凝澀即行針烙無畏切須仔細患人氣虛脈氣大者亦不可亂行針烙針烙之法不可容易先看皮紋緊慢厚薄紫赤色大光澤者即可用針烙如皮肉未變不可用針針亦無濟大抵用針只欲引膿如針刺無膿是氣伏也不可用針烙

或問烙法如何曰膿或汪洋欲出奈何皮厚肉深難穴者既前無內托之藥先致力于內後又不用烙以開竅脈膿何由出 膿本肉腐所成皆挾毒熱之氣若又留肉腠間則毒氣浸淫好肉亦化為膿腐此所以烙法有功于潰瘍也彼根淺而皮薄者何必假此以賣弄假法恐嚇而脇取利也

身形血忌忌開膿

帝曰願聞身形應九野奈何岐伯曰請言身形之應九野左足應立春其日戊寅巳丑 左脇應春分其日乙卯

左手應立夏其日戊辰巳巳 膺喉首頭應夏至其日

丙午 右手應立秋其日戊申巳未 右脇應秋分其日

辛酉 右足應立冬其日戊戌巳亥 腰尻下竅應冬至

其日壬子

六腑膈下五臟應中州其大禁太乙所在之日及諸戊巳凡此九者善候八正所在之處所主左右上下身軀有癰腫者欲治之無以其所直之日潰治之是謂天忌日也

身形應九野圖

右應立秋戊申右應秋分辛右應立冬戊戌

手巳未忌開膿脇酉忌開膿足巳亥忌開膿

膺應夏至六應中州太腰應冬至

喉應夏至六應中州太腰應冬至

左應立夏戊辰左應春分乙左應立春戊寅

手巳巳忌開膿脇卯忌開膿足巳丑忌開膿

行年血忌忌患癰疽

十歲二十二歲三十三歲七十三歲巳上四人百神在上部不可患癰疽發背見血者死申子辰年血忌餘年不妨男女同

二十五歲三十一歲六十八歲七十四歲以上四人百神在額不可患瘡腫見血者死

十八歲二十四歲三十五歲四十五歲五十六歲六十七歲七十二歲八十九歲以上八人百神在兩腋不宜患癰疽瘡腫見血者死

十二歲二十七歲三十六歲五十九歲六十六歲九十七歲以上六人百神在中部不可患癰疽發背見血者死巳酉丑年血忌餘年不妨男女同

三十二歲四十二歲五十五歲六十一歲以上四人百神在肩背不可患癰疽見血者死

在肩背不可患癰疽見血者死

十九歲二十六歲四十九歲五十六歲五十七歲六十二歲八十歲九十一歲以上八人百神在肝肺命不宜患癰腫見血者死

十一歲二十三歲二十四歲五十八歲九十六歲以上五人百神在脇肋不可患癰疽見血者死

十四歲二十九歲三十九歲四十六歲五十二歲六十歲六十九歲七十六歲八十一歲八十八歲九十五歲以上

十六人百神在下部不可患瘡漏疾見血者死下部尤忌見勞瘵人不宜下部出膿難瘥

十一歲十五歲二十七歲六十三歲七十五歲以上五人百神在尻尾間不可患癰疽見血者死

十三歲二十八歲五十二歲七十二歲九十三歲以上五人百神在足下不可患癰疽見血者死

虛實寒熱宜忌

二十一歲三十八歲四十一歲五十歲以上四人百神在遍身不可患瘡腫見血者不治

凡發背及癰疽者在背上不問大小有疼無疼或熱或不熱或冷或不冷但從小至大腫起至一尺已上者其赤腫

焮熱者即用緊急收赤腫藥圍定不令引開中心即用抽膿聚毒散貼之急令散毒外透內服排膿縮毒內托湯藥

候膿成相次破穴看瘡大小深淺內發其膿汁膿水大泄急須托裡內補雖破穴膿汁不多再須排膿拔毒透後慎

不令再腫須疼止腫消患人自覺輕便即是順疾也最宜節慎飲食其熱毒方盛或發大渴多飲冷水及冷漿之類

此是毒氣攻心令口乾煩渴但以心氣藥內補臟腑即止矣內補謂參芪之屬排膿謂皂角刺之屬

精要云凡疽疾勿食羊鷄牛鵞魚麪煎燂炙炒法酒等

味犯之必發熱只有梔子黃芩湯用之取効夫梔子黃芩湯參
犀角輔佐人參固可解食毒之熱若寒月與虛人寧無加
減乎內經謂膏粱之變足生大疔此原癰疽之因也禁戒
厚味蓋以厚味能引起宿火之熱此誠富貴參養口腹者
所宜謹守若素貧者大不然矣予治章兄背疽徑尺家貧
待死而已視瘡穴黑深似有近內之意急作參芪歸朮膏
飲三日略以艾芳湯洗氣息奄奄不可支持幸其身不發
熱而可進飲食每日作餛飩大碗與之盡藥膏五斤餛飩
多肉者三十碗瘡口漸合以其因肉與餛飩助氣之有益
也

捨時從
証六脈沉
數有力
宜雖隆冬
下

羅凡治病必察其下 予從軍戊午年冬于武城縣有賈

三日醫曰不開恐變証生矣遂以燔針開之膿泄痛減以
開遲之故迨二日變証果生覺重如負石熱如熯火痛楚
倍常六脈沉數按之有力此膏祭積熱之變也邪氣酷熱
故宜寒藥治之時月嚴凝復有用寒遠寒之或乃思內經
曰有假者反之雖違其時以從其証可也與瘍醫議急作
清涼飲子加黃連一兩五錢與之利下兩行痛減七分翌
日復用前藥其証悉除月餘平復 陳錄判母年七十餘
歲忽冬至後腦出疽形如甌面大命瘍醫診視俟瘡熟以
針出膿因怒答侍妾瘡即內陷凹一菲菜許面色青黃不
澤四肢逆冷汗出身清時復嘔吐脈極沉細而遲蓋緣衰
老之年嚴寒之時病中苦楚飲食淡薄已滌肥膿之氣獨
存憔悴之形加之暴怒精神愈損故有此寒變也病與時
同與瘍醫議遂制五香湯一劑加丁香附子各五錢劑盡

脈微泄
瀉時脂
者難盛
夏宜溫

瘡復大發隨証調治而愈內經曰凡治病必察其下謂察時下之宜也諸痛痒癢瘡皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣 至元壬午五月二十八日王伯祿年五十有七右臂膊腫盛上至肩下至手指色變皮膚涼六脈沉細而微脈證俱寒予舉瘍醫孫彥和視之曰此附骨癰開發已遲以燔針烙之膿清稀解次日肘下再開之加吃逆不絕彥和以丁香柿蒂散兩服稍緩次日吃逆尤甚自利臍腹冷痛腹滿飲食減少時發昏憤於左乳下黑盡處灸二七壯又處托裏溫中湯用乾姜附子木香沉香茴香羌活等分咬咀一兩半欲與服或者曰諸痛痒瘡瘍皆屬心火又當盛暑之時乾姜附子可乎予應之曰理所當然

不得不然內經曰脈細皮寒瀉利前後飲食不進此謂五虛况吃逆者胃中虛寒極也諸痛痒瘡瘍皆屬心火是言其定理也此証內外相反須當捨時從証非大方辛熱之劑急治之則不能愈矣遂投之諸症悉去飲食倍進瘡勢溫膿色正彥和又與五香散數服月餘平復噫守常者衆人之見知變者智者之事知常而不知變因而取敗者亦多矣况醫乎哉守常知變豈可同日而語

托裏溫中湯治瘡瘍為寒變而內陷者膿出清鮮皮膚涼心下痞滿腸鳴切痛大便微溏食則嘔逆氣短促吃逆不絕不得安臥時發昏憤

羌活

乾姜炮各三錢

黑附子四錢炮去皮臍

益智仁錢一

茴香

甘草炙

丁香

沉香各一錢

木香半錢

陳皮錢一

按經曰寒淫于內治以辛熱佐以苦溫附子乾姜大辛熱溫中外發陽氣自裡之表以為君羌活味苦辛溫透關節炙甘草甘溫補脾胃行經絡通血脈胃寒則嘔吐吃逆不下食益智仁沉香丁香大辛熱以散寒邪為佐瘡氣內攻氣聚而為滿木香茴香陳皮苦辛溫治痞散滿為使也

右咬咀都作一服水三盞生姜五片煎至一盞去渣溫服無時忌一切冷物

脾虛嘔逆不宜內托十宜
一老人年七十患背疽徑尺餘已雜與五香十宣數十貼膿血腥穢嘔逆不食者旬餘病人自去吃內托散隔申不安且素有淋病三十年今所苦者淋之痛與嘔吐不得睡而已急以參芪歸朮煮膏以牛膝湯入竹瀝飲之三日後盡藥一斤半淋止思食七日後盡藥一斤膿自湧出而

得睡又蕪旬而安 一男子年六十餘性好酒肉背疽見膿嘔逆發熱蓋其得內托十宣多矣醫以嘔逆於嘉禾散中加丁香以溫胃行氣時七月大熱脈洪數有力予因謂此脈症在潰瘍尤為忌然形氣實只與人參膏和竹瀝飲之盡藥十五斤竹百餘竿而安予曰此病幸安也不薄味必再作仍厚味自若夏月醉後坐水池中又年餘左脇旁生一軟塊如餅二年後軟塊為疽本人見膿血淋漓而脈洪數有力又嘔逆食少遂自以人參膏入竹瀝飲之又百餘竿而安今八十歲強健如舊此病兩以老年血氣弱專服人參竹瀝而愈若與內托十宣散恐未能若是之安全也

膿潰之後腫退肌寬痛必漸減而反痛者此為虛也宜補之亦有穢氣所觸者宜和解之亦有風寒逼者宜溫散之

潰後反痛宜補宜溫宜和解之

補者歸芪之類和解毒者乳香芍藥之類溫散者防風桂枝之類

權小娘瘡後右腿股生癰破後筋吊疼脈虛而渣詢之小便時疼處亦相應宜與生血導熱

川芎

歸頭

條芩

生地

赤芍

牛膝

黃柏

甘草

青皮炒

檳榔分五

通草分三

桂皮錢一

右煎食前熱飲之

潰後忌五香飛散忌大黃下積

五香湯即五香連翹湯去射干大黃升麻連翹加參犀角若用于腫瘍猶可借其飛走以攻散其毒使不延蔓若用于潰瘍雖多有參芪甘草之緩補而走泄太多寧不犯仲景已有得汗復汗得下復下重虛之戒可不省乎

精要云血氣聞香則行聞臭則逆又言飲食調令香美益

其脾土養其真氣夫甘而淡者可養脾土若香美者但能起火經以熱傷脾熱傷氣為戒今日益脾養氣若施之于腫瘍者似有暢達之益潰瘍後用香美恐有發濕執損真陰之患矣

精要云熱盛脈數與漏蘆湯單煮大黃等湯不甚熱脈緩弱只投五香連翹湯夫熱盛脈數若腫瘍時臟腑秘而躰實者猶可與大黃若潰瘍後膿血出多者熱盛脈數去死為近其可下乎緩弱之脈古人皆以為邪毒已散五香之飛走升散其可用乎

膿出忌追毒丸

精要云初成膿宜用烙得膿利為効亦服神仙追毒丸此又不能無疑者也夫追毒丸下積取毒之藥決無取膿之効今用烙而得膿若在裏之氣血壯實則膿自出如推矣何不以和氣活血之藥佐參芪補劑使膿自托出乎

渴忌追毒丸

精要云瘡作渴甚急與神仙追毒丸取下惡毒與清臈湯萬金散五香連翹湯六味車螯散千金漏蘆湯皆可選用下利已後渴尚未止宜用生津補氣藥則津液生氣血完渴自止矣夫太渴而與利藥非明示脈証何以知其當下後又言下利後渴又不止却用補藥又不明言脈証恐是但有大渴必與峻下下後尚渴方與補藥夫醫者治未病如此用藥可乎况渴屬上焦當腫瘍時猶或可用若潰瘍時渴恐因血氣之虛何以待下利後方議其虛哉

潰後咽痛忌琥珀犀角膏

精要論疽疾咽喉口舌生瘡歸罪於不得內托以致熱毒衝心與琥珀犀角膏夫于腫瘍時用之猶或近理若於潰瘍後用之彼犀角腦子之升散寧不助病邪致虛以速其死也即後有犀角散以大黄佐黃芪用黃芪則知其虛用大黄又似疑其有實熱夫瘡潰軀虛縱有舊熱將自漸因

潰後寒熱忌正氣

膿血而消何必以峻冷利動臟腑若在秋冬何異用刀劍耶

穴未合慎風濕

精要論癰疽發寒熱多汗或先寒後熱或先熱後寒或連日作或間日作必先嘔痰然後寒熱寒熱解大汗出不可專以為有熱亦有氣虛而得者亦有因怒而得者又有先感寒邪脾氣不正而有此証者夫氣虛者當以補氣藥補之因怒者當以順氣藥和之脾氣不正者當以調脾藥養之今用不換金正氣散悉是溫散瀉衛之藥而欲以一兩人參收拾十四兩之瀉衛可乎若用于腫瘍時感寒邪者猶或庶幾彼氣虛者因怒者脾氣不正者此方能兼治乎又未知用于腫瘍耶潰瘍耶

瘡宜用此

穴有孔慎風仍慎再合如再合者為風濕邪氣攻搏而再生膿宜如前以通和湯藥依次第用不可急性恐傷氣

害人之命也

無瘡瘍未合風入為破傷風濕入為破傷濕二者害人最急倉卒不知其因甚難認治癰疽瘰癧潰後尤宜謹之

續後大補氣血

加味十全湯治癰疽愈後補氣血進飲食

黃芪蒸

地黃蒸

當歸

川芎

人參

茯苓

芍藥炒

白朮

陳皮各一兩

粉草炙

桂心

五味各五錢

烏藥七錢

右咬咀每服一兩用水一椀生姜五片東二枚同煎分作二服留查晒乾為末服之丹溪云加味十全湯須看年之老壯資之強弱証之緩急時之寒熱加減用之丹加味十全湯治癰疽後補氣血進飲食實為切要蓋膿血出多陰陽兩虛非此藥何以回生起死惜其不分經絡

運氣

不載時令又在識者觸類而長之今之外科於瘡瘍腫平痛寬遂以為安漫不加省往往于結痂後兩三日或半年虛証乃見醫者不察病者不悟無補接調養之功因而轉成他病者惜哉予治一士夫因脚弱求診兩手俱浮洪稍鼓飲食如常惟言問不答肌上起白屑如麩片時在冬月予作極虛處治詢其弟乃知半年前曾干背臂腿三處自夏至秋冬節次生疽率用五香連翹湯十宣散與之今結痂久矣予為作參芪白朮當歸膏以二陳湯化飲之三日後盡藥一斤白屑沒者大半病者自喜呼吸有力補藥應効以漸而病家反怨藥不速應自作風病論治煉青礞石二錢半以青州白朮作料煎飲子頓服之予諫止不聽因致不救書以為警云

運氣癰自潰者惟土不及歲有之經曰土不及曰卑監卑

雜方

監之紀其動瘍涌分潰癰腫蓋土不及則肉腐為癰腫故木化啓折乘之而膿涌分潰其癰腫也

東垣癰疽用藥加減法 如發背疔腫膿潰前後虛而頭痛者于托裏藥內加五味子 恍惚不寧加入參茯神

虛而發熱者加地黃瓜蒌根 潮熱者加柴胡地骨皮 渴不止者加知母赤小豈 虛煩者加枸杞天門冬 自

利者加厚朴 膿多者加當歸川芎 痛甚者加芍藥乳香 肌肉遲生者加白欽官桂 有風邪者加獨活防風

心驚悸者加丹砂 口目瞶動者加羌活細辛一嘔逆者加丁香藿葉 痰多者加半夏陳皮

圖藥

精麥飯石膏在膿潰後圍瘡口

麥飯石

火煨醋淬十次研數日

鹿角

煨爛

白欽

右用麥飯石末二兩白欽末二兩鹿角灰四兩要研極

洗藥

猪蹄湯治一切腫破消毒氣去惡肉凡瘡有口便用此湯

白芷

生甘草

羌活

露蜂房

黃芩

赤芍藥

川歸

右為粗末看疽大小用藥如疽大猥猪蹄兩隻只用白水三升煮軟將汁分為兩次澄去面上油併下面查却

老不用

醋拂濕其藥初便一日洗換藥十日後兩日一換肉冷惡寒

將藥末投其中再煎十數沸去查以故帛蘸藥湯温洗
薄楷惡血惡肉隨洗而下洗訖仍避風忌人口氣吹之
又忌狐臭人月經人

去死肉方

癰疽有死肉不去者用白丁香霜梅深則紐之淺則乾摻
於膏藥上甚妙

海又方膏藥內入雄黃巴荳少許不傷好肉止去惡肉不
惟惡瘡凡癰毒有惡肉者俱可去

又方雄黃散以雄黃一錢另研巴荳不去皮研如泥入乳
香沒藥少許再研細少上惡肉自去

保治惡瘡有死肉者及追膿

白丁香

輕粉

粉霜

雄黃

麝香各一錢

巴荳霜三錢

右細末新飯和作錠子用之

丹治瘡疽攻腫息肉突出烏頭五枚苦酒三升漬三日洗
之日夜三四次古今錄驗

諸癰疽有肉凸出數寸者更于凸出瘡門求之

膏藥方

神異膏治諸般惡毒瘡癰發背癰疽其妙如神

露蜂房

要用蜂窠多者為妙細剪淨一兩

全蛇蛻以鹽水洗淨焙乾半兩

玄參

半兩

去苁

盆中出火毒

綿黃芪三分

黃丹

五兩

細後入

真麻油

一斤

大杏仁

去皮尖切小片一兩

男子亂髮

洗淨焙乾如鷄子大

右件藥先將麻油入銀銚中同亂髮于風爐上慢慢文
武火熬候髮焦鎔盡以杏仁投入候杏仁色變黑好綿
濾去查再將所熬清油入銀銚內然後入黃芪玄參二
味慢火熬一二時取出銚子安一冷風爐上候半時又
火力稍息旋入露蜂房蛇蛻二味將柳枝急攪移銚于

火上不住手攪慢火熬至黃紫色用綿濾過後復入清
油在鉢內乘冷投黃丹急攪片時又移鉢於火上文武
火慢慢熬不住手用柳枝攪千餘轉候藥油變黑色滴
於水中凝結成珠子則是膏成就矣若珠子稀再熬少
時必候得所然後用甕器內封收待用或恐偶然熬火
太過稍硬難用却入少蠟熬添麻油在內甕器盛封蓋
於甕上蒸乘熱攪勻收而用之膏藥熬成了須用所盛
甕器置淨水盆中出火毒一晝夜歇三日方可用熬此
膏藥極難於火候須耐煩看火緊慢火猛即藥中火發
千萬謹戒膏藥方甚多
効無出于此

垣熱瘡寒膏藥

當歸身水洗焙
乾一兩

杏仁湯浸去皮
尖一百個

肥嫩柳枝三兩半切如
許水洗乾

肥嫩桃枝一兩切作如
寸洗淨乾

麻油斤一

右件先熬麻油熱下桃柳枝熬令半焦以綿裏當歸杏
仁同煎至柳枝黑焦為度去藥渣濾油澄淨抹去鉢中
渣滓令淨再上令沸旋旋入黃丹熬成滴水不散為
度

寒瘡熱膏藥

與寒膏藥同只將當歸身改作當歸稍桃柳枝分兩倒
過便是

歛瘡口
藥

劉氏貼發背癰疽膿盡四面皮粘恐有膿毒攻起宜用逼
毒散方

黃藥子

白藥子各一兩 赤小豆二兩 雄黃錢一

右為末水調傅

治發背癰疽膿盡生肉平滿宜用緊瘡口生肌青散子

檀花葉

盛時收陰乾取四兩為末

青赤小荳

白芨

各二兩

為末臨時用檀花末三錢七白芨小荳末各一錢七相

和新汲水調攤紙上貼四畔中心瘡口不用貼

垣 欵瘡口方木香檳榔散用之決無疼痛以蠟油塗覆瘡

上生肌欵肉甚速必無惡血瘡口疾合易取平復惟膏梁

熱瘡所宜用也貧人害地之寒濕外來寒瘡者禁不可用

木香

檳榔

黃連各等分

右為極細末依前調用濕則乾貼

治寒瘡欵瘡口藥

當歸身

一錢洗淨曬乾

青皮二分去白

木香一分

黃連五分

右四味為極細末蠟油調塗取效甚速

保 瘡口大者乳香散

寒水石煨

滑石各一兩

乳香

沒藥各半兩

腦子許少

右各研細和勻少許摻瘡口上

撮 桃紅散欵瘡口疔痛辟風邪

滑石四兩

乳香

輕粉各二錢

小荳粉一兩

寒水石三兩煨

右為細末乾摻口上一方改小荳粉為定粉

摺 有人患背疽已潰如碗面大視五臟僅膈膜耳自謂必

死用大鯽魚一枚去腸臟以羯羊糞入其中烘焙焦黑極

燥為細末乾摻之瘡口遂收至今無恙此方累用有效須

候膿少欲生肌肉時用之

保 又方治瘡口久不收

小椒去目炒

定粉

風化硝二錢

白礬二錢半

乳香

沒藥各一錢

右為末摻之

精生肌散

寒水石剉

滑石

烏魚骨

龍骨各一兩

定粉

蜜陀僧

白礬灰

乾胭脂各半兩

右為細末乾摻用之

平肌散治諸瘡久不斂

蜜陀僧煨

花蕊石煨

白龍骨各一兩

乳香研

輕粉各一錢

右為細末和勻乾摻

丹精要論癰疽久而瘡口不合其肉白而膿血少此為瘡口冷滯乃病氣血枯竭不潮于瘡遂致如此用北艾葉一把入瓦器內濃煎湯避風處乘熱用艾湯澆洗瘡口四圍

診

爭肉以絹帛兜艾葉乘熱澆沃一日一次洗了須避風仍燒松香以烟薰瘡口良久用神異膏貼之不可與厭穢之人見若不能禁忌瘡口難安藥亦無效夫以血氣枯燥不知補接於內惟務熱洗於外不揣其本而齊其末而乃歸罪于冷滯大抵潰瘍宜洗若非行補接之藥以實其內竊恐淋洗有一時之快少頃恐病躰自覺疲憊有不耐煩之意非虛而何可不先議補接乎補接即參芪歸木之類是也
蘇亂髮蜂房蛇蛻皮各燒灰存性每味取一錢七酒調服治瘡久不合神驗丹溪云髮補陰之功甚捷
丹收斂瘡口止有柳皮白欽煎湯飲之
靈眼白青黑眼小是一逆也內藥而嘔者是二逆也腹痛渴甚是三逆也有項中不便是四逆也聲嘶色脫是五逆也除此五者為順也玉版篇

精癰疽破潰之後其形候有逆有順眼白青黑而緊小一
惡也不能下食納藥而嘔食不知味二惡也腹痛渴甚三
惡也肩背不便四肢沉重四惡也聲嘶色脫唇鼻青黑面
目四肢浮腫五惡也煩躁時嗽腹痛渴甚泄利無度小便
如淋六惡也膿血大泄焮痛尤甚膿色敗臭氣不可近七
惡也喘粗短氣恍惚嗜臥八惡也未潰先黑又陷面青唇
黯便污者九惡也更有氣噫痞塞咳嗽身冷自汗無時瞪
目耳聾恍惚驚悸語言顛錯皆是惡証動息自寧飲食知
味一善也便利調勻二善也神彩精明語聲清朗三善也
膿清腫消色鮮不臭四善也躄氣和平五善也五善見三
則吉諸惡見四必危

癰疽所兼諸證

涓熱毒方盛或發大渴此是毒攻心臟令舌乾煩渴也但

瘡渴

以補心氣藥內補即止

羅竹葉黃芪湯治發背發渴通治諸瘡大渴

淡竹葉二兩

生地八兩

黃芪

麥門冬去心

當歸

川芎

甘草

黃芩

芍藥

人參

半夏湯洗

石膏各三兩

右為粗末每服五錢水一盞半竹葉五七片同煎至一

盞去查溫服無時虛渴者忌用石膏半夏黃芩

金銀花散

金銀花

四兩去土甘草一兩炒

右為細末每服四錢水酒各一盞同煎至一盞去查熱

服

外科精要云疽向安後發渴與加減八味丸夫當此時
血氣兩虛當用參芪補氣當歸地黃養血渴當自止何必

澤瀉茯苓導水佐以肉桂若忍冬丸黃芪六一湯等方切

當忍冬養血黃芪補氣渴何由作
忍冬丸大能止渴及療渴疾既愈之後須預防外癰疽
大宜服此

忍冬草不以多少根莖
花葉皆可煎

右入瓶內以無灰好酒浸以糠火煨一宿取出晒乾入
甘草少許研為細末以所浸酒打麩糊丸如桐子大每
服五十九至百丸無時酒飲任下

黃芪六一湯大治渴疾補虛乏常服此藥終身可免癰疽
之疾

綿黃芪 去芦六兩 一半生用 一兩一半生
半鹽水潤蒸三次焙乾 粉草 一兩一半生
半炙黃用

右為細末每服二錢早晨日午以白湯點服若飲初盃
用酒調尤妙

桑枝湯大治口乾取桑枝一小升細切炒香以水三大升

煎取二升一日服盡

五味子湯大治口燥舌乾此是腎水竭也

五味 黃芪 去芦 生用 人參 去 麥門冬 去 心

粉草 炙半 兩

右咬咀每服半兩水一盞半煎至八分去渣溫服無時
候一日二夜五七服妙

瘧嘔逆

丹外科精要云嘔逆有二証一証謂初發時不曾服內托
散伏熱在心一証謂氣虛脾氣不正而嘔伏熱在心與內
托散三兩貼氣虛而嘔宜嘉禾散有寒熱宜家傳正氣散
兼與山藥丸以補腎謹按病機諸逆衝上嘔越皆屬於火
其內托散性涼固有降火之理若嘉禾散羣隊以為補虛
之劑補力已少徒有溫煖助火耳山藥丸補腎以壯下焦

之陰粗為近理然治嘔須分先後腫瘍時當作毒氣上攻治之潰瘍後當作陰虛補之若年老因疽潰發嘔不食者宜用參芪曰木膏峻補取效佐藥隨時隨証加減恐用山藥丸緩急未易得力河間謂諸病瘡瘍如嘔者濕氣侵于胃也藥中宜倍加白朮

丹溪治一老人背疽嘔逆用補藥効方見潰瘍門予治一男子腫瘍嘔諸藥不止用獨參湯一服嘔即愈

精犀角膏治咽喉口舌生瘡昔有一貴人因疽而生此証醫者以為心臟絕盡皆辭退愚進此藥一日而安

咽喉口舌生瘡

真琥珀 研

生犀角 各一錢

茯苓 去木各二錢

真腦子 研

人參 去

酸枣仁 去皮研

右人參茯苓犀角為細末入乳鉢內別研藥味和勻用煉蜜搜為膏子以麤瓶收貯俟其疾作每服一彈子大

以麥門冬去心濃煎湯化服一日連服五服取効 此方廣傷

不宜用

瘡泄瀉逆冷

和氣散

蒼朮

四兩米泔浸三日洗淨晒乾再以米醋炒令香黃色

甘草 炙

青皮

去穢各一兩

肉桂

乾姜 炮各半兩

陳粟 升

右七味為末每服一錢用炒茴香末半錢相和溫酒調下不拘時

瘡血出不止

垣聖愈湯治諸惡瘡血出不止以寒水石細末摻之立止或瘡時作黑色不可潰也藥力去盡却紅和如血出多而心煩不安不得眠睡此亡血也此湯主之

熟地

生地 各三錢

歸身 半錢

川芎 錢

黃芪分五 人參分三

右咬咀如麻豈大都作一服水盞半煎至一盞去渣稍熱服無時

瘡腫肉

梅治背瘡肉長疾皮不及裏見風即成腫以寒水石燒研為細末傅瘡上再用銅綠細末上之肉即不作腫矣

瘡毒急牽陰入小腹

圖經古方療惡瘡癰腫或連陰髀間疼痛急攣牽入小腹不可忍一宿則殺人者用茴香苗葉搗取汁一升服之日三四用其滓以貼腫上冬中根亦可用此外國方永嘉以來用之起死神効

久漏瘡

虛寒

丹漏瘡 須先服補藥以生氣血即參芪朮歸芎為主大劑服之外以附子末唾和作餅如錢厚艾炷灸炷隨漏之大小便灸令微熱不可令痛乾則易之乾者再研為末再

寒

和再灸如困則止來日再灸宜至肉平為効亦有附片灸仍用前血氣藥作膏藥貼之

經云肉之大會為谷肉之小會為谿肉分之間谿谷之會以行榮衛以會大氣邪溢氣壅脈熱肉敗榮衛不行必將為膿內銷骨髓外破大腸留于節湊必將為敗積寒留舍榮衛不養肉縮筋助肘不得伸內為骨痺外為不仁命曰大寒留于谿谷也此用附子灸者蓋此義也梅師云腎移寒于脾發為癰疽少氣脾移寒于肝發為癰腫拘攣又云諸癰腫此皆安生岐伯曰生于八風之所變也又云地之濕氣感則害人皮肉筋脈聖濟云衣服之表易着寒所得之源大抵如此或發不變色或堅硬如石或捻之不痛久則然後變色疼痛漸爽而成膿如泔而稀久不能瘡瘡口不合變易為疔漏敗壞肌肉銷損骨髓以致

痿跛宜以此骨碎補丸主之

骨碎補

補骨脂

熟地

當歸

續斷

石楠

石斛

牛膝

杜仲

卑蘼

附子

芍藥

川芎

兔絲子

沙參

羌活

防風

獨活

天麻

黃芪

此方與大倭方相表裏各等分爲末煉蜜丸空心鹽湯服

陽氣者精則養神柔則養筋開闔不得寒氣從之乃生大倭宜用

羌活

防風

細辛

附子

甘草

川芎

續斷

白芍

白朮

當歸

桂心

麻黃

黃芪

熟地

此方與前骨碎補丸相表裏

管氣不從逆于肉理乃生癰腫

陷脈爲痿留連肉腠

氣化薄傳爲善畏及爲驚駭全文見陰陽門

精桂附丸治氣漏諸瘡

桂心

附子

炮裂米醋中浸再炮三五次去皮臍

厚朴姜製

粉草

白朮

各一兩

乳香研二錢

右爲細末煉蜜丸如桐子大空心米飲下二三十九丹
溪云精要治冷漏諸瘡與桂附丸此冷只因瘡久不合
風冷乘之血氣不潮而成也厚朴雖溫其瀉衛尤速恐
不若參芪佐以陳皮庶乎與病情相得此方治冷漏瘡
若寒而虛者只以加味十全湯隨時令經絡加減用之
爲當又虛甚者宜參芪歸朮膏

陷脈散治漏瘡及二三十年癭瘤或大如盂孟久久不瘥
致有漏潰令人骨肉消盡或堅或軟或潰令人驚惕卧寐
不安軀中掣痛愈而復作

乾姜炮

琥珀研

大黃

附子炮去皮

丹參分三

石硫黃研

白石英研

鍾乳粉研

烏賊骨研各半兩

右為末貯以篋合韋囊勿令泄氣若瘡濕即傳無汁即
煎猪脂和傅之以乾為度或死肌不消加芒硝二兩益
佳一法胡燕巢一枚

攻裡

小渠袁三因強寇入家傷其兩脰外廉作瘡數年不
已膿汁常涓涓然但飲冷則瘡間冷水浸淫而出延為濕
瘡求治戴人曰爾中焦當有綠水二三升涎數掬袁曰何
也戴人曰當被盜時感驚氣入腹驚則膽傷足少陽經也

兼兩外廉皆足少陽之部此膽之甲木受邪甲木色青當
有綠水少陽在中焦如瀝既伏驚涎在中焦飲冷水咽
驚涎所阻水隨經兩旁入瘡中故飲水瘡中水出乃上湧
寒痰汗如流水次下綠水果二三升一夕而痂乾真可恠
也

嘗治足膝下至踝漏瘡通足腫大於好足二倍行步不全
用五龍丸大下之者六番每番皆五七行下後用黃柏蒼
朮芩芍地草升葛星半牛膝活石桂調之近三四個月而
安

發表

治漏瘡

川芎兩半

細辛二錢半

白芷稍二錢半

甘草細末

右每日作湯服上瘡食後下瘡食前看瘡孔大小用隔
年黃麻根刮去粗皮槌軟撚成繩子撚入孔中至不可

靈方

收斂瘡口方

入則止日淺一日瘡用好膏藥貼之

木治瘻有頭出膿水不止以啄木鳥一隻燒灰酒調服一錢七立瘥

世神應膏治火漏瘡此宋褚防禦治理宗火漏瘡諸方不効獨此膏愈之如腸毒胃毒為丸服之神効

木香 當歸 一兩 赤芍藥 大黃 各一兩

官桂 各一錢 玄參 一兩 川續斷 一兩 香白芷 五錢

生地 二錢 三錢 莪朮 一兩

右九味細剉用真香油二斤浸春五日夏三日秋七日冬十日入鍋內以文武火煎令黑色瀝去查如熱天用黃丹并兩冷月十五兩旋旋下丹不住手攪試水中沉為度不可令婦人鷄犬見如漏有孔者以膏送入孔內外仍以膏攤貼之

海栳榔散治癰疽瘡癤膿潰之後外觸風寒腫軟膿膿水清稀出而不絕肉腠空虛惡汁臭敗瘡邊干及好肌不生及療疔瘻惡瘡浸潰不斂方見瘡瘍斂瘡口藥即木香栳榔黃連等分為末敷貼也

丹治漏外寒藥

蘆甘石 童便 牡礪粉 右為極細末傅之

齋烏金散貼惡瘡疔瘻

橡料子二個內一個實黃丹一個實白礬末相合定用黑俏麻皮纏了火內燒研細加麝香少許洗淨瘡貼之

恒截疔散治年深疔瘻瘡

黃連 兩半 白欽 白芨 黃丹 各一兩
輕粉 錢 龍腦 麝香 另研各半兩 蜜陀僧 兩

取朽骨方

右為細末和勺乾摻在紙上以膏貼之

取朽骨久疽及痔漏中有者

取黑骨鷄脛骨上等砒霜實之塩泥固濟火煨通紅取出地上出火毒去塩泥用骨研細飯丸如粟米大以紙撚送入孔竅內更用膏藥貼之

雄黃治瘡湯尚矣周禮瘍醫凡療瘍以五毒攻之鄭康成註云今醫方有五毒之藥作之用黃蜚置石膽丹砂雄黃礬石磁石其中燒三日三夜其烟上着以鷄羽取之以注創惡肉破骨則盡出楊大年嘗記其事族人楊偶年少時有瘍于頰連齒輔車外腫若覆甕肉潰出膿血不輒吐之痛楚難忍療之百方彌久不瘥人語鄭法依法製藥成注之瘡中少頃取朽骨連兩牙潰出遂愈信古方攻病之速也黃蜚即瓦盆也

針灸 東父漏瘡

足內踝上一寸灸三壯 如在上者肩井 鳩尾

診 肺脈微緩為痿痿緩者多熱○全

雜方 瘡醫自幼至老凡所經驗必須寫之嘗記疥癩惡瘡諸

藥不效者取蟻螬剪去兩頭安瘡口上以艾炷灸之七壯一易不過七枚無不效者又法用乞火婆虫兒灸之同前法累驗神効人皆秘之往往父子不傳

28
3766

檢
卷
第
一
十
一
卷

胡
祖
燾
錄
卷
第
一
十
一
卷

呈
內
題
上
一
十
卷

東
文
獻
彙

卷
第
一
十
一
卷

四

